



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

2508

1890  
243

U-16

Ваннеръ. Купили  
1884 года 29 Мая. № 6  
А. В. Ша.

В 20011

2010

243  
U-16

ԳԻՐԲ

ՍԵՂՍՈՍԵՑ

ԴԵԻԹԻ

ՏՅ  
C. A. S.

---

ԼՈՆԳՐԻՆ

Ի ՏՊԱՐԱՆԻ Կ. Ս ՈՒՆԴՍԻ

1880.



# Գ Ի Ր Վ

## ՍԵՂՄՈՍԵՅ ԴԵԻԹԻ

### ՍԵՂՄՈՍ Ե

Երանեալ է այր որ ոչ գնաց 'ի խորհուրդս  
ամբարշտաց . 'ի ճանապարհի մեղաւորաց  
նա ոչ եկաց , և յաթոռս ժանտից նա ոչ  
նստաւ :

2 Եւ յօրէնս տեսուն են կամք նորա , և  
յօրէնս նորն խորհեցի նա 'ի տուէ և 'ի  
գիշերի . և եղիցի նա որպէս ծառ , որ տնկեալ է 'ի  
գնացս ջուրց :

3 Որ զպտուղ իւր 'ի ժամու տացէ , և տերև  
նորա մի թափեցի . և զամենայն զոր ինչ  
արասցէ , յաջողեցի նմա :

4 Ոչ այսպէս են ամբարիշտք , և ոչ այսպէս .  
այլ որպէս հողմ զփոշի , զի հոսէ 'ի վերայ երե-  
սաց երկրի :

5 Ասն այսորիկ ոչ յարիցեն ամբարիշտք 'ի  
զատաստան , և ոչ մեղաւորք 'ի խորհուրդս  
արդարոց :



2233 6 - 60

6 Վանդի ճանաչէ տէր զճանապարհս արդա-  
րոց . ճանապարհք ամբարշտաց կորիցեն :

Տունք 6 :

## ՄԱՂՄԱՍ Բ

Անվերնագիլի 'ի հեբբայեցոց . երկուրն սոսա քնի  
ձի համար էն :

1 Ընդէր խռովեցան հեթանոսք , և ժողո-  
վուրդք խորհեցան 'ի սնտախ :

2 Յանդիման եղեն թագաւորք երկրի , և իշխանք  
ժողովեցան 'ի միասին վանն տեառն և վանն  
օծելոյ նորա :

3 Խզեցուք զկապանս նոցա , և ընկեսցուք 'ի  
մէնջ զլուծ նոցա :

4 Ինակեալն յերկինս ծիծաղեսցի զնորօք . և  
տէր արհամարհեսցէ զնոսա :

5 Յայնժամ խօսեսցի ընդ նոսա բարկութեամբ  
իւրով , և սրտմտութեամբ իւրով խռովեցուցէ  
զնոսա :

6 Ես կացի թագաւոր 'ի նմանէ , 'ի վերայ լերին  
սիռվի սրբոյ նորա , 'ի պատմել ինձ զհրամանս  
տեառն :

7 Տէր ասաց ցիս՝ որդի իմ ես դու , և ես այսօր  
ծնայ զքեզ :

8 Խնդրեա յինէն , և տաց քեզ զհեթանոսս

'ի ժառանգութիւն , և իշխանութիւն քեզ քնի  
ամենայն ծագս երկրի :

9 Հովուեսցես զնոսա դաւապանաւ երկաթեաւ ,  
և որպէս զանօթ բրտի փշրեսցես զնոսա .

10 Արդ թագաւորք՝ զայս 'ի միտ առէք . և  
խրատեսցարուք ամենեքեան , ոյք դատիք զերկիր :

11 Ծառայեսցէք տեառն երկիւղիւ , և ցնծացէք  
առաջն նորա գողութեամբ :

12 Բնկալարուք զխրատ նորա , զի մի բար-  
կասցի տէր . և կորնչիցիք 'ի ճանապարհացն ար-  
գարութեան :

13 Ի ժամանակի յորժամ բորբոքեսցի բարկու-  
թիւն նորա :

14 Երանի ամենեցուն՝ ոյք յուսացեալ են 'ի  
տէր :

Տունք 14 :

## ՄԱՂՄԱՍ Գ

Սաղմս 'ի դաւիթ . 'ի ծախանալի՝ զէ փախոցելալ  
էր նա յերեսաց տէրադոմոյ որդոյ իւրոյ :

1 Տէր զի բազում եղեն նեղիչք իմ . և բա-  
զումք յարեան 'ի վերայ իմ :

2 Ինզումք ասէին զանձնէ իմմէ՝ թէ չիք  
փրկութիւն սորա առ աստուած իւր :

3 Այլ դու տէր օգնական իմ ես , փառք իմ և  
բարձրացուցիչ զլիւր իմոյ :



4 Չայնիւ իմով ես առ տէր կարգացի, և լուաւ ինձ 'ի լեռնէ սրբոյ իւրմէ :

5 Ես ննջեցի և 'ի քուն եղէ . զարթեայ՝ և տէր ընդունելի իմ է :

6 Ոչ երկեայց ես 'ի բիւրուց զօրաց նոցա , ոյք շուրջանակի պատեալ պաշարեալ պահէին զիս :

7 Արի տէր և փրկեա զիս աստուած իմ . զի դու հարեր զամենեսեան , ոյք էին ընդ իս թշնամութեամբ 'ի տարապարտուց . և զատամունս մեղաւորաց փշեցես :

8 Տեսուն է փրկութիւն 'ի վերայ ժողովորեանքոյ՝ օրհնութիւն քո :

Տունք 8 : Գորդայս 28 :

## ՍԵՂՄՈՍ Գ

Ի հապարած օրհնութեան . սաղմոս Էրզոց 'ի պատիւն :

1 Ի կարգալ իմում լուար ինձ աստուած ըստ արդարութեան . 'ի նեղութեան ինձ անդորր արարեր . ողորմեա ինձ և լուր աղօթից իմոց :

2 Որդիք մարդկան՝ մինչև յերբ էք խստասիրաբք . ընդէր սիրէք զնանրութիւն , և խնդրէք զստութիւն :

3 Մաներուք զի սքանչելիս արար տէր սրբոյ իւրում . և տէր լուիցէ ինձ 'ի կարգալ իմում առ նա :

4 Բարկանայք և մի՛ մեղանչէք , զոր ինչ ասէք 'ի սիրտս ձեր , յանկողինս ձեր զղջացարուք :

5 Մատուցէք պատարագ արդարութեան , և յուսացարուք 'ի տէր :

6 Բազումք ասէին , թէ ո՞րցուցէ մեզ զբարութիւն տեանն : Նշանեցաւ առ մեզ լոյս երեսաց քոց . և ետուր ուրախութիւն սրտից մերոց :

7 Ի պողոյ ցորենոյ զինւոյ ձիթոյ իւրեանց լցուցեր զնոսա :

8 Խաղաղութեամբ յայս և 'ի սոյն ննջեսցուք և զարթիցուք . զի դու տէր միայն առանձին յուսով քո բնակեցուցեր զմեզ :

Տունք 8 :

## ՍԵՂՄՈՍ Ե

Ի հապարած վտան վեճակելոցն . սաղմոս 'ի պատիւն :

1 Բանից իմոց ունկն դիր տէր , և 'ի միտ առ զաղաղակ իմ :

2 Մայեա 'ի ձայն աղօթից իմոց , թագաւոր իմ և աստուած իմ :

3 Ես զքեզ աղաչեմ տէր , ընդ առաւօտս լուիցես ձայնի իմում . ընդ առաւօտս պատրաստ եղէց յանդիման լինել առ քեզ :

4 Ոչ թէ դու աստուած կամիս զանօրէնութիւն . և ոչ բնակին առ քեզ չարք , և անօրէնք մի՛ բնակեսցեն առաջի աչաց քոց :

Ատեցեր զայնսիկ , որ գործեն զանօրէնու-  
թիւնն . կորուսանես զամենեսեան ոյք խօսին սուտ :

6 Օջար արիւնահեղ և զնենդաւոր պիղծ  
առնես դու տէր . այլ ես ըստ բազում ողորմու-  
թեան քում մտից 'ի տուն քո , և երկիր պագից  
'ի տաճար սուրբ քո երկիւղիւ քո :

7 Տէր առաջնորդեա ինձ յարդարութեան քում .  
վասն թշնամեաց իմոց ուղիղ արա առաջի իմ  
զճանապարհս քո :

8 Օհ ոչ գոյ 'ի բերանս նոցա ճշմարտութիւն .  
և սիրտք նոցա նանրեալ են :

9 Որպէս գերեզման բաց է կոկորդ նոցա . և լը-  
զուօք իւրեանց նենգաւորք եղեն :

10 Պատեա զնոսա աստուած՝ զի անկցին 'ի խոր-  
հրդոց իւրեանց . ըստ բազում ամբարշտութեան  
նոցա մերժեա զնոսա , զի դաւնացուցին զքեզ :

11 Ուրախ լիցին ամենեքեան՝ որք յուսացեալ  
են 'ի քեզ . յաւիտեան ցնծասցեն , և բնակեցես  
դու 'ի նոսա :

12 Պարծեսցին 'ի քեզ սիրելիք անուան քո , զի  
օրհնեսցես դու զարդարն . տէր որպէս զինու  
հաճութեամբ քո պսակեցեր զնոսա :

Տունք 13 :

ՍՏՂՄՈՍ Թ

Ի կարարած ընդ օրհնութեան վասն ունեւորաց  
ասողնս 'ի դառնիլ :

1 Տէր մի սրտմտութեամբ քով յանդիմաներ  
զիս , և մի բարկութեամբ քով խրատեր զիս :

2 Ողորմեա ինձ տէր , զի հիւանդ եմ ես . բժշկեա  
զանձն իմ , զի խռովեցան ոսկերք իմ :

3 Անձն իմ յոյժ խռովեցաւ . և դու տէր մինչև  
յերբ :

4 Պարձ տէր և փրկեա զանձն իմ . կեցո զիս  
տէր ըստ ողորմութեան քում :

5 Օհ ոչ որ է որ 'ի մահու յիշէ զքեզ , կամ  
ի դժոխս խոստովան առնի առ քեզ :

6 Աստակեցայ ես 'ի հեծութեան իմում .  
լուացի զամենայն գիշեր զմահիճս իմ , և արտա-  
սուօք իմովք զանկողինս իմ թացի :

7 Խռովեցաւ 'ի սրտմտութենէ ակն իմ . և  
մաշեցայ ես 'ի վերայ ամենայն թշնամեաց  
իմոց :

8 Ի բաց կացէք յինէն ամենեքեան , ոյք գոր-  
ծէք զանօրէնութիւն :

9 Լուաւ տէր ձայնի լալոյ իմոյ . լուաւ տէր  
աղօթից իմոց . և տէր զննդրուածս իմ ընկալաւ :

10 Լմաչեսցեն և խռովեցին յոյժ ամենայն  
թշնամիք իմ . դարձցին յետս և ամաչեսցեն յոյժ  
վաղվաղակի և խռովեցին :

Տունք 10 . Գորդայս 30 :



## ՄԱՂՄՈՍ Է:

Ստղիտա՛ ՚ի գրասխի՛ն . զսր ասաց արևասն ժամն բանին  
 Դասեայ ուրուայ յԵփեսայ :

1 Տէր աստուած իմ՛ ՚ի քեզ յուսացայ , փրկեա  
 զիս , և յամենայն հալածչաց իմոց ապրեցո զիս :

2 Գուցէ երբէք յափշտակիցէ որպէս առիւծ  
 զանձն իմ . ոչ ոք իցէ որ փրկիցէ , և ոչ այն՝ որ  
 ապրեցուցանիցէ :

3 Տէր աստուած իմ թէ արարի զայս . և թէ  
 իցեն անօրէնութիւնք ՚ի ձեռս իմ :

4 Թէ հատուցի երբէք այնոցիկ , ոյք հատուցին  
 ինձ չար . անկեայց և ես ՚ի թշնամեաց իմոց  
 ընդունայն :

5 Հալածեսցէ ապա թշնամին զանձն իմ . հասցէ  
 և կոխեսցէ յերկիր զկեանս իմ , և զկառս իմ ՚ի  
 հող բնակեցուցէ :

6 Արի տէր բարկութեամբ . քոյլ , և բարձր ըր  
 ՚ի սպառել թշնամեաց իմոց :

7 Օգարթիր տէր աստուած իմ ՚ի հրամանս քո՛  
 զոր պատուիրեցեր . և ժողովք ժողովրդոց շուրջ  
 եղիցին զքե :

8 Ա՛ լասն այսորիկ ՚ի բարձունս դարձ տէր . և  
 տէր դատի զժողովուրդս իւր :

9 Գատ արա ինձ տէր ըստ արդարութեան  
 իմում , ըստ ամբօութեան իմում՝ որ յիս :

10 Կատարեսցին չարիք ՚ի վերայ մեղաւորաց ,  
 և յաջողեսցես դու արդարոյն :

11 Որ քննէ զսիրտս և զերիկամունս աստուած  
 արդար . յիրաւի է օրնութիւն ինձ յաստուծոյ՝ որ  
 ապրեցուցանէ զայնոսիկ ոյք ուղիղ են սրտիւք :

12 Աստուած դատաւոր արդար՝ հզօր և երկայնա-  
 միտ , որ ոչ ածէ զբարկութիւն իւր զօրհանապազ :

13 Ապա թէ ոչ դառնայք առ նա , զսուր իւր  
 սրեալ է և զաղեղն իւր լարեալ . ՚ի նմա պատ-  
 րաստեալ է զանօթս մահու , և զնետս իւր այրե-  
 ցելովք է գործեալ :

14 Ահաւասիկ երկնեաց զանօրէնութիւն . յաւ-  
 ցաւ զցաւս , և ծնաւ զանիրաւութիւն :

15 Գուբն՝ զոր փորեաց և պեղեաց , ՚ի նոյն  
 անկցի ՚ի խորխորտա՝ զոր և գործեաց :

16 Գարձցին ցաւք ՚ի գլուխ նորա . և ՚ի վերայ  
 զագաթան նորա անօրէնութիւնք իւր իջցեն :

17 Խոստովան եղէց տեառն ըստ արդարութեան  
 նորա . սաղմոս ասացից անուան տեառն բարձրելոյ :

Տունք 17 :

## ՄԱՂՄՈՍ Ը:

Ի Խապարած ՚ի վերայ հնչանայն . ասղիտա՛ ՚ի գրասխի՛ն :

1 Տէր տէր մեր , զի՛ սքանչելի է անուն քո ՚ի  
 վերայ ամենայն երկրի :

2 Համբարձաւ մեծվայելութիւն քո ՚ի վերոյ



քան զԵրկինս . 'ի բերանոց մանկանց տղայոց ստրնդիեցաց հաստատեցեր զօրհնութիւն :

3 Այսն թշնամեաց քոց տէր , զի եղծցի թշնամին և հակառակորդն :

4 Տեսից զԵրկինս զգործս մատանց քոց , զլուսին և զաստեղս՝ զորս դու հաստատեցեր :

5 Ո՞վ է մարդ , զի յիշես դու զնա . կամ որդի մարդոյ , թէ այց ինչ արասցես դու նմա :

6 Փոքր ինչ խոնարհ արարեր զնա քան զհրեշտակս քո . փառօք և պատուով պսակեցեր զնա , և կացուցեր զնա 'ի վերայ ամենայն ձեռակերտաց քոց :

7 Օրամենայն ինչ հնազանդ արարեր 'ի ներքոյ ոտից նորա , զխաշն և զարջառ և զամենայն ինչ :

8 Եւ և զերէ վայրի , զթռչունս երկնից , և զձկունս ծովու՝ որ շքին ընդ շաւիղս ծովու :

9 Տէր տէր մեր , զի՛ սքանչելի է անուն քո յամենայն երկրի :

Տունք 9 : Գորդայս 26 :

## ԱՆՎՄՈՍ Թ

Ի Կառարած . զասն Գաղտնեացն սրբոց :

1 Գոհացայց զքէն տէր բոլորով սրտիւ իմով . պատմեցից զամենայն սքանչելիս քո

2 Ուրախ եղէց և յնծացայց 'ի քեզ . սաղմոս սասցից անուան քում բարձրեալ :

3 Ի դառնալ յետս թշնամեաց իմոց , տկարացին և կորիցեն յերեսաց քոց :

4 Արարեր զգատաստանս իմ և զիրաւունս . նստար յաթոս՝ գատաւոր արդարութեան .

5 Սաստեցեր 'ի հեթանոսս , և կորեաւ ամբարիշտն . զանուանս նոցա ջնջեցեր յաւիտեանս յաւիտենից . և թշնամոյն զէն պակասեաց մինչ իսպառ :

6 Օքաղաքս աւերեցեր , և կորեաւ յիշատազ նոցա աղաղակաւ :

7 Աստուած կայ և մնայ յաւիտեան . պատրաստ արար զաթոս իւր 'ի գատաստանի :

8 Ինքն դատի զաշխարհս արդարութեամբ , և զժողովուրդս իւր ուղղութեամբ :

9 Եղև տէր ապաւէն տնանկի , օգնական 'ի նեղութեան 'ի գէպ ժամանակի :

10 Յուսացցին 'ի քեզ ամենեքեան՝ ոյք գիտեն զանուն քո . զի ոչ թողցես զայնոսիկ , որք խընդրեն զքեզ տէր :

11 Սաղմոս ասացէք տեսուն՝ որ ընակեալն է 'ի սիոն . պատմեցէք 'ի հեթանոսս զգործս նորա :

12 Ի խնդրել զարիւն նոցա՝ յիշեաց . և ոչ մոռացաւ տէր զաղօթս տնանկաց :

13 Ողորմեա ինձ տէր՝ և տես զխոնարհութիւն իմ 'ի թշնամեաց իմոց . ո՛ր բարձր արարեր զլս 'ի դրանց 'ի մահուանէ :



14 Որպէս պատմեցից զամենայն օրհնութիւնս քո 'ի գրունս զստեր սխնի, և ցնծացայց 'ի փրկութեան քում:

15 Բնկլան հեթանոսք յապականութեան իւրեանց՝ զոր արարին. և որոգայթ՝ զոր թագուցին, առցէ զոտս նոցա:

16 Ճանաչի տէր յառնել զգատաստանս իւր. և 'ի գործս ձեռաց իւրեանց կայսեցին մեղաւորք:

17 Գարձցին մեղաւորք անդրէն 'ի դժոխս. և ամենայն հեթանոսք որք մոռացան զաստուած:

18 Ոչ իսպառ մոռանայ տէր զաղքատն. համբերութիւն տնանկաց մի՛ կորիցէ իսպառ:

19 Երի տէր՝ և մի՛ զօրացի մարդ. գատեսցին հեթանոսք առաջի քո:

20 Կացո տէր օրէնսդիբ 'ի վերայ նոցա. և ծանիցեն հեթանոսք՝ թէ մարդիկ են:

21 Բնդէր տէր՝ կացեր 'ի հեռաստանէ. անտես արարեր 'ի դէպ նեղութեան ժամանակի:

22 Յամբարտաւանել ամբարշտի՛ սյրի աղքատն. արգելցին 'ի խորհուրդս իւրեանց զոր և խորհեցան:

23 Օ՛ի գովի մեղաւորն 'ի ցանկութիւն անձին իւրոյ. որ զրկէն, և նա գովի:

24 Խակ ընդէր բարկացոյց մեղաւորն զաստուած, ըստ բազում բարկութեան իւրում, թէ ոչ խնդրի:

25 Ոչ է աստուած առաջի աչաց նորա. պիղծ են ճանապարհք նորա յամենայն ժամ:

26 Բարձեալ են իրաւունք յերեսաց նորա. 'ի վերայ ամենայն թշնամեաց իւրոց տիրեսցէ:

27 Եսաց 'ի սրտի իւրում, թէ ոչ սասանեցայց ասգէ յազգ առանց չարի:

28 Ենիծիւք և դառնութեամբ և նենգութեամբ լի է բերան նորա, և 'ի ներքոյ լեզուի նորա ցաւք և վաստակք:

29 Կստի դարանեալ ընդ մեծամեծս 'ի դաղտնիս՝ սպանանել զամբիծն:

30 Եւք նորա 'ի տնանկս հային, դարանի 'ի դաղտնիս, որպէս զառիւծ 'ի մորուջ իւրում:

31 Գարանի յափշտակել զաղքատն. յափրշտակել զաղքատն, և ձգել զնա:

32 Յորոգայթ իւր խոնարհեցուցէ զնա. խոնարհեսցի և անկցի 'ի տիրել իւրում 'ի վերայ տնանկաց:

33 Օ՛ի ասաց 'ի սրտի իւրում թէ մոռացաւ աստուած. դարձոյց զերեսս իւր, զի մի՛ տեսցէ իսպառ:

34 Երի տէր աստուած իմ. բարձր եղցի ձեռն քո, և մի՛ մոռանար զտնանկս:

35 Խակ ընդէր բարկացոյց ամբարիշտն զաստուած. զի ասաց 'ի սրտի իւրում թէ ոչ քննի:

36 Տեսանես դու զնա 'ի ցաւս, և 'ի սրտմտու-

Թիւնս հայիս . 'ի քեզ թողեալ է աղքատն , և որբոյն դու ես օգնակտն :

37 Խորտակեցի բազուկ մեղաւորի և չարի . խնդրեցին մեղք նորա , և նա մի՛ գտցի :

38 Տէր թագաւոր յաւիտեանս յաւիտենից . կորիցեն հեթանոսք յերկրէ նորա :

39 Օգնակուծիւն տնանկաց լուաւ տէր . 'ի պատրաստութիւն սրտից նոցա հայեցաւ ունկն քո :

40 Գատ առնել որբոյն և տնանկի . զի մի՛ ևս յաւելցու մարդ , 'ի մեծաբանել իւրում 'ի վերայ երեսաց երկրի :

Տունք 40 :

### ՍԵՂՄՈՍ Ժ

Ի Կաթարած . սաղմս 'ի գաւիլէ :

1 Ի տէր յուսացայ , հրպէս ասիցէք ցանձն իմ՝ փոփոխեաց 'ի լելինս որպէս ճնձղուկ :

2 Օ՛ի ահա մեղաւորք լարեցին զաղեղունս իւրեանց . պատրաստ արարին զնետս 'ի կապարձս , ձգել ընդ խաւար այնոցիկ ղք ուղիւ կն սրտիւք :

3 Օ՛ի զոր դուն շինեցեր , նոքա աւերեցին . իսկ արդարն զի՞ արար :

4 Տէր 'ի տաճար սուրբ իւրում . տէր յերկինս յաթող իւրում :

5 Եւք նորա 'ի տնանկա հային , արտեանունք նորա քննեն զորդիս մարդկան :

6 Տէր քննէ զարդարն և զամբարիշտն . որ սիրէ զմեզս , ատեայ զանձն իւր :

7 Տեղացէ 'ի վերայ մեղաւորաց որոգայթ՝ հուր և ծծումք . այս միրիկ՝ բաժին բաժակի նոցա :

8 Երդար է տէր՝ և զարդարութիւն սիրէ . զուղղութիւն տեսանեն երեսք նորա :

Տունք 8 :

### ՍԵՂՄՈՍ ԺԸ

Ի Կաթարած 'ի վերայ ուլեւորդին . սաղմս 'ի գաւիլէ :

1 Եպրեցո զիս տէր , զի նուազեաց սուրբ . նուազեցին ճշմարտութիւնք յորդուց 'ի մարդկանէ :

2 Ի նանիր խօսեցաւ այր ընդ ընկերի իւրում . շրթամբք ննեղաւորք սրտէ 'ի սիրտ խօսեցաւ :

3 Ստակէ տէր զամենայն շրթունս ննեղաւորս և զլեզուս մեծաբանս :

4 Ո՛յք ասացին . զլեզուս մեր մեծս արասցուք , շրթունք մեր առ մեզ են , և արդ մեր հիլ է տէր :

5 Ա՛յն տառապանաց աղքատին և հեծութեան տնանկին , այլ յարեացք ասէ տէր . եղից ըզփրկու թիւն իմ և համարձակեցայ 'ի նոսա :

22336-60





6 Ի՛նչք տեսանն են բանք սուրբ, որպէս զարծաթ ընտրեալ և փորձեալ յերկրէ, սրբեալ և պարզեալ եօթնպատիկ ՚ի հողոյ :

7 Դ՛ու տէր պահեցեր զմեզ, և ապրեցուցեր զմեզ յազգէ յայսմանէ մինչև յաւիտեան :

8 Եւ որչանակի ամբարիշտք շրջին. ըստ բարձրութեան քում մեծ արասցես դու զորդիս մարդկան :

Տունք 8 :

### ՍԵՂՄՈՍ ԺԲ

Ի Խարարած. սողնոս ՚ի դաւիլ :

1 Մ՛ինչև յերբ տէր՝ մոռանաս զիս խապառ. մինչև յերբ դարձուցանես զերեսս քո յինէն :

2 Մ՛ինչև յերբ դնեմ զխորհուրդս յանձն իմ. և ցաւք սրտի իմոյ զաւուրս :

3 Մ՛ինչև ցերբ բարձրանայ թշնամին ՚ի վերայ իմ. նայեա և լուր ինձ տէր աստուած իմ :

4 Եւ յս տուր տէր աչաց իմոց, զի մի՛ երբէք ննջեցից ՚ի մահ :

5 Մ՛ի ասացէ թշնամին՝ թէ յաղթեցի նմա. կամ նեղիչք իմ ցնծացնն, թէ ես սասանեցայց :

6 Ես յողորմութիւնս քո տէր յուսացայ, ցրնծացաւ սիրտ իմ ՚ի փրկութեան քում. օրհնեցից զտէր զբարերարդ իմ :

Տունք 6 :

### ՍԵՂՄՈՍ ԺԳ

Ի Խարարած. սողնոս ՚ի դաւիլ :

1 Ասայ անզգամն ՚ի սրտի իւրում, թէ ոչ գոյ աստուած :

2 Ապականեցան և պղծեցան յանօրէնութեան իւրեանց. և ոչ որ է՝ որ առնէ զբաղցրութիւն :

3 Տէր յերկնից նայեցաւ յամենայն որդիս մարդկան, տեսանել թէ իցէ՞ որ իմաստուն, որ խնդրիցէ զաստուած :

4 Ամենեքեան խոտորեցան ՚ի միասին և անպիտանացան :

5 Ոչ որ է որ առնէ զբաղցրութիւն. և չէ որ մինչև ՚ի մի :

6 Որպէս ոչ ծանիցեն ամենեքեան, որք գործեն զանօրէնութիւն :

7 Ոչք ուտէին զժողովուրդ իմ որպէս կերակուր հացի, և առ տէր ոչ կարդացին :

8 Անդ երկիցեն զերկիւզ՝ ուր ոչ իցէ երկիւզ. զի տէր է յազգս արդարոց :

9 Օխորհուրդ աղքատի յամօթ արարին. զի տէր է յոյս նորա :

10 Ո՞րտացէ ՚ի սիռնէ զփրկութիւն խորայելի. ՚ի դարձուցանել տեսան զգերութիւն ժողովրդեան իւրոյ. ցնծացէ յակովբ՝ և ուրախ եղիցի իւրայել :

Տունք 10 : Գորղոյս 32 :

## ՍՆՂՄՈՍ ԺԳ

Ի կարարած . ստղնոս 'ի դառնիւ :

1 Տէր ո՞վ կացցէ 'ի խորանի . քում, կամ ո՞վ  
բնակեցցէ 'ի լեւան սուրբ քո :

2 Որ գնայ անբիժ՝ գործէ զարդարութիւն, խօսի  
զճշմարտութիւն 'ի սրտի իւրում :

3 Որ ոչ նենդաւորեաց լեզուաւ իւրով, և չար  
ընկերի իւրում ոչ արար :

4 Վախատինս 'ի մերձաւորաց ոչ առնու . ար-  
համարհեալ է առաջի նորա չարագործն :

5 Օ՛րկիւղածս տեսան փառաւոր առնէ . որ  
երգնու ընկերի իւրում, և ոչ ստէ :

6 Օ՛արծաթ իւր 'ի վարձու ոչ տայ, և կաշառս  
'ի վերայ իրաւանց ոչ առնու . որ զայս արասցէ,  
նա մի սասանեսցի յաւիտեան :

Տունք 6 :

## ՍՆՂՄՈՍ ԺԵ

Յարցանաբեր 'ի դառնիւ :

1 Պահեա զիս աստուած իմ զի ես 'ի քեզ  
յուսացայ . սասցի տեսան, տէր իմ ես դու, և  
բարիք իմ ինձ 'ի քէն են :

2 Սրբոց քոց՝ որք են յերկրի . քում . սքանչելի  
արարեր զամենայն կամս իմ 'ի նոսա :

3 Յաճախեսցին հիւանդութիւնք նոցա . յետ  
այսորիկ ապա վաղվաղեսցին :

4 Ոչ ժողովեցայց 'ի ժողովս նոցա յարեանց .  
և ոչ յիշեցից զանուանս նոցա 'ի շրթունս իմ :

5 Տէր բաժին ժառանգութեան իմոյ՝ և բաժակի  
իմոյ դու ես, որ այսրէն դարձուցանես զժառան-  
գութիւն իմ յիս :

6 Ա՛ իճակք ելին ինձ ընդ ընտիրս, և ժառան-  
գութիւն իմ հաճոյ եղև ինձ :

7 Օրհնեսցից զտէր՝ որ իմաստուն արար զիս,  
մինչ 'ի գիշերի ևս խրատեսցին զիս երիկամունք իմ :

8 Յառաջադոյն տեսանէի զտէր առաջի իմ յա-  
մենայն ժամ, զի է ընդ աջմէ իմմէ, զի մի սասա-  
նեցայց :

9 Ա՛ լանս այսորիկ ուրախ եղև սիրտ իմ, և  
ցնծացաւ լեզու իմ, ևս և մարմին իմ բնակեսցէ  
յուսով :

10 Օ՛ր ոչ թողցես զանձն իմ 'ի դժոխս, և ոչ  
տացես սրբոյ . քում տեսանել զապականութիւն :

11 Յուցեր ինձ զճանապարհս քո կենաց,  
լցուցեր զիս ուրախութեամբ երեսաց քոց 'ի  
քաղցրութենէ վայելչութեան քոյ քո մինչև 'ի  
սպառ :

Տունք 11 :



## ՄԱՂՄՈՍ Ժ.Գ.

Լըօլէր 'ի գաւ-իլ :

1 Լուր տէր արդարութեան , և նայեա 'ի խնդրուածս իմ . ունկն դիր աղօթից իմոց , զի ոչ շքեամբք նենգաւորօք :

2 Յերեսաց քոց իրաւունք ինձ ելցեն , և աչք իմ տեսցեն զուղղութիւն :

3 Փորձեցեր զսիրտ իմ , և քննեցեր 'ի գիշերի փորձեցեր զիս , և ոչ գտաւ յիս անիրաւութիւն :

4 Մի խօսեցցի բերան իմ զգործս որդւոց մարդկան . վասն բանից շքեանց քոց ես պահեցից զճանապարհս խիտոս :

5 Հաստատեա զաւելիս իմ 'ի ճանապարհի բում , զի մի գայթաղեցցին գնացք իմ :

6 Ես առ քեզ տէր կարգացի , զի լուար ինձ աստուած . խոնարհեցո առ իս զունկն քո , և լուր բանից իմոց :

7 Աբանչելն արարեր զողորմութիւնս քո . ո փրկեա զայնոսիկ ոյք յուսացեալ են 'ի քեզ յայն ցանէ , ոյք հակառակ կան աջոյ քո :

8 Պահեա զիս որպէս բիբ ական . ընդ հովանեալ թեոց քոց ծածկեցես զիս յերեսաց ամբարըշտաց , ոյք տառապեցուցին զիս :

9 Թշնամիք զանձն իմ պաշարեցին , և 'ի ճարպըս իւրեանց արգելին . և բերանք նոցա խօսեցան զամբարտաւանութիւն :

10 Մերժեցին զիս , և այժմ դարձեալ պատեցան զինե . ուշ եղին խոնարհեցուցանել զիս յերկիր :

11 Համարեցան ինձ որպէս առիւծ զի պատրաստի յորս , և որպէս կորիւն առիւծու զի նստի դարանեալ :

12 Երի տէր՝ ժամանեա նոցա և խափանեա զնոսա . փրկեա զանձն իմ յամբարըշտաց , 'ի սրոյ՝ և 'ի ձեռաց թշնամւոյն :

13 Տէր կորո զնոսա յերկրէ . բաժանեա և խափանեա զնոսա 'ի կեանս իւրեանց :

14 Պաղտնօք քովք լցան որովայնք նոցա . յագեցան կերակրովք , և թողին զմնացուածս սղայոց իւրեանց :

15 Ես արդարութեամբ երևեցայց երեսաց քոց . յագեցայց յերևել փառաց քոց :

Տունք 15 : Գորդայս 32 :

## ՄԱՂՄՈՍ Ժ.Ե.

Ի խապարած 'ի վերայ պարտեալող նահապարհի ծառային որեւան օրաւի . զոր խօսեցաւ ընդ որեւան պէտես օրհնութեան , յառար յորում ժրկեաց զնա որեւ 'ի վերայ ամենայն լեշնամեաց , եւ 'ի վերայ սառուղայ . եւ ասէ :

1 Միրեցից զքեզ՝ տէր զօրութիւն իմ , տէր հաստատիչ իմ , ապաւէն իմ և փրկիչ իմ :



2 Աստուած օգնական իմ, և ես յուսամ ՚ի նա .  
ապաւեն իմ, եղջիւր փրկութեան իմոյ ընդունելի  
իմ է :

3 Որհնելով կարգացից առ տէր , և ՚ի թշնա-  
մեաց իմոց ապրեցայց :

4 Եւրջ եղեն զինև երկունք մահու . և ուղիք  
անօրէնու թեան խռովեցուցին զիս :

5 Ա իշտը դժոխոց պաշարեցին զիս . և ժամա,  
նեցին ինձ որոգայթք մահու .

6 Ի նեղութեան իմում ես առ տէր կարգացի , և  
առ աստուած իմ աղաղակեցի :

7 Եւսաւ ինձ ՚ի տաճարէ սրբոյ իւրմէ ձայնի  
աղօթից իմոց . և աղաղակ իմ առաջի նորա մոցէ  
յականչս նորա :

8 Խռովեցաւ և դողաց երկիր , և Տիմոնք  
լերանց սասանեցան և խռովեցան , զի բարկացաւ  
՚ի վերայ նոցա աստուած :

9 Եւ ծուխ ՚ի բարկութենէ նորա , և հուր յե-  
րեսաց նորա բորբոքեցաւ , և փայլատակունք  
հատան ՚ի նմանէ :

10 Խոնարհեցոյց զերկինս և էջ . և մէգ ՚ի  
ներքոյ ոտից նորա :

11 Եւ ՚ի քրոյքէս և թուեաւ . սլացաւ նա ՚ի  
թևս հողմոց :

12 Եդ զխաւար ՚ի ծածկոյթ իւր , և շուրջ  
զնովաւ են յարկք իւր . և խաւարային ջուրք  
մինչև յամպս օդոց :

13 Ի փայլատակել նորա առաջի նոցա , ամպք  
անցուցին զկարկուտ , և զկայծակունս հուր :

14 Որոտաց տէր յերկնից , և բարձրեալն ես  
զձայն իւր ՚ի կարկուտ և ՚ի կայծակունս հուր :

15 Առաքեաց զնետս իւր և ցրուեաց զնոսա .  
յաճախեաց զփայլատակունս իւր , և խռովե-  
ցոյց զնոսա :

16 Երևեցան աղբերք ջուրց , և յայտնեցան  
Տիմոնք աշխարհի :

17 Ի սաստէ քուամէ տէր , և ՚ի շնչել հոգւոյ  
բարկութեան քո :

18 Առաքեաց ՚ի բարձանց և ընկալաւ զիս .  
ընկալաւ զիս ՚ի ջուրց բազմաց :

19 Վրկեցէ զիս տէր ՚ի թշնամեաց իմոց հզո-  
ւաց , և յատելեաց իմոց զի հզօր եղեն քան զիս :

20 Դամանեցին ինձ յաւուր չարչարանաց  
իմոց . եղև տէր հզօրիչ իմ , և եհան զիս յան-  
դորր . և վրկեցէ զիս տէր , զի կամեցաւ զիս :

21 Հատուցէ ինձ տէր ըստ արդարութեան  
իմում . ըստ ամբօութեան իմում հատուցէ ինձ :

22 Ես պահեցի զձանապարհս տեառն , և ոչ  
ամբարշտեցայ յաստուծոյ իմմէ :

23 Ամենայն իրաւունք նորա առաջի իմ են , և  
զարդարութիւն իւր ոչ ՚ի բացէ արար յիննն :

24 Եղէց և ես ամբիծ ընդ նմա . և զգուշացոյց  
յանօրէնութենէ իմմէ :



25 Հատուցէ ինձ տէր ըստ արդարութեան իմում, ըստ սրբութեան ձեռաց իմոց առաջի աչաց իւրոց:

26 Ընդ սրբոյն սուրբ եղիցիս, ընդ անն ամբօժի ամբօժ եղիցիս, ընդ ընտրեալն ընտրեալ եղիցիս, և զթիւրան կործանեսցես:

27 Դու զժողովուրդս խոնարհս կեցուցանես. և զաչս ամբարտաւանից դու խոնարհեցուցանես:

28 Դու լուսաւոր առնես զճրագ իմ տէր. աստուած իմ, լոյս արա ինձ ՚ի խաւարի:

29 Վեւ փրկեցայց ՚ի փորձութենէ. աստուծոյ իմով անցից ընդ պարիսպս:

30 Աստուած իմ, անբիծ են ճանապարհք նորա. և բանք տեսան ընտրեալ են. և ապաւէն ամենեցուն որք յուսան ՚ի նա:

31 Այն զի ոյ է աստուած բաց ՚ի տեսանէ, կամ ոյ է աստուած բաց յաստուծոյ մերմէ:

32 Աստուած, որ զպեցուցեր ինձ զօրութիւն, և եղիր յամբօժութեան զճանապարհս իմ:

33 Հաստատեցեր զոտս իմ որպէս զեղջերուի. և ՚ի վերայ բարձանց կացուցեր զիս:

34 Ուսուցեր զձեռս իմ ՚ի պատերազմ, և արարեր զբազուկ իմ որպէս զաղեղն հաստ. և ետուր ինձ զպաշտպանութիւն փրկութեան քոյ:

35 Աջ քո ընկալաւ զիս, և խրատ քո կանգնեաց զիս խապառ, և խրատ քո ուսուցէ զիս:

36 Ընդարձակեցեր զգնացս իմ ՚ի ստորէ իմմէ. և ոչ տկարացան շաւիղք իմ:

37 Հալածեցից զթշնամիս իմ և հասից նոցա. և ոչ գարձայց ՚ի նոցանէ՝ մինչև սպառեցից զնոսա:

38 Աեղեցից զնոսա, և այլ մի կարացնն կեալ. և անկցին ՚ի ներքոյ ոտից իմոց:

39 Օգբեցուցեր ինձ զօրութիւն ՚ի պատերազմի. զլարուցեալն ՚ի վերայ իմ՝ ներքոյ իմ արարեր:

40 Օթշնամիս իմ հալածականս արարեր, և զատելիս իմ սատակեցեր:

41 Ազաղակեցին, և ոչ ոք էր որ փրկէր զնոսա. կարդացին առ տէր, և ոչ լուաւ նոցա:

42 Անբեցից զնոսա որպէս փոշն առաջի հողմոյ. և որպէս կաւ գոնհաց կոխեցից զնոսա:

43 Փրկեսցէ զիս տէր ՚ի հակառակութենէ ժողովորոց, և կացուցէ զիս գլուխ հեթանոսաց:

44 Ժողովուրդ՝ զոր ոչ գիտէի, ծառայեաց ինձ, և ՚ի լուր ականջաց լուաւ ինձ:

45 Որդիք օտարաց ստեցին ինձ. որդիք օտարաց յաշեցան, և կաղացան ՚ի շաւղաց իւրեանց:

46 Կենդանի տէր և օրհնեալ է աստուած. և բարձր եղիցի աստուած փրկութեան իմոյ:

47 Աստուած է որ խնդրէ զվրէժ իմ, և հնազանդ առնէ զժողովուրդս ընդ ինն:

48 Փրկիչ իմ ՚ի թշնամեաց իմոց բարկացողաց

յայնցանէ որ յարուցեալ են 'ի վերայ իմ, բարձր արարեր զիս, և յառնէ անիրաւէ փրկեմ սեր զիս:

49 Ասն աշտրիկ խոստովան եղէց քեզ 'ի Տեթանոսս, և անուան քում սաղմոս սասցից:

50 Սեծ արարեր զփրկութիւն թագաւորի նորա. առնել ողորմութիւն ընդ օծելոյ նորա ընդ զաւթի, և ընդ զաւակի նորա ազգէ մինչև յազգ:

Տունք 50:

## ՍԵՂԱՌՈՍ ԺԲ

Ի Կարաբաժ. սողնոս 'ի գաւթի:

1 Երկինք պատմեն զփառս աստուծոյ. և զարարածս ձեռաց նորա պատմէ հաստատութիւն:

2 Օր առ ուր բղխէ զքան. և զիշեր զիշերի ցուցանէ զգիտութիւն:

3 Ոչ են բանք և ոչ են խօսք, որոց ոչ լին ձայնք նոցա:

4 Ընդ ամենայն երկիր ել բարբառ նոցա, մինչև 'ի ծագս աշխարհի են խօսք նոցա:

5 Յարևու եհար զխորան իւր. և ինքն որպէս փեսայ զի ելանէ յառագաստէ իւրմէ. և ցնծայ նա որպէս սկայ յընթանալ զճանապարհս իւր:

6 Ի ծագաց երկնից են ելք նորա. և հանգիստ

նորա մինչև 'ի ծագս նորուն. և ոչ ոք իցէ, որ թագիցէ 'ի տապոյ նորա:

7 Օրէնք տեառն ամբիժ են, և դարձուցանեն զհոգիս. մկայութիւն տեառն հաւատարիմ, և խմաստուն աննէ զտղայս:

8 Արդարութիւն տեառն ուղիղ է, և ուրախանէ զսիրտս. պատուիրանք տեառն լոյս են, և լոյս տան աչաց. երկիւղ տեառն սուրբ է, և մնայ յաւիտեան:

9 Պատաստան տեառն ճշմարիտ է, և արդար է 'ի նոյն:

10 Յանկալի է նա քան զոսկի և քան զականս պատուականս բազումս. քաղցր է նա քան զմեղու խորիսիս:

11 Վանդի ծառայ քո պահեսցէ զայս. 'ի պահել նմա հատուցումն բազում:

12 Օ, յանցուածս իւր ոյ կարէ անուղ 'ի միտ. 'ի գաղանեաց իմոց սուրբ արա զիս տէր, և յօտարէն պահեա զծառայս քո:

13 Ապա թէ ոչ տիրեսցեն ինձ, յայնժամ անբիժ եղէց, և սուրբ եղէց 'ի մեղաց մեծաց:

14 Եղցին քեզ հաճոյ բանք բերանոյ իմոյ, և խորհուրդք սրտի իմոյ առաջի քո յամենայն ժամ տէր օղնական իմ և փրկիչ իմ:

Տունք 14:



## ՍԵՂՄՈՍ ԺԹ

Ի Կարարած . սաղնոս 'ի գաւլիէ :

- 1 Լուիցէ քեզ տէր յաւուր անձկութեան ,  
օգնական եղիցի քեզ անուն աստուծոյ յակորայ :
- 2 Առաքեսցէ քեզ տէր օգնութիւն 'ի սրբու-  
թենէ իւրմէ , և 'ի սիովնէ ընկալցի զքեզ :
- 3 Յիշեսցէ տէր զամենայն պատարագս քո , և  
զուխտս քո ընդունելի արասցէ :
- 4 Տացէ քեզ տէր ըստ սրտի քում . և զամենայն  
խորհուրդս քո նա կատարեսցէ :
- 5 Հնծասցուք մեք 'ի փրկութեան քում . յա-  
նուն աստուծոյ մերոյ մեք մեծք եղիցուք :
- 6 Լցուցէ տէր զամենայն խնդրուածս քո .  
այժմ ծանեաք , զի կեցոյց տէր զօծեալ իւր :
- 7 Լուաւ սմա յերկնից 'ի սրբութենէ իւրմէ ,  
'ի զօրութիւն փրկութեան աջոյ իւրոյ :
- 8 Սոքա կառօք և սոքա կրիվարօք . այլ մեք  
զանուն տեառն աստուծոյ մերոյ կարգասցուք :
- 9 Սոքա խափանեցան և անկան . մեք յարեաք  
և ուղիւք եղաք :
- 10 Տէր կեցո զթաղաւորն , և լուր մեզ յաւուր  
յորում կարգասցուք առ քեզ :

Տունք 10 :

## ՍԵՂՄՈՍ Ի

Ի Կարարած . սաղնոս 'ի գաւլիէ :

- 1 Տէր 'ի զօրութեան քում ուրախ եղիցի թա-  
ղաւորն . 'ի փրկութեան քում ցնծասցէ յոյժ :
- 2 Օջանկութիւն սրտի նորա ետուր նմա ,  
և զկամն շրթանց նորա ոչ արգելեր 'ի նմանէ :
- 3 Ժաման արարեր զնա յօրհնութիւն քաղ-  
ցրութեան քոյ . և եղիր 'ի զլուխ նորա պսակ 'ի  
քարէ պատուականէ :
- 4 Կեանս խնդրեաց 'ի քէն , և ետուր նմա ընդ  
երկայն աւուրս՝ յախտեանս յախտնից :
- 5 Մեծ են փառք նորա 'ի փրկութեան քում .  
զփառս և զմեծփայեչութիւն զիցես 'ի վերայ  
նորա :
- 6 Տացես զնա յօրհնութիւն յախտեանս յախ-  
տնից . և ուրախ արասցես զնա յուրախութիւն  
երեսաց քոց :
- 7 Թագաւոր յուսացաւ 'ի տէր . յողորմու-  
թենէ բարձրելոյն նա մի սասանեսցի :
- 8 Ղտցի ձեռն քո 'ի վերայ թշնամեաց քոց . և  
աջ քո գտցէ զամենայն ատելիս քո :
- 9 Ղիցես զնոսա որպէս հնաց 'ի հուր՝ 'ի ժամա-  
նակի երեսաց քոց :
- 10 Տէր բարկութեամբ իւրով խռովեցուցէ  
զնոսա . և հուր կերիցէ զնոսա :

11 Պտուղ նոցա յերկրէ կորիցէ . և զաւակ նոցա յորդուոց ՚ի մարդկանէ :

12 Խոտորեցան ՚ի քէն չարութեամբ . խորհեցան խորհուրդ , զոր ոչ կարացցին հաստատել :

13 Արացես զնոսա հալածեալս . ՚ի մնացուածս քո պատրաստեցես զերեսս նոցա :

14 Բարձր լեր տէր ՚ի զօրութեան քում . օրհնեսցուք , և սաղմոս ասացուք զօրութեանց քոց :

Տուէք 14 : Գորդայս 33 :

## ՍՆՂՄՈՍ ԻՆ

Ի Խորարած . լաան առաւօրին օգնականութեանց սաղմոս ՚ի դաւիթ :

1 Աստուած աստուած իմ՝ նայեաց առ իս . ընդէր թողեր զիս . հետի եղէ ՚ի փրկութենէ իմէ վասն բանից յանցանաց իմոց :

2 Աստուած իմ , ՚ի տուէ կարգացի առ քեզ , և ինձ ոչ լուար . ՚ի գիշերի , և ինձ ոչ անսացեր :

3 Ղու ՚ի սուրբս բնակեալ ես . և գովեալք իսրայելի :

4 Ի քեզ յուսացան հարբն մեր . յուսացան ՚ի քեզ , և փրկեցեր զնոսա :

5 Առ քեզ աղաղակեցին , և կեցին . ՚ի քեզ յուսացան , և ոչ ամաչեցին :

6 Այլ ես որդն եմ , և ոչ եմ մարդ . նախապէս մարդկան , և արհամարհանք ժողովորոց :

7 Ամենքեան որք տեսանէին զիս , արհամարհէին զինն . խօսէին շրթամբ , և շարժէին զլիւս իւրեանց :

8 Յուսացաւ ՚ի տէր , և փրկեցէ զնա . կեցուցէ զնա , զի կամի զնա :

9 Ղու ես՝ որ հաներ զիս յարգանդէ . յոյս իմ ՚ի ստեանց մօր իմոյ :

10 Ի քեզ անկայ ես յարգանդէ . յորովայնէ մօր իմոյ դու ես աստուած իմ :

11 Մի ՚ի բացեայ անիր յինէն՝ զի նեղութիւնք մերձեալ են . և ոչ որ է՝ որ օգնէ ինձ :

12 Շուրջ եղեն զինն զուարակք բազումք . և ցուք գէրք պաշարեցին զիս :

13 Բացին ՚ի վերայ իմ զբերանս իւրեանց , որպէս առիւծ՝ զի մնչէ և յախշտակէ :

14 Ես որպէս ջուր հեղայ , և ցրուեցան ամենայն ոսկերք իմ . և եղև սիրտ իմ որպէս մոմ հալեալ ՚ի մէջ որովայնի իմոյ :

15 Չորացաւ որպէս խեցոյ զօրութիւն իմ . լեզու իմ ՚ի քիմն իմ կցեցաւ . և ՚ի հող մահու իջուցին զիս :

16 Շուրջ եղեն զինն շունք բազումք . և ժողովք չարաց պաշարեցին զիս :

17 Օտակեցին զձեռս իմ և զոտս իմ , և թուեցին զամենայն ոսկերս իմ . նոքա հայեցան և տեսին զիս :



18 Բաժանեցան զՏանդերձս իմ 'ի մէջ իւրեանց , և 'ի վերայ պատմուճանի իմոյ վիճակս արկանէին :

19 Ղու տէր մի Տեոի առներ զօգնութիւն քո յինէն . և տէր յօգնել ինձ նայեաց :

20 Փրկեա 'ի սրոյ զանձն իմ , և 'ի ձեռաց շանց զմիամօրութիւն իմ :

21 Փրկեա զիս 'ի բերանոյ առիւծու , յեղջերէ միեղջերոյ զսոնարհութիւն իմ :

22 Պատմեցից զանուն քո եղբարց իմոց . 'ի մէջ եկեղեցւոյ օրհնեցից զբեղ :

23 Երկիւղածք տեսան օրհնեցէք զտէր . ամենայն զաւակն յակովբեան փառաւոր արացնն զնա :

24 Երկիցէ 'ի տեսանէ ամենայն զաւակն իսրայելի , զի ոչ արհամարհեաց և ոչ անարգեաց տէր զաղօթս աղքատիս , և ոչ դարձոյց զերեսս իւր յինէն , այլ 'ի կարդալ իմում առ նա՝ լուաւ ինձ :

25 Ի քէն է գովութիւն իմ , յեկեղեցիս մեծս օրհնեցից զբեղ :

26 Օուխտս իմ կատարեցից առաջի ամենայն երկիւղածաց նորա :

27 Արիցեն տնանկք և յագեսցէ . օրհնեցեն զտէր՝ որ ինդրենն զնա :

28 Աեցցեն սիրտք նոցա յաւիտեանս յաւիտենից . յիշեսցեն , և դարձցին առ տէր ամենայն ծագք երկրի :

29 Երկիր պաղցնն նմա ամենայն տոհմք աղանց . զի տեսան է արքայութիւն , և նա տիրէ 'ի վերայ ամենայն հեթանոսաց :

30 Աերան և երկիր պաղին նմա ամենայն պարարտք երկրի . առաջի նորա անկցին ամենեքեան՝ որ իջանեն 'ի հոյ :

31 Անձն իմ նովաւ կեայ . և զաւակ իմ ծառայեսցէ նմա :

32 Պատմեսցի տեսան ազգ՝ որ գալոցն է . պատմեսցեն զարդարութիւն նորա ժողովրդեան , որ ծնաներոցն է՝ զոր արար տէր :

Տունք 32 :

## ԱՆՂԾՈՍ ԻԲ

Ի Կարաբաժ . ստղոս 'ի պատիւ :

1 Տէր հովուեսցէ զիս , և ինձ ինչ ոչ պակասեսցի :

2 Ի վայրի դալարւոյ՞ անդ բնակեցոյց զիս , և առ ջուրս հանդստեան սնոյց զիս :

3 Ղարձոյց զանձն իմ առ իս , և առաջնորդեաց ինձ 'ի ճանապարհս արդարութեան վասն անուան իւրոյ :

4 Թեպէտ և գնացիցես 'ի մէջ ստուերաց մահու , ոչ երկեայց 'ի չարէ , զի դու տէր բնդ իս ես :

5 Հնուպ քո և դաւաղան՝ նորա մտիթարեսցեն զիս :

6 Պատրաստ արարեր առաջն իմ սեղանն՝ ակն յանդիման նեղչաց իմոց :

7 Օձեր իւղով զգրուիս իմ . բաժակ .քո որպէս անապակ արբեցոյց զես :

8 Ողորմութիւն .քո տէր զՏեա իմ եկեացէ զամենայն առուրս կենաց իմոց . բնակել ինձ ՚ի տան տեանն ընդ երկայն առուրս :

Տունք 8 :

### ՍԱԳՄՈՍ ԻՊ

Սողոմոն ՚ի դաւիթ . Ֆաշտբախտն :

1 Տեառն է երկիր լիւ իւրով . աշխարհ և ամենայն բնակիչք նորա :

2 Մա ինքն ՚ի վերայ ծովու հիմունս արկ նմա . ՚ի վերայ գետոց պատրաստեաց զնա :

3 Ո՞վ ելցէ ՚ի լեանն տեանն . կամ ո՞վ կացցէ ՚ի տեղոջ սրբութեան նորա :

4 Որ սուրբ է ձեռք և ամբիժ սրտիւ . որ ոչ էառ զնանրութիւն յանձն իւր , և ոչ երդուաւ նենգութեամբ ընկերի իւրում :

5 Սա առցէ զօգնութիւն ՚ի տեաննէ , զողորմութիւն յաստուծոյ փրկչէ իւրմէ :

6 Եւս ազգ է՝ որ խնդրէ զտէ . խնդրէ տեսանել զերեսս աստուծոյ յակորայ :

7 Համբարձէք իշխանք զգրունս ձեր ՚ի վեր . համբարձցին գրունք յաւիտենից , և մոցէ թագաւոր փառաց :

8 Ո՞վ է սա թագասոր փառաց տէր հզոր զորութեամբ իւրով . տէր հզոր ՚ի պատերազմի :

9 Համբարձէք իշխանք զգրունս ձեր ՚ի վեր . համբարձցին գրունք յաւիտենից , և մոցէ թագաւոր փառաց :

10 Ո՞վ է սա թագաւոր փառաց . տէր զորութեանց՝ սա ինքն է թագաւոր փառաց :

Տունք 10 : Գորդայս 50 :

### ՍԱԳՄՈՍ ԻՊ

Ի Խորասրձ . սողոմոն ՚ի դաւիթ :

1 Եւ .քեզ տէր համբարձի զանձն իմ . աստուած իմ ՚ի .քեզ յուսացայ , մի՛ ամաչեցից . և մի ծիւծաղեցին զին և թշնամիք իմ :

2 Եմենքեան որ համբերեն .քեզ , մի՛ ամաչեսցեն . այլ ամաչեցեն անօրէնք յունայնութեան իւրեանց :

3 Չճանապարհս .քո տէր ցոյց ինձ , և զաւիդս .քո ուսո ինձ :

4 Երաջնորդես ինձ ՚ի ճշմարտութեան քում և ուսո զիս , զի դու ես աստուած փրկիչ իմ . և ես քեզ համբերի զօրհանապաղ :

5 Տիշեա տէր զգթութիւնս .քո և զողորմութիւնս .քո , որ են յաւիտենից :

6 Չմեզս մանկութեան իմոյ և զանդիտութեան իմոյ մի՛ յիշեր . այլ յիշեա զիս տէր ըստ ողորմու-



թեան քում վասն քաղցրութեան քոյ, զի քաղցր և ուղիղ ես :

7 Այսն այսորիկ օրէնսգէտ առնես զմեղաւորս 'ի ճանապարհի . առաջնորդես հեղոց 'ի դատաստանի . և ուսուցանես հեղոց զճանապարհս քո :

8 Ամենայն ճանապարհք տեսառն ողորմութեամբ և ճշմարտութեամբ են այնոցիկ , որ խնդրեն զուխտ և զվկայութիւն նորա :

9 Այսն անուան քոյ տէր քաւեա զմեղս իմ , զի բազում եղեն . ո՞վ է մարդ որ երկնչի 'ի տեսունէ . օրէնսգէտ առնէ զնա 'ի ճանապարհի՝ յոր և հաճեցաւ :

10 Անձն նորա 'ի բարութեան հանգիցէ . և զաւակ նորա ժառանգեսցէ զերկիր :

11 Օրութիւն է տէր երկիւղածաց իւրոց . և զկտակարանս իւր ուսուցանէ նոցա :

12 Աչք իմ յամենայն ժամ առ տէր . և նա հանէ յորոգայթէ զոտս իմ :

13 Այլեա առ իս և ողորմեա ինձ , զի միամօր և աղքատ եմ ես :

14 Այեղութիւնք սրտի իմոյ բազում եղեն յոյժ . և 'ի վշտաց իմոց հան զիս :

15 Տես զխոնարհութիւն իմ և զվաստակ իմ , և թող ինձ զամենայն զմեղս իմ :

16 Տես զթշնամիսն իմ , զի բազում եղեն , ատելութիւն՝ զոր 'ի նանիր ատեցին զիս :

17 Պահեա զանձն իմ և փրկեա զիս . և մի՛ յամծթ եղէց , զի յուսացայ 'ի քեզ :

18 Ամբիժք և ուղիղք կցորդ եղեն ինձ , և ես քեզ համբերի . փրկեա աստուած զիսայել յամենայն նեղութեանց նորա :

Տու՛ք 18 :

## ՍԱՂՄՈՍ ԻԵ

Ի Խարաբա՛ . սաղմոս 'ի դաւիթ :

1 Պատ արա ինձ տէր՝ զի ես յամբծութեան իմում գնացի , 'ի տէր յուսացայ՝ զի մի՛ եղէց հիւանդ :

2 Փորձեա զիս տէր և քննեա զիս . փորձեա զերիկամունս իմ և զսիրտ իմ :

3 Ողորմութիւն քո տէր առաջի աչաց իմոց . և հաճոյ եղէց ճշմարտութեան քում :

4 Ոչ նստայց ես յաթոռս նանրաց , և ընդ անօրէնս ես ոչ մտից :

5 Ատեցի ես զժողովս չարաց , և ընդ ամբարիշտս ես ոչ նստայց :

6 Առացայց սրբութեամբ զձեռս իմ , և շուրջ եղէց զսեղանով քո տէր :

7 Ասել ինձ զձայն օրհնութեան քո և պատմել զամենայն սքանչելիս քո :

8 Տէր սիրեցի զվայելութիւն տան քո , և գտեղի յարկի փառաց քոց :

9 Մի կորուսաներ ընդ ամբարիշտս զանձն իմ,  
և մի ընդ արս արինահնեղ զկեանս իմ:

10 Որոց ձեռք իւրեանց յանօրէնութեան են . և  
աջ նոցա լի է կաշառօք:

11 Ես յամբժութեան իմում գնացի . փրկեա  
զիս տէր և ողորմեա ինձ:

12 Ոտն իմ կացցէ յուզղութեան . յեկեղեցիս  
մեծս օրհնեցից զքեզ:

Տունք 12:

## ՍԵՂՄՈՍ ԻՕ

Սաղմոս ՚ի դաւիթ . մեղեօժեալ էր:

1 Տէր լցս իմ և կեանք իմ՝ ես յուժմէ՞ երկ-  
եայց . տէր ապաւեն կենաց իմոց՝ ես յուժմէ՞  
գողացայց:

2 Ի մերձենալ առ իս չարաց ուտել զմարմին  
իմ, նեղիչք իմ և թշնամիք իմ, նոքա տկարացան  
և անկան:

3 Թո՛ւ պատրաստեսցի ՚ի վերայ իմ պատերազմ,  
ոչ երկիցէ սիրտ իմ . թէ յարիցէ ՚ի վերայ իմ  
ձակատամարտ, սակայն և այսուիկ ՚ի քեզ տէր  
յուսացայ:

4 Օ՛մի խնդրեցի ՚ի տեսոնէ, և զսոյն աղաչեմ .  
բնակել ինձ ՚ի տան տեսուն զամենայն աւուրս  
կենաց իմոց:

5 Տեսանել ինձ զվայելութիւն տեսուն, և  
հրաման տալ ՚ի տաճարի նորա:

6 Ծածկեաց զիս ՚ի խորանի իւրում յաւուր  
չարի . ընդ յարկաւ արար զիս ՚ի ծածկոյթ  
խորանի իւրում:

7 Ի վիմէ բարձր արարեր զիս . և սյժմ բարձր  
արա զգլուխ իմ ՚ի վերայ թշնամեաց իմոց:

8 Ընդ ի վերջ եղէց՝ և մատուցից ՚ի խորանի նորա  
պատարագ օրհնութեան . օրհնեցից և սաղմոս  
ասացից տեսուն .

9 Ի ուր տէր ձայնի իմում, զի կարդացի առ  
քեզ . ողորմեա ինձ և լուր ինձ, զի քեզ ասաց  
սիրտ իմ . և խնդրեցին երեսք իմ, զերեսս քո  
տէր խնդրեցին:

10 Մի՛ դարձուցաներ զերեսս քո յինէն, և  
մի՛ խոտորիր բարկութեամբ ՚ի ծառայէ քումնէ:

11 Օգնական իմ լըր տէր, և մի՛ անարգեր  
զիս, և մի՛ թողուր զիս աստուած փրկիչ իմ:

12 Հայր իմ և մայր իմ թողին զիս . և տէր իմ  
ընկալաւ զիս:

13 Օրէնսդէտ արա զիս տէր ՚ի ձանապարհի  
քում, և առաջնորդեա ինձ ՚ի շաւիղս քո ուղիղս:

14 Ա՛յսն թշնամեաց իմոց, մի՛ մատներ զիս ՚ի  
ձեռս նեղչաց իմոց:

15 Յարեան ՚ի վերայ իմ վկայք մեղաց, և  
ստեցին ինձ յանօրէնութեան իւրեանց:



16 Հաւատացի տեսանել զբարութիւն տեսան  
յերկրին կենդանեաց . համբեր տեսան և քաջա-  
լերեաց . զօրացի սիրտ քո և համբեր տեսան :

Տունք 16 : Գորգոյս 46 :

## ՍԵՂԱՍՏՈՒ ԻԶ :

Սողոմոն ՚ի դաւիթ :

1 Ըւքեղ տէր կարգացի աստուած իմ, մի լաբր  
յինէն , մի երբէք լաւացես յինէն . նմանիցեմ  
այնոցիկ՝ որ իջանեն ՚ի գուբ :

2 Լուր տէր ձայնի խնդրուածաց իմոց յաղաչել  
ինձ առ քեզ , ՚ի համբառնալ ձեռաց իմոց ՚ի  
տաճար սուրբ քո :

3 Սի՛ համարիր ընդ ամբարիշտս զանձն իմ . և  
մի՛ ընդ այնոսիկ՝ որ գործեն զանօրէնութիւն ,  
կորուսաներ զիս :

4 Այք խօսէին զխաղաղութիւն ընդ ընկերս  
իւրեանց , և չարութիւն է ՚ի սիրտս նոցա :

5 Տուր նոցա տէր ըստ գործս նոցա . ըստ անօ-  
ւնէնութեան գնացից նոցա հատո նոցա :

6 Ըստ գործոց ձեռաց նոցա հատո նոցա՝ զՏա-  
տուցումն նոցա նոցին :

7 Աչ իմացան նորա զգործս տեսան , և ոչ ՚ի  
գործս ձեռաց նորա հայեցան . կործանեսցես  
զնոսա , և այլ մի շինեսցին :

8 Օրհնեալ է տէր՝ զի լուաւ ձայնի աղօթից  
իմոց . տէր օղնական իմ և պաշտպան իմ :

9 Ի նա յուսացաւ սիրտ իմ , օգտեցաւ և զուար-  
ճացաւ մարմին իմ . և ես կամօք իմնիք խոս-  
տովան եղէց նմա :

10 Տէր զօրութիւն ժողովրդեան իւրոյ , ա-  
պաւէն փրկութեան օծելոյ իւրոյ :

11 Փրկեա զժողովուրդ քո , և օրհնեա զժա-  
ռանգութիւն քո . հովուեա և բարձրացո զնոսա  
մինչև յաւիտեան :

Տունք 11 :

## ՍԵՂԱՍՏՈՒ ԻԸ :

Սողոմոն ՚ի դաւիթ . օրհնութեանց նաւախորհույ  
բաւձարին :

1 Սատուցէք տեսան՝ որդիք աստուծոյ ,  
մատուցէք տեսան զորդիս խոյոց :

2 Սատուցէք տեսան զփառս և զպատիւ . մա-  
տուցէք տեսան զփառս անուան նորա , և երկիր  
պագէք տեսան ՚ի սրահ սրբութեան նորա :

3 Չայն տեսան ՚ի վերայ ջուրց՝ և աստուած փա-  
ռաց որոտաց . և տէր ինքն ՚ի վերայ ջուրց բաղմաց :

4 Չայն տեսան զօրութեանց , և ձայն տեսան  
մեծվայելչութեանց :

5 Չայն տեսան փշրէ զմայրս , և մանրէ տէր  
զմայրսն լիրանանու :

6 Մանրեսցէ զնոսա որպէս մատաղատունին լիւրանանու . որ սիրելին է որպէս զորդիս միեղջերայ :

7 Չայն տեանն հատանէ զբոց 'ի հրոյ . ձայն տեանն շարժէ զանապատն , և խոռվեցուցանէ տէր զանապատն կարէս :

8 Չայն տեանն հաստատէ զեղջերուս . և յայտնի աննէ զանտառս :

9 Ի տաճարի նորա ամենայն որ ասնն զվառս նորա :

10 Տէր զջրհեղեղս նստուցանէ և ցածուցանէ . թագաւորեսցէ տէր յաւիտեան :

11 Տէր զօրուժիւն ժողովրդեան իւրոյ տացէ . և օրհնեսցէ զժողովուրդ իւր 'ի խաղաղութիւն :

Տունք 11 :

### ՍՆՂՄՈՍ ԻԹ

Սաղմոս օրհնութեանոց նախապարտեայ պաճարին 'ի դառնիլ :

1 Բարձր աննեմ զքեզ տէր , զի ընկալար զլիս , և ոչ ուրախ արարեր զժշնամին իմ յիս :

2 Տէր աստուած իմ՝ կարդացի առ քեզ , և բժշկեցեր զլիս . տէր հաներ 'ի դժոխսց զանձն իմ . փրկեցեր զլիս յայնցանէ , որ իջանեն 'ի դուր :

3 Սաղմոս ասացէք տեանն սուրբք նորա . խոստովան եղերուք յիշատակի սրբութեան նորա :

4 Սրամտութիւն է 'ի բարկութեան նորա . և կեանք են 'ի կամաց նորա :

5 Ընդ երեկոյս հանդիցեն լալիք . առաւօտու եղիցի ուրախութիւն :

6 Ես ասացի 'ի բարեկենդանութեան իմում . թէ ոչ սասանեցայց յաւիտեան :

7 Տէր 'ի կամս քո ետուր դեղոյ իմոյ զօրութիւն . դարձուցեր զերեսս քո յինէն , և ես եղէ խոռվեալ :

8 Ըն քեզ տէր կարդացի , և առ աստուած իմ աղաչեցի . զի՞նչ օգուտ է քեզ յարենէ իմնէ , թէ իջանեմ ես յապականութիւն :

9 Մի՞թէ հող խոստովան անիցի առ քեզ . կամ պատմեսցէ՞ զճշմարտութիւնս քո :

10 Լուաւ ինձ տէր և ողորմեցաւ , և տէր եղև ինձ օգնական :

11 Գարձոյց զսուգ իմ յուրախութիւն . զերծ յինէն զբուրձ , և ինձ զգեցոյց զուրախութիւն :

12 Որպէս սաղմոս ասացեն քեզ փառք իմ . և այլ մի ևս զղջացայց . տէր աստուած իմ յաւիտեան խոստովան եղէք քեզ :

Տունք 12 : Գորդայս 34 :



## ՄԵՂՄՈՍ 1.

Ի հարարած . նահարարիո-լիւն գորդո-լիւնան . սարլու .  
 'ի դու-լիւ :

1 Ի քեզ տէր յուսացայ , մի՛ ամաչեցից  
 յաւիտեան . յարդարութեան քում փրկեա զիս  
 և ապրեցի զիս :

2 Խոնարհեցի առ իս զունկն քո . վաղձաղեա  
 կեցուցանել զիս :

3 Լեր իմաստուած պաշտպան և տուն ապաւինի  
 ապրեցուցանել զիս . զի հզօրիչ իմ և ապաւէն իմ  
 դու ես :

4 Ասն անուան քոյ տէր առաջնորդեցեր ինձ ,  
 և մնուցեր զիս . և հանցես զիս յորոգայթէ  
 յայսմանէ , որ թաղուցաւ ինձ :

5 Գու ես պաշտպան իմ տէր , և 'ի ձեռս քո  
 յանձն առնեմ զհոգի իմ :

6 Փրկեցեր զիս տէր աստուած ճշմարպութեամբ  
 քով . ատեցեր զայնոսիկ՝ որ պահն զերկիւզ 'ի  
 սնոտիս :

7 Ես 'ի տէր յուսացայ , ցնծացայց և ուրախ  
 եղէց 'ի փրկութեան քում :

8 Հայեցար 'ի խոնարհութիւն իմ , և փրկեցեր  
 'ի վշտաց զանձն իմ , և ոչ մասնեցեր զիս 'ի ձեռս  
 նեղաց իմոց . և կացուցեր յանդորրու զոտս իմ :

9 Ողորմեա ինձ տէր , զի նեղեալ եմ ես . խոռ

վեցաւ 'ի սրտմտութենէ ակն իմ , անձն իմ և  
 փոր իմ :

10 Պակասեցան 'ի ցաւոց կեանք իմ , և ամբ իմ  
 յոգւոց ելանելոյ :

11 Աղքատացաւ 'ի տկարութենէ զօրութիւն  
 իմ . և ոսկերք իմ խռովեցան :

12 Վրան զամենայն թշնամիս իմ եղէ ես նախատ  
 դրացեաց իմոց , յոյժ ահ և երկիւզ ծանօթից  
 իմոց :

13 Լմենեքեան ոյք տեսանէին զիս , արտաբս  
 փախչէին յինէն :

14 Սոռացեալ եղէ ես որպէս մեռեալ 'ի սրտէ .  
 և եղէ ես որպէս զանօթ կորուսեալ :

15 Օ՛ր լուայ ես զբամբասանս բազմաց՝ որ  
 շուրջ էին զինև . 'ի ժողովել նոցա 'ի միասին ,  
 առնուլ զանձն իմ՝ խորհեցան . այլ ես 'ի քեզ  
 տէր յուսացայ :

16 Եսացի դու ես աստուած իմ , և 'ի ձեռս քո  
 ժառանգութիւն իմ :

17 Փրկեա զիս 'ի ձեռաց թշնամեաց իմոց , և 'ի  
 հայածչաց իմոց :

18 Երևեցի զերեսս քո 'ի ծառայս քո . ապրեցի  
 զիս տէր ըստ ողորմութեան քում . տէր՝ մի՛ յամօթ  
 եղէց , զի կարդացի առ քեզ :

19 Լմաչեսցեն ամբարիշտք , և ինցն 'ի դժոխս .  
 և համբ եղիցին շրթուհք նենգաւորք , ոյք

խօսէին զարդարոյ զանիրաւու թիւն յամբարտաւանել և յանգոսնել իւրեանց :

20 Որպէս զի բաղում է ողորմութիւն քաղցրութեան քոյ տէր , զոր պահեցեր երկիւղածաց քոց :

21 Երարեր դու այնոցիկ՝ ոչք յուսացեալ են 'ի բեղ , առաջի որդւոց մարդկան :

22 Ըմբացուցեր զնոսա 'ի ծածկոյթ երեսաց քոց 'ի խոտլու թենէ մարդկան :

23 Ծածկեցեր զնոսա 'ի խորանի քում , 'ի հակառակութենէ ըզուաց :

24 Օրհնեալ է տէր , զի սքանչելիս արար , զողորմութիւն իւր 'ի քաղաք ամուր :

25 Ես ասացի 'ի զարմանալ իմում , թէ ընկեցայ ուրեմն յերեսաց աչաց քոց :

26 Ասն այսորիկ լուար ձայնի աղօթից իմոց յաղաղակել իմում առ քեզ :

27 Սիրեցէք զտէր ամենայն սուրբք նորա , զի ստուգութիւն խնդրէ տէր . և հատուցանէ այնոցիկ , որ առաւել առնեն զամբարտաւանութիւն :

28 Քաջալերեցարուք , և զօրասցին սիրտք ձեր , ամենեքեան՝ ոչք յուսացեալ էք 'ի տէր :

Տունք 28 :

## ՍՆՂ ՄՈՍ ԼԵ

Իմաստութիւն 'ի դաւիթ :

1 Երանի ում թողութիւն եղև մեղաց , և ծածկեցան ամենայն յանցանք նորա :

2 Երանի առն՝ որում ոչ համարեսցի տէր զմեղս նորա . և ոչ գոյ նենգութիւն 'ի բերան նորա :

3 Առեցի ես՝ և մաշեցան ամենայն ոսկերք իմ , առ աղաղակել ինձ առ տէր զօրհանապաղ 'ի տուէ և գիշերի :

4 Ծանրեաց ձեռն քո 'ի վերայ իմ . դարձայ 'ի թշուառութիւն , զի հարան յիս փուշք :

5 Չմեղս իմ ցուցից քեզ , և զանօրէնութիւնս իմ ոչ ծածկեցից 'ի քէն :

6 Եսացի՝ թէ պատմեցից ինձէն զմեղս իմ . և դու թողցես զամենայն ամբարշտութիւնս մեղաց իմոց :

7 Ասն այսորիկ յաղօթս կացցեն առ քեզ ամենայն սուրբք 'ի ժամ ընդունելի :

8 Բայց միայն 'ի ջուրցն հեղեղաց բազմաց , որ առ նոսա ինչ ոչ մերձեսցի :

9 Գու ես ապաւեն իմ 'ի նեղութենէ յայսմանէ , որ շուրջ եղին զինև :

10 Հնծութիւն իմ , փրկեա զիս յայնցանէ՝ որ պաշարեցին զիս :

11 Իմաստուն արարից քեզ՝ և խկամուտ 'ի



Ճանապարհ , յոր և գնասցես . և հաստատեցից  
'ի վերայ քո զաչս իմ :

12 Մի լինիք որպէս զձիս և զջորիս , զև ոչ գոյ 'ի  
նոսս իմաստութիւն . 'ի սանձս և 'ի գանդանա-  
ւանդս ճմլեցցես զկզակս նոցա , որ առ քեզ ինչ  
ոչ մերձեցին :

13 Բազում տանջանք են մեղաւորաց . բայց  
ոյք յուսան 'ի տէր , ողորմութիւն տեառն շուրջ  
եղեցի զնորօք :

14 Ուրախ եղերուք և ցնծացէք արդարք . 'ի տէր  
պարծեցարուք ամենեքեան՝ ոյք ուղիղ էք սրտիւք :

Տուռք 14 : Գորդեյս 42 :

### ՍՆՂ ՄՈՍ ԼՅԻ

Սաղմոս 'ի դաւիթ :

1 Հնծացէք արդարք 'ի տէր . ուղղոց վայելէ  
օրհնութիւն . խոստովան եղերուք տեառն օրհ-  
նութեամբ . տասնաղեաւ սաղմոսարանաւ սաղմոս  
ասացէք նմա :

2 Օրհնեցէք զտէր յօրհնութիւն նոր , զի բարլի  
է . սաղմոս ասացէք նմա օրհնութեամբ :

3 Ուղիղ են պատգամք տեառն , և ամենայն գործք  
նորա հաւատովք են . և սիրէ զողորմութիւն և  
զիրաւունս տէր :

4 Ողորմութեամբ տեառն լի եղև երկիր , և բանիւ  
տեառն երկինք հաստատեցան , և հօգուով  
բերանդ նորա ամենայն զօրութիւնք նոցա :

5 Դողովեաց որպէս 'ի տիկս զջուրս ծովու . և  
գնէ 'ի խորս զգանձս իւր :

6 Երկիցէ 'ի տեառնէ ամենայն երկիր . և 'ի  
նմանէ դողացցեն ամենայն բնակիչք աշխարհի :

7 Օհի նա ասաց՝ և եղևն . ինքն հրամայեաց՝  
և հաստատեցան .

8 Տէր ցրուէ զխորհուրդս հեթանոսաց . անար-  
գէ տէր զխորհուրդս ժողովրդոց . և արհամար-  
հէ տէր զխորհուրդս իշխանաց :

9 Խորհուրդ տեառն յաւիտեան մնայ , խոր-  
հուրդ սրտի նորա ազգէ մինչև յազգ :

10 Երանի ազգի՝ որոյ տէր աստուած օգնական  
է նմա . ժողովուրդ զոր ընտրեաց 'ի ժառանգու-  
թիւն իւր :

11 Յերկնից նայեցաւ տէր յամենայն որդիս  
մարդկան , 'ի պատրաստ բնակութենէ իւրմէ  
հայեցաւ յամենայն բնակիչս աշխարհի :

12 Ո ստեղծ առանձին զսիրտս նոցա , 'ի միտ  
առնու զամենայն գործս նոցա :

13 Ոչ թէ 'ի բազում զօրս իւր ապրեսցի թա-  
վաւոր , և ոչ սկսյ 'ի բազում զօրութեան  
իւրում :

14 Սուտ է ձի 'ի փրկութեան իւրում . 'ի բազում  
զօրութեան իւրում ոչ ապրեցուցանէ զճնծեան :

15 Լէք տեառն 'ի վերայ երկիւղածաց իւրոց .  
և ոյք յուսան յողորմութիւն նորա :

16 Փրկել 'ի մահուանէ զանձինս նոցա . կերա,  
կրել զնոսա 'ի սովի :

17 Անձինք մեր համբերեսցեն տեսն , զի օգ-  
նական և պաշտպան մեր է :

18 Ինա ուրախ եղիցին սիրտք մեր , և յանուն  
սուրբ նորա յուսացուք :

19 Եղիցի ողորմութիւն քո տէր 'ի վերայ մեր .  
որպէս յուսացաք 'ի քեզ :

Տունք 19 :

## ՍԵՂՄՈՍ ԼԳ

Ստուգա 'ի դա-իլ . 'ի ժամանակն զէ այլադոմնեաց  
դէրբեսա իւր առաջն աբիւիւլէրայ . ե ապա աբիւ-  
կէաց զնա , ե գնաց :

1 Օրհնեցից զտէր յամենայն ժամ , յա-  
մենայն ժամ օրհնութիւն նորա 'ի բերան իմ :

2 Ի տէր պարծեսցի անձն իմ . լուիցեն հեզք ,  
և ուրախ եղիցին :

3 Մեծ արարէք զտէր ինև . և բարձր արաս-  
ցուք զանուն նորա 'ի միասին :

4 Խնդրեցի 'ի տեսնէ և լուաւ ինձ . յամե-  
նայն նեղութենէ իմն փրկեաց զիս :

5 Մատիք առ տէր' և առէք զլոյս . և երեսք  
ձեր մի ամաչեսցեն :

6 Լոյս աղքատ կարգաց առ տէր , և տէր լուաւ

ամա . յամենայն նեղութենէ սորա փրկեաց  
զսա :

7 Բանակ հրեշտակաց տեսնն շուրջ է զեր-  
կիւղածովք իւրովք , և պահէ զնոսա :

8 Ղաշակեցէք և տեսէք , զի քաղցր է տէր ,  
երանեալ է այր' որ յուսայ 'ի նա

9 Երկերուք 'ի տեսնէ ամենայն սուրբք նորա .  
զի ոչինչ է պակասութիւն երկիւղածաց նորա :

10 Մեծամեծք աղքատացան և քաղցեան .  
բայց ոյք խնդրեն զտէր , մի պակասեսցէ 'ի նո-  
ցանէ ամենայն բարութիւն :

11 Եկայք որդեակք իմ և լուարուք ինձ . և  
զերկիւղ տեսնն ուսուցից ձեզ :

12 Ոչ է մարդ' որ կամի զկեանս , սիրէ զա-  
ւուրս իւր տեսանել 'ի բարութեան :

13 Լուցո զնեղու քո 'ի չարութենէ . և շըր-  
թունք քո մի խոսեսցի զնենդութիւն :

14 Խոտորեա 'ի չարէ , և արա զբարի . խնդ-  
րեա զնաղաղութիւն , և երթ զհետ նորա :

15 Լէք տեսնն 'ի վերայ արդարոց , և ականջք  
նորա 'ի վերայ աղօթից նոցա :

16 Երեսք տեսնն 'ի վերայ չարագործաց ,  
սատակել յերկրէ զյիշատակս նոցա :

17 Վարդացին արդարքն առ տէր , և տէր լուաւ  
նոցա . յամենայն նեղութենէ նոցա փրկեաց  
զնոսա :



18 Մերձ է տէր առ այնոսիկ՝ որ մաշեալ են սրտիւք . և զխոնարհս հոգուով կեցուցանէ :

19 Ի ազում նեղութիւնք են արգարոց . յամենայնէ փրկէ զնոսա տէր . և պահէ զամենայն ոսկերս նոցա . և մի՛ի նոցանէ մի՛ փշրեսցի :

20 Մահ մեղաւորին չար է . բայց որ ատեայ զարդարն , զղջասցի :

21 Փրկէ տէր զանձինս ծառայից իւրոց . մի՛ զղջասցին ամենեքեան՝ ոյք յուսացեալ են ՚ի նա :

Տունք 21 : Գորդայս 40 :

## ՍԵՂՄՈՍ ԼԳ

Ի Խորատած . սուղոս՝ ՚ի դառնի :

1 Գատեա տէր զայնոսիկ՝ ոյք դատին զիս . մարտիր ընդ այնոսիկ , որ մարտնչին ընդ իս :

2 Առ զղէն և զասպարքո , և արի յօգնել ինձ . հան զսուրքո ընդդէմ՝ հալածչաց իմոց , արգել զնոսա . և ասա դու ցանձն իմ՝ թէ փրկուածիւնքո ես եմ :

3 Ամաշեսցեն և յամօթ լիցին՝ ոյք խնդրէին զանձն իմ . դարձցին յետս և ամաշեսցեն , որ խորհէին ինձ չար :

4 Եղիցին նոքա որպէս փոշի առաջի հողմոյ . և հրեշտակ տեսան նեղեսցէ զնոսա :

5 Եղիցին ճանապարհք նոցա ՚ի խաւար և ՚ի

գայթազղուծիւն , և հրեշտակ աստուծոյ հալածեսցէ զնոսա :

6 Ի նանիր թագուցին ինձ որոգայթ յապականութեան իւրեանց , և ՚ի նանիր նախատեցին զանձն իմ :

7 Հասցէ ՚ի վերայ նոցա որոգայթ , զոր ոչ գիտացին . և որս՝ զոր թագուցին , ացէ զոտս նոցա . և յորոգայթ ՚ի նոյն անկցին :

8 Այլ անձն իմ՝ ցնծասցէ ՚ի տէր , ուրախ եղիցի ՚ի փրկութեան նորա . և ամենայն ոսկերք իմասասցեն , տէր ո՞ նման էքեզ :

9 Օ՛խ փրկեաց զաղբատն ՚ի ձեռաց հզորի , զաղբատն և զտնանկն յայնցանէ՝ որ յափշտակեն զնա :

10 Յարեան ՚ի վերայ իմ՝ վկայք չարեաց . զոր ինչ ոչ գիտէի՝ հարցանէին ցիս :

11 Հատուցին ինձ չար փոխանակ ընդ բարւոյ . անժառանգել զանձն իմ՝ խորհեցան յորդոց ՚ի մարդկանէ :

12 Ես ՚ի նեղել նոցա քուրձ գգենուի , խոնարհ առնէի պահօք զանձն իմ . և աղօթք իմ ՚ի ծոց իմ՝ դարձցին :

13 Որպէս զեղբայր և զընկեր՝ այսպէս հաճոյ լինէի . որպէս սգաւոր և տրտում , այնպէս խոնարհ առնէի :

14 Ի վերայ իմ ուրախ եղեն՝ և ժողովեցան .

ժողովեցան յիս տանջանք, և ես ոչ ծանեայ. ցրուեցան, և ոչ զղջացան:

15 Փորձեցին զիս՝ և արհամարհեցին արհամարհանօք. կրճտեցին 'ի վերայ իմ զատամունս իւրեանց. տէր երբ տեսցես:

16 Ի բաց արա զանձն իմ 'ի խորամանկութենէ նոցա, և յառիւծուց զմիամօրութիւն իմ:

17 Խոստովան եղէց քեզ տէր՝ յեկեղեցիս մեծս, և 'ի ժողովս բազմաց օրհնեցից զքեզ:

18 Մի՛ ուրախ եղիցին յիս թշնամիք իմ, ոյք ատէին զիս 'ի տարապարտուց. ակնարկի առնէին յիս աչօք իւրեանց:

19 Ընդ իս զխաղաղութիւն խօսէին, և ինքեանք բարկութեամբ զնենդութիւն խորհէին:

20 Բացին 'ի վերայ իմ զբերանս իւրեանց, և ասացին այո այո տեսին աչք մեր:

21 Տեսեր տէր՝ և մի՛ լուեր. տէր՝ մի՛ 'ի բացեայ առնիր յինէն:

22 Չարթիր և հայեաց տէր՝ յիրաւունս իմ. աստուած իմ և տէր իմ 'ի դատաստանս իմ. և իրաւ արա ինձ ըստ արդարութեան քում, տէր առուած իմ:

23 Մի՛ ուրախ եղիցին յիս թշնամիք իմ. և մի՛ ասացեն 'ի սիրտս իւրեանց, թէ վաշ վաշ անձանց մերոց, զի ընկուզար զնա:

24 Եմաչեսցեն և յամօթ լիցին՝ ոյք խըն-

դային ընդ չար իմ. զգեցցին զամօթ և զանարգանս՝ ոյք մեծաբանէին 'ի վերայ իմ:

25 Յնծասցեն և ուրախ լիցին 'ի քեզ ամենեքեան, ոյք կամին ընդ արդարութիւն իմ:

26 Եսացեն յամենայն ժամ, մեծ է աստուած. և ոյք կամին զխաղաղութիւն ծառայի քո:

27 Եղու իմ խօսեցի զարդարութիւնս քո, ջորհանապաղ զգովութիւնս քո:

Տունք 27:

## ՍԱԳ ՄՈՍ ԼԵ

Ի Կապուտած, Ժառայի պատան. սաղմոս 'ի գաւելի:

1 Եսէ անօրէնն 'ի մեղանչել ընդ միտս իւր, թէ չիք երկիւղ աստուծոյ առաջի աչաց նորա:

2 Նենգեաց առաջի նորա, գտանել զանօրէնութիւն, և ատել զնա:

3 Բանք բերանոյ նորա անօրէնութիւն և նենգութիւն են:

4 Ոչ կամեցաւ նա իմանալ զբարի. զանօրէնութիւն խորհեցաւ յանկողնի իւրում:

5 Եկաց նա յամենայն ճանապարհ, որ ոչ է բարի. և 'ի չարէ նա ոչ ձանձրացաւ:

6 Տէր յերկինս է ողորմութիւն քո. ճշմարտութիւն քո մինչև յամպս:

7 Երդարութիւն քո որպէս լերինք աստուած-



իրաւունք քո որպէս խորս բազումս . զմարդիկ և զանասուն կեցուցանես դու տէր :

8 Որպէս զի բազում արարեր զողորմութիւն քո աստուած . այլ որդիք մարդկան 'ի հովանի թևոց քոց յուսացին :

9 Երբեցցին նոքա 'ի պարարտութենէ տան քո . և զուխս փափկութեան քո տացես ըմպելոյ նոցա :

10 Ի քէն է տէր աղբիւր կենաց . և լուսով երեսաց քոց տեսնեմք զլոյս :

11 Օագեա զողորմութիւնս քո՝ ոյք ճանաչեն զքեզ, զարդարութիւնս քո՝ որ ուղիղ են սրտիւք :

12 Մի՛ եկեսցէ 'ի վերայ մեր ոտն ամբարտաւանից, և ձեռք մեղաւորաց մի՛ դողացուցին զմեզ :

13 Ենդ անկցին ամենեքեան՝ ոյք գործեն զանօրէնութիւն . մերժեսցին և այ՛ մի՛ կարացցին հաստատիլ :

Տունք 14 : Գորդար 40 :

## ՍՄԿ ՄՈՍ ԼՕ

Սաղմոս 'ի դաւիթ :

1 Մի՛ նախանձիր ընդ չարս , և մի՛ ընդ այնոսիկ՝ որ գործեն զանօրէնութիւն :

3 Ը՛ի որպէս խոտ վաղվաղակի ցամաքեսցին . որպէս դալարի խոտոյ վաղվաղակի անցցեն :

3 Յուսա 'ի տէր , և արա զբաղցրութիւն . բնակեա յերկրի , և հովուեսցիս 'ի մեծութեան նորա :

4 Ժտեա 'ի տեսունէ , և նա տացէ քեզ զխընդրուածս սրտի քո . յայտնեա առաջի տեսուն զճանապարհս քո , և յուսա 'ի նա :

5 Եւ արասցէ և հանցէ որպէս զլոյս զարդարութիւնս քո , և զիրաւունս քո որպէս զօրհասարակ :

6 Հնազանդ լեր տեսուն , և ծառայեա նմա . և մի՛ նախանձիր ընդ այնոսիկ՝ որոց առակեալ իցեն ճանապարհք իւրեանց ընդ մարդոյ՝ որ գործէն զանօրէնութիւն :

7 Լռեա 'ի բարկութենէ , և հանգիր 'ի սրբամտութենէ , և մի՛ նախանձիր ընդ չարս :

8 Օ՛ի չարք վաղվաղակի սատակեսցին . բայց ոյք համբերեն տեսուն , նոքա ժառանգեսցեն զերկիր :

9 Վոքք մի և այլ ոչ ևս իցէ ամբարիշտն . խնդրեսցես զտեղի նորա , և ոչ գտցես :

10 Ե՛յլ որ հեղքն են՝ նոքա ժառանգեսցեն զերկիր . և փափկացին 'ի բազում խաղաղութեան իւրեանց :

11 Սպասէ մեղաւոր արդարոյ , և կրճտէ 'ի վերայ նորա զատամուսն իւր . այլ տէր ծիծաղեսցի զնովա :

12 Վանդի յառաջագոյն տեսանէ, զի հասեալ է օր նորա :

13 Սուր հանին մեղաւորք, և լարեցին զաղեղունս իւրեանց՝ հարկանել զաղքատն և զանանկն, սպանանել զայն՝ որ խոնարհն է սրտիւ :

14 Սուրբ նոցա մոցեն 'ի սիրտս նոցա, և աղեղունք նոցա փշրեսցին :

15 Լաւ է սակաւիկ ինչ արդարոյ, քան զբազում մեծութիւն մեղաւորաց. և բազուկք ամբարշտաց խորտակեսցին :

16 Հաստատէ տէր զարդարս, և ճանաչէ զաւուրս ամբօից. ժառանգութիւն նոցա յաւիտեան եղիցի :

17 Ս'ի ամաչեսցեն նոքա 'ի ժամանակս չարութեան. այլ յաւուրս սոփոյ յարեսցին :

18 Ահա մեղաւորք կորիցեն. այլ թշնամիք տեսուն 'ի փառաւորել և 'ի բարձրանալ իւրեանց պակասեսցին, որպէս ծուխ զի պակասէ :

19 Փոխ առնու մեղաւորն, և ոչ հատուցանէ. այլ որ արդարն է, ողորմի և տայ :

20 Ոյք օրհնեն զտէր ժառանգեսցեն զերկիր. և ոյք անիծանեն, սատակեսցին 'ի նմանէ :

21 Ի տեսունէ ուղղին գնացք առն. զճանապարհս նորա նա կամի յոյժ :

22 Իկեպէտ և գայթաղեսցի, նա մի՛ կործանեսցի, զի տէր ձեռնկալու է նորա :

23 Մանուկ էի ես՝ և ծերացայ. և ոչ տեսի զարդարն արհամարհեալ, և ոչ զլաւակ նորա՝ թէ մուրանայ հաց :

24 Օրհնանապաղ ողորմի և տայ փոխ. զաւակ նորա օրհնեալ եղիցի յաւիտեան :

25 Խոտորեա 'ի չարէ, և արա զբարի. բնակեսցես յաւիտեանս յաւիտենից 'ի նմա :

26 Տէր սիրէ զիրաւունս, և ոչ ընդ վայր հարկանէ զսուրբս իւր. այլ յաւիտեան պահէ զնոսա :

27 Անօրէնք հալածեսցին 'ի միասին, և զաւակ ամբարշտաց սատակեսցի :

28 Այլ արդարք ժառանգեսցեն զերկիր, և բնակեսցեն յաւիտեանս յաւիտենից 'ի նմա :

29 Իւրան արդարոյ խորհի զխմաստութիւն, և լեզու նորա խօսեսցի զիրաւունս :

30 Օրէնք աստուծոյ իւրոյ են 'ի սրտի իւրում. և մի՛ գայթաղեսցին գնացք նորա :

31 Հայի մեղաւորն ընդ արդար, և խնդրէ սպանանել զնա. այլ տէր ոչ թողու զնա 'ի ձեռս նորա, և ոչ դատապարտէ զնա յորժամ դատի զնա :

32 Համբեր տեսուն և պահեա զճանապարհս նորա. և բարձր արասցէ զբեղ 'ի ժառանգել



զերգիր, և զսատակումն մեղաւորաց տեսցես :

33 Տեսի զամբարիշտն վերացեալ և բարձրացեալ որպէս զմայրան լիբանանու :

34 Անցի, և ահա ոչ էր . ինդրեցի, և ոչ գտաւ տեղի նորա :

35 Պահեա զամբծութիւն, և տես զուղղութիւն . զի գոն մնացուածք առն խաղաղարարի :

36 Անորէնք հալածեսցին 'ի միասին . և զաւակ ամբարշտաց կորիցէ :

37 Փրկութիւն արդարոց 'ի տեառնէ է . վերակացու է նոցա 'ի ժամանակս նեղութեան :

38 ()գնեսցէ նոցա տէր, և վրկեսցէ զնոսա . ապրեցուցէ 'ի մեղաւորաց, և կեցուցէ զնոսա, զի յուսացան 'ի նա :

Տունք 38 :

### ՍՇՂՄՈՍ ԼԷ :

Ստղնոս 'ի գառնիւ . ստո 'ի յիշարալ շաբաթնոս :

1 Տէր մի' սրտմտութեամբ քով յանդիմաներ զիս, և մի' բարկութեամբ քով խրատեր զիս :

2 Չօխ նետք քո հարան յիս, և յիս հաստատեցաւ ձեռն քո :

3 Ոչ գոյ բժշկութիւն մարմնոյ իմոյ յերեսաց բարկութեան քոյ :

4 Ոչ է խաղաղութիւն ոսկերաց իմոց յերեսաց մեղաց իմոց :

5 Անորէնութիւնք իմ բարձրացան քան զգրուիս իմ . որպէս բեռն ծանր ծանրացան 'ի վերայ իմ :

6 Անկեցան և փտեցան վէրք իմ յերեսաց անդգամութեան իմոյ :

7 Տառապեցայ և խոնարհ եղէ յոյժ . զօրհանապաղ տրտում գնայի, զի անձն իմ լի եղև չարչարանօք . և ոչ գոյ բժշկութիւն մարմնոյ իմոյ :

8 Չարչարեցայ և խոնարհ եղէ մինչև յոյժ . մոնչէի առ հեծութեան սրտի իմոյ :

9 Տէր տաջի քո է ամենայն ցանկութիւն իմ, և հեծութիւն իմ 'ի քէն ոչ ծածկեցաւ :

10 Սիրտ իմ խռովեցաւ յիս, և եթող զիս զօրութիւն իմ . լըս աչաց իմոց, և այս ոչ եղև ընդ իս :

11 Բարեկամք իմ և մերձաւորք իմ առջի իմ մերձեցան և կացին, և մերձաւորք իմ հեռի եղեն յինէն :

12 Բռնադատէին զիս և ինդրէին զանձն իմ . ոչք խորհէին չար 'ի վերայ իմ, խօսեցան զանօրէնութիւն, և զնենդութիւն զօրհանապաղ խորհեցան :

13 Այլ ես որպէս խուլ զի ոչ լսէ : որպէս համր՝ որ ոչ բանայ զբերան իւր :

14 Եղէ ես որպէս մարդ՝ որ ոչ լսէ, և ոչ գոն խօսք 'ի բերան նորա :

15 Ես 'ի քեզ տէր յուսացայ, և դու լուիցես  
ինձ տէր աստուած իմ:

16 Ասացի՛ թէ մի՛ ուրախ եղիցին յիս թշնամիք  
իմ. 'ի սասանել սոխց իմոց՝ 'ի վերայ իմ մեծա-  
մեծս խօսեցան:

17 Ես 'ի տանջանս պատրաստ եմ, և ցաւք իմ  
առաջի իմ են յամենայն ժամ:

18 Օ՞անօրէնութիւնս իմ պատմեցից, և հո-  
գացայց վասն մեղաց իմոց:

19 Խակ արդ թշնամիք իմ կենդանի են, և  
զօրացեալ են քան զիս. և բազում էին, ոչք  
ատէին զիս 'ի տարապարտուց:

20 Ոչք հատուցին ինձ չար փոխանակ ընդ  
բարւոյ. չար խօսէին զինէն, զի ես երթայի  
զճեա արդարութեան:

21 Ա՛ի թողուր զիս տէր աստուած իմ, և մի՛  
'ի բացեալ առնիր յինէն. հայեաց յօգնել ինձ՝  
տէր փրկութեան իմոյ:

Տուէք 21.

## ԱՇՊՈՍ ԼԸ

Ի Խարթած. յեղեթնայ օրհոռութեան. 'ի դաւեթ-  
սարկոս:

1 Ասացի՛ թէ պահեցից զճանապարհս իմ  
զի մի՛ մեղայ, Կզուաւ իմով:

2 Եղի պահապան բերանոյ իմոյ՝ 'ի հակառա-  
կել մեղաւորին առաջի իմ:

3 Խոււլ եղէ և խոնարհեցայ. լռեցի 'ի բարու-  
թեանէ, և ցաւք իմ նորոգեցան յիս:

4 Ձէուա սիրտ իմ՝ 'ի փորի իմում, և 'ի խոր-  
հուրդս իմ վառեցաւ հուր:

5 Խօսեցայ լեզուաւ իմով և ասացի. ցոյց ինձ  
տէր զկատարած իմ, և զթիւ աւուրց իմոց՝ քա-  
նիքն է, զի գիտացից թէ որչափ ինչ պակասեալ  
է յինէն:

6 Ահա չափով եղիր զաւուրս իմ. և կար զօրու-  
թեան իմոյ որպէս ոչ ինչ է առաջի իմ. սակայն  
ամենևին ընդունայն է ամենայն մարդ մտելի:

7 Ապաքէն որպէս 'ի պատկերի շրջի մարդ,  
սակայն 'ի զուր խոռովի. գանձէ և ոչ գիտէ ո՛ւմ  
ժողովէ:

8 Խակ արդ ո՛վ է համբերութիւն իմ, թէ ոչ  
դու տէր. կամ կար զօրութեան իմոյ, թէ ոչ 'ի  
բէն:

9 Համենայն անօրէնութեանէ իմմէ փրկեցեր  
զիս. նախատինս անզգամաց արարեր զիս:

10 Խոււլ եղէ և ոչ բացի զբերան իմ, զի դու-  
արարեր:

11 Ի բաց արա յինէն զտանջանս իմ, զի 'ի  
զօրութեանէ ձեռին քո ես պակասեցայ:

12 Աշտամբութեամբ վասն մեղաց խրատեցեր



զմարդ․ մաշեցեր որպէս սարդիոստայն զանձն նորա․ սակայն ընդունայն է ամենայն մարդ :

13 Լուր տէր աղօթից իմոց, ունին դիր խնդրուածաց իմոց, արտասուաց իմոց մի՛ լուեր :

14 Պանդուխտ եմ ես առաջի քո, նժդեհ է և անցաւոր որպէս ամենայն հարբ իմ :

15 Թոյլ արա ինձ զի հանդեսոյց մինչև երթեալ իցեմ, ուստի ոչ ևս գտանիցիմ :

Տունք 15 :

## ՍԵՂՄՈՍ ԼԹ

Ի Կապուբաժ․ սաղիոս ՚ի գաւթի :

1 Համբերելով համբերի տեսան, և նայեալ առ իս, և լուաւ աղօթից իմոց :

2 Եհան զիս ՚ի դբոյ տառապանաց, ՚ի կաւոյ և ՚ի տղմոյ :

3 Հաստատեաց ՚ի վերայ վիմի զոտս իմ, և ուղղեաց զգնացս իմ :

4 Երկ ՚ի բերան իմ օրհնութիւն նոր, զօրհնութիւն տեսանն աստուծոյ մերոյ :

5 Տեսցեն բազումք և երկիցեն, և յուսացին ՚ի տէր․ երանեալ է այր՝ որոյ անուն տեսան յոյս է նորա :

6 Ոչ հայեցաւ նա ՚ի նանրութիւն, և ոչ ՚ի մոլորութիւն սուս :

7 Բազում արարեր դու տէր աստուած իմ

զբանչելիս քո․ խորհրդոց քոց՝ ոչ որ է որ նման է քեզ :

8 Պատմեցի և խօսեցայ, և բազում եղեն քան զթիւ․ ընդ զոհս և ընդ պատարագս ոչ հաճեցար․ լսելիս հաստատեցեր ինձ․ զողջակէզ և զվասն մեղացն ոչ խնդրեցեր :

9 Յայնժամ ասացի՝ թէ ահաւասիկ դամ ես․ ՚ի գլուխս գրոց գրեալ է վասն իմ :

10 Եւնել զկամս քո աստուած իմ կամեցայ, և զօրէնս քո ՚ի մէջ որովայնի իմոյ :

11 Եւետարանեցից զարդարութիւնս քո յեկեղեցիս մեծս․ ահա չըթուես իմ ոչ արգելեց ՚ի քէն :

12 Տէր դու գիտացեր՝ զի զարդարութիւնս քո ոչ ծածկեցի ՚ի սրտի իմում, զճշմարտութիւն քո և զփրկութիւն քո :

13 Եսացի և ոչ թագուցի զողորմութիւնս քո, և զճշմարտութիւնս քո ՚ի ժողովոցնէ մեծէ․

14 Եւ դու տէր մի՛ հեռի առներ զթութիւնս քո յինէն․ զի ողորմութիւն քո և ճշմարտութիւն քո յամենայն ժամ ընկայցի զիս :

15 Եւ որչ եղեն զինև չարք՝ որոց ոչ էր նոցա թիւ․ հասին ինձ անօրէնութիւնք իմ, և ես ոչ կարացի տեսանել :

16 Բազում եղեն քան զհեր գլխոյ իմոյ․ և սիրտ իմ եթող զիս :

17 Կամեաց տէր փրկել զիս, և տէր յօգնել ինձ նայեաց:

18 Ամաչեացն և յամօթ լիցին՝ ոյք խնդրէին զանձն իմ բառնալ զսա. դարձցին յեսս և ամաչեացն՝ ոյք խորհէին ինձ չար:

19 Կրեացն զամօթ առ ժամայն վաղվաղակի, որ ասէին ինձ վաշ վաշ:

20 Յնծացն և ուրախ լիցին ՚ի քեզ ամենեքեան, ոյք խնդրեն զքեզ տէր:

21 Ասացն յամենայն ժամ՝ մեծ է աստուած, և ոյք սիրեն զփրկութիւնս քո:

22 Ես աղքատ և տնանկ եմ, աստուած խորհեաց զիս. օգնական և պաշտպան իմ ես. և դու աստուած իմ մի՛ յամենար:

Տունք 22: Գորդայս 58:

## ԱՆՂՄՈՍ Խ

Ի Կարաբաժ. սաղմոս ՚ի քառօրէ:

1 Երանի որ խորհի զաղքատն և զտնանկն. յառուր չարի փրկէ զնա տէր:

2 Տէր փրկէ զնա և կեցուցանէ. երանելի առնէ զնա ՚ի վերայ երկրի, և ոչ մատնէ զնա ՚ի ձեռս թշնամեաց իւրոց:

3 Տէր օգնական է նմա ՚ի մահի՞նց ցաւոց իւրոց. զամենայն անկողինս նորա դարձուցանէ ՚ի հիւանդութենէ նորա:

4 Ես ասացի տէր ողորմեա ինձ. բժշկեա զանձնս իմ, ես մեղայ քեզ:

5 Թշնամիք իմ ասացին ինձ չար. երբ իցէ զի մեռցի, և կորիցէ անուն նորա:

6 Մտանէր տեսանել զնանրութիւն. խօսէր ՚ի սրտի իւրում, և ժողովէր զանօրէնութիւնս յանձն իւր:

7 Արտաքս ելանէր և զնոյն խօսէր. զինէն շնչէին ամենայն թշնամիք իմ:

8 Խորհեցան չար ՚ի վերայ իմ. բան անօրէնութեան եղին ՚ի վերայ իմ:

9 Միթէ որ ննչիցէն, և այլ ո՞չ ևս յաւերցու յառնել. քանզի և այլն խաղաղութեան իմոյ, յոր և ենն յուսացայ:

10 Որ ուտէր զՏաց իմ, յաճախեաց առնել ինձ խաբէութիւն:

11 Այլ դու տէր ողորմեա ինձ և կանգնեա զիս, և ես հատուցից նոցա:

12 Յայսմ ծանեայ՝ թէ հաճեցար ընդ իս. զի մի ուրախ եղիցին յիս թշնամիք իմ:

13 Այլ զիս յամբուութեան իմում ընկալար, և հաստատեցեր զիս առաջի քո յաւիտեան:

14 Օրհնեալ տէր աստուած իսրայելի յաւիտեանս յաւիտենից. եղիցի եղիցի:

Տունք 14



## ՍԵՂՄՈՍ ԽԵՆ

Ի Կարաբաժ. Ենասարո-Են-ն որդ-ոցն Կարխայ.  
ասողես 'ի դառ-իլ' :

- 1 Որպէս փափաքէ եղջերու յաղբերս ջուրց  
այնպէս փափաքէ անձն իմ առ քեզ աստուած :
- 2 Օտարաւի է անձն իմ առ քեզ աստուած  
Հզօր և կենդանի . երբ եկից երևեցայց երեսացդ  
աստուծոյ :
- 3 Եղեն ինձ արտասուք իմ կերակուր 'ի տուէ  
և 'ի գիշերի . և այն զի ասէին ցիս զօրհանապաղ՝  
Թէ ուր է աստուած քո :
- 4 Օայս որպէս յիշէի , տառապէր յիս անձն  
իմ . քաջալերէի , զի մտից ընդ յարկաւ սքանչե-  
լեաց տանն աստուծոյ :
- 5 Ի ձայն ցնծութեան խոստովանութեան , և 'ի  
ձայն բարեկենդանութեան :
- 6 Արդ ընդէր տրտում ես անձն իմ , կամ ընդէր  
խոռովես զիս . յուսա առ աստուած , խոստովանեա  
նմա՝ փրկիչ երեսաց իմոց աստուած է :
- 7 Անձն իմ յոյժ խոռովեցաւ . վասն այսորիկ  
յիշեցի զքեզ յերկրէն յորդանանու , 'ի Հերմոնէ  
'ի լեռնէ փոքուէ :
- 8 Խորք 'ի խորոց կարգացին առ քեզ , 'ի ձայն  
ասհանաց քոց :
- 9 Ամենայն զբօսանք քո , և ակք քո անցին 'ի  
վերայ իմ :

10 Ի տուէ պատուիրեաց տէր զողորմութիւն  
իւր , 'ի գիշերի զօրհնութիւն նոր . և աղօթք  
իմ առ աստուած վասն կենաց իմոց :

11 Ասացի աստուծոյ՝ ընդունելի իմ ես . ընդէր  
մերժեցեր զիս . ընդէր տրտում գնամ ես 'ի  
նեղել թշնամոյ իմոյ :

12 Ի փշրել ոսկերաց իմոց նախատեցին զիս  
թշնամիք իմ . յասել ցիս զօրհանապաղ , Թէ  
ուր է աստուած քո :

13 Արդ ընդէր տրտում ես անձն իմ , կամ  
ընդէր խոռովես զիս . յուսա առ աստուած , խոս-  
տովանեա նմա՝ փրկիչ երեսաց իմոց աստուած է :

Տուք 14 :

## ՍԵՂՄՈՍ ԽԵՆ

Ասողես 'ի դառ-իլ' :

- 1 Վատ արա ինձ աստուած , և իրաւ արա  
ինձ 'ի դատաստանի իմում :
- 2 Յազգէ որ ոչ է սուրբ , 'ի մարդոյ մեղաւորէ  
նենդաւորէ փրկեա զիս :
- 3 Վու աստուած Հզօրիչ իմ ես . ընդէր մոռա-  
ցար զիս , ընդէր տրտում գնամ ես 'ի նեղել թըշ-  
նամոյ իմոյ :
- 4 Առաքեա տէր զլոյս քո և զճմարտութիւն  
քո . զի առաջնորդեսցեն ինձ և հանցեն զիս 'ի  
յեանն սուրբ և 'ի յարկս քո

5 Մախց առաջին սերանոյ աստուծոյ առ աստուած, որ ուրախ առնէ զմանկութիւն իմ:

6 Խոստովան եղէց քեզ օրհնութեամբ աստուած աստուած իմ:

7 Արդ ընդէր տրտում ես անձն իմ, կամ ընդէր խռովեա զես. յուսա առ աստուած խոստովանեա նմա՝ փրկիչ երեսաց իմոց աստուած է:

Տունք 7: Գորդայս 34:

## ՍՇՂ ՄՈՍ ԽԳ

Ի Խորասած. Խնաստութեան որդոցն իրկոյ.  
աստուած ի Գործէ:

1 Աստուած՝ ականջօք մերովք լուսք, զոր հարբն մեր պատմեցին մեզ:

2 Օգործն զոր գործեցեր յաւուրս նոցա, յաւուրսն առաջինս:

3 Չեռն քո խլեաց զհեթանոսս, և զնոսս անկեցեր. չարչարեցեր զժողովուրդս քո, և հաներ զնոսս:

4 Ոչ թէ սրով իւրեանց ժառանգեցին զերկիր, և ոչ բազուկ նոցա թէ փրկեաց զնոսս:

5 Այլ աջ քո և բազուկ քո և լոյս երեսաց քոց, զի հաճեցար դու ընդ նոսս:

6 Դու ինքն ես՝ թագաւոր իմ և աստուած իմ, որ հրամայեցեր զփրկութեանցն յակորայ:

7 Բև զթշնամիս մեր հարցուք, և անուամբ քով արհամարհեսցուք զյարուցեալն ՚ի վերայ մեր:

8 Ոչ թէ յաղեղն իմ յուսացեալ եմ, և ոչ սուր իմ կեցուցանէ զես:

9 Այլ դու փրկեցեր զմեզ ՚ի թշնամեաց մերոց և զատելիս մեր յամօթ արարեր:

10 Աստուծով պարծեսցուք զօրհանապազ, և անուան նորա խոստովան եղիցուք յախտեան:

11 Բայց արդ մերժեցեր և անարդեցեր զմեզ. և ոչ ելեր աստուած ընդ զօրս մեր:

12 Դարձուցեր զմեզ յետս քան զթշնամիս մեր, և ատելիք մեր յախտակեցին զմեզ:

13 Ետուր զմեզ որպէս զոչխար ՚ի զեռւմն, և ընդ հեթանոսս ցրուեցեր զմեզ:

14 Այժաճուեցեր զժողովուրդս քո առանց դնոյ, ոչ գոյ թիւ աղաղակի մերոյ:

15 Արարեր զմեզ նախատինս դրացեաց մերոց. ծաղը և սյապն կատականաց սյնոցիկ, որ շուրջ էին զմեզ:

16 Արարեր զմեզ յառակս հեթանոսաց ՚ի շարժել զգլուխ ժողովրդոց:

17 Օր ամենայն նախատինք իմ առաջի իմ են, և ամօթ երեսաց իմոց ծածկեաց զես:

18 Ի ձայնն նախատորդին և չարախօսի, յերեսաց թշնամեցն և հայածչի:



19 Այս ամենայն եկն 'ի վերայ մեր , և մեր զբեզ ոչ մոռացաք , և ոչ ստեցաք ուխտի քում , և ոչ դարձաք յեսս սրտիւք մերովք :

20 Պարձուցեր զչաւիղս մեր 'ի ճանապարհաց քոց , խոնարհ արարեր զմեզ 'ի տեղի չարչարանաց . և ծածկեցին զմեզ ստուերք մահու :

21 Թէ մոռացեալ իցէ մեր զանունն աստուծոյ մերոյ , կամ ձգեալ իցէ զձեռս մեր առ աստուածս օտարս :

22 Սակայն աստուած խնդրէ զայս . զի նա քնննէ զզաղանխս սրտից մերոց :

23 Այսն քո մեռանիմք զօրհանապաղ . համարեցաք որպէս զոչխար 'ի զենումն :

24 Օջարթիր ընդէր ննջես տէր . արի և մի՛ մերժեր զմեզ իսպառ :

25 Օմէ՞ դարձուցանես զերեսս քո 'ի մէնջ . մոռանաս զաղբատուծիւն և զնեղուծիւնս մեր :

26 Խոնարհ եղեն մինչև 'ի հող անձինք մեր , և յերկիր կցեցան մէջք մեր :

27 Արի տէր օգնեա մեզ , և փրկեա զմեզ վասն անուան քո :

Տունք 27 :

## ԱՆՂՍՈՍ ԽԿ

Ի Կարաբաժ . զառանցելոց Ժամանակաց , որպէսն իրկայ իմաստութեան . սաղմոս օրհնութեան վասն սելեւոյն :

1 Բղեսեցէ սիրտ իմ զպատգամս քո բարիս , և ասացից զգործս իմ թագաւորի :

2 Աեզու իմ որպէս գրիչ արագագիր դպրի , գեղեցիկ տեսանելով քան զամենայն որդւոց մարդկան :

3 Սփռեցան շնորհք 'ի շրթանց քոց . վասն այսորիկ օրհնեաց զբեզ աստուած յաւիտեան :

4 Աճ զսուր ընդ մէջ քո հզօր , վայելուծեան և գեղոյ քոյ :

5 Արեա ուղղեա և թագաւորեա վասն ճշմարտութեան հեղուծեան և արդարութեան , և առաջնորդեցէ քեզ սքանչելապէս աջ քո :

6 Նետք քո սրեալ են հզօր , և ժողովուրդք 'ի ներքոյ քո անկցին , 'ի սիրտս թշնամեաց թագաւորի :

7 Աթոռ քո աստուած յաւիտեանս յաւիտենից , գաւազան ուղղութեան՝ գաւազան արքայութեան քո :

8 Սիրեցեր զարդարութիւն , և ստեցեր զանօրէնութիւն :

9 Այսն սյսորիկ օժ զբեզ աստուած աստուած

քո իւղով ուրախութեան, առաւել քան զընկերս  
քո :

10 Օճուռս և ստաշին և կասիայ 'ի զգեստէ  
քումմէ, 'ի տաճարաց փղոսկրէից, ուստի ուրախ  
արարին զքեզ դստերք թագաւորաց 'ի պատիւ  
քո :

11 Աացցէ դշխոյ ընդ աջմէ քումմէ 'ի հան-  
դերձս ոսկեհոռս զարդարեալ և պաճուճեալ :

12 Աւր դուստր և տես, խոնարհեցո զընկն  
քո . մոռա զժողովուրդ քո և զտուն հօր քո, զկ  
ցանկացաւ թագաւոր գեղոյ քո :

13 Սա ինքն է տէր քո՝ երկիր պագցես սմա . և  
դուստր ծուրայ երկիր պագցէ սմա . և պատա-  
րազօք զերեսս սորա պաշտեսցեն մեծամեծք 'ի  
ժողովրդոց :

14 Ամենայն փառք դստեր թագաւորի 'ի ներ-  
քոյ, 'ի վերջաւորս ոսկեհոռս զարդարեալ և  
պաճուճեալ :

15 Տարցին թագաւորի կուսանք զհետ նորա,  
և զընկերս նորա տարցին նմա :

16 Ածցեն ցնծութեամբ և ուրախութեամբ, և  
տարցին 'ի տաճար թագաւորի . և փոխանակ  
հարց քոց եղևցին որդիք քո :

17 Աացուցես զնոսա իշխանս ընդ ամենայն  
երկիր . և յիշեսցի անուն քո ընդ ամենայն ազգս  
ազգաց :

18 Այս ան պստրիկ ժողովուրդք խոստովան  
եղևցին առ քեզ յաւիտեան, և յաւիտեանս  
յաւիտենից :

Տունք 18 :

## ՍՆԴ ՄՈՍ ԽԵ

Ի կարարած . որդւոցն իբրևայ 'ի վերայ Գաղութեաց :

1 Աստուած մեր ապաւէն և զօրութիւն .  
օգնական 'ի վերայ նեղութեանց, որ գտին զմեզ  
յոյժ :

2 Այս ան պստրիկ ոչ երկիցուք մեք 'ի խռովել  
երկրի, 'ի փոփոխել լերանց 'ի սիրտս ծովու :

3 Գոչեցին և խռովեցան ջուրք նոցա . խռովե-  
ցան լերինք 'ի զօրութենէ նորա :

4 Գնացք գետոց ուրախ աննն զքաղաքն  
աստուծոյ . և սուրբ արար զյարկս իւր բարձ-  
րեալն :

5 Աստուած 'ի մեջ նոցա, և նոքա մի սասանս-  
ցին . օգնեսցէ նոցա աստուած 'ի վաղորդայնէ  
մինչև 'ի վաղորդայն :

6 Խռովեցան հեթանոսք, և խոնարհեցան  
թագաւորութիւնք . ետ զձայն իւր բարձրեալն,  
և խռովեցաւ երկիր :

7 Տէր զօրութեանց րնդ մեզ . ընդունել է մեր  
աստուած յակովբայ



8 Եկայք և տեսէք զգործս աստուծոյ, որ արար զնշանս և զարուեստս 'ի վերայ երկրի:

9 Ե՛հար զպատերազմ 'ի ծագաց մինչ 'ի ծագս երկրի. զաղեղունս փշրեաց, զզէնս խորտակեաց, և զասպարս այրեաց հրով:

10 Կանխեցէք և ծաներուք, զի ես եմ աստուած. բարձր եղէց 'ի հեթանոսս, և բարձրացայց 'ի վերայ երկրի:

11 Տէր զօրութեանց ընդ մեզ. ընդունելի է մեր աստուած յակովբայ:

Տունք 11: Գորղայս 56:

## ՍԵՂՄՈՍ ԽԶ

Ի Կարաբաձ. վասն որդեոցն Կորնայ. սաղմս 'ի դառնիլ:

1 Օ֊ափս հարէք ամենայն հեթանոսք, աղաղակեցէք առ աստուած 'ի ձայն ցնծութեան:

2 Տէր բարձրեալ և հաշարիւ, թագաւոր մեծ 'ի վերայ ամենայն երկրի:

3 Հնազանդ արար զժողովուրդս ընդ մեզ, և զհեթանոսս 'ի ներքոյ ոսից մերոց:

4 Ընտրեաց զմեզ իւր 'ի ժառանգութիւն, գեղեցկութեանցն յակովբայ՝ զոր և սիրեաց:

5 Համբարձաւ աստուած օրհնութեամբ, և տէր մեր ձայնիւ փողոյ:

6 Սաղմոս ասացէք աստուծոյ մերում. սաղմոս ասացէք թագաւորին մերում, սաղմոս ասացէք:

7 Թագաւոր մեծ 'ի վերայ ամենայն երկրի աստուած է, սաղմոս ասացէք նմա իմաստութեամբ:

8 Թագաւորեաց աստուած 'ի վերայ հեթանոսաց. աստուած նստաւ յաթոռ սրբութեան իւրոյ:

9 Իշխանք ժողովրդոց ժողովեցան առ աստուած արբահամու, զի աստուծոյ զօրութիւնք յերկրէ յոյժ համբարձան:

Տունք 9:

## ՍԵՂՄՈՍ ԽԷ

Սաղմոս օրհնութեան որդեոցն Կորնայ. Երչիրոբ շաբաթոս:

1 Մեծ է տէր, և օրհնեալ է յոյժ 'ի քաղաք աստուծոյ մերոյ, 'ի լեռուն սուրբ նորա:

2 Հաստարմատ ցնծացէ ցնծութեամբ ամենայն երկիր. լերինք սիովնի, կողմանք հիւսիսոյ՝ քաղաք թագաւորի մեծի:

3 Աստուած 'ի տաճարի իւրում յայտնի, 'ի ժամանակի որպէս օգնական լինէր նոցա:

4 Ահաւասիկ թագաւորութիւնք երկրի ժողովեցան, և անցին 'ի միասին:

5 Ինքեանք տեսին սյսպէս և զարմացան. խուս վեցան սասանեցան, և դողումն կալաւ զնոսա:

6 Անդ երկունք որպէս 'ի ծննդեան , 'ի հոլմ' սաստիկ փշրեսցէ զնաւս 'ի թարսիս :

7 Որպէս լուաք , սոյնպէս և տեսաք 'ի քաղաք տեառն զօրու[թեանց] 'ի քաղաք աստուծոյ մերոյ :

8 Աստուած հիմունն արկ նմա յաւիտեան . ընկալաք աստուած զողորմութիւն քո 'ի մէջ ժողովրդեան քոյ :

9 Աստ անուան քում , սոյնպէս և օրհնութիւն քո ընդ ամենայն տիեզերս . և արդարութեամբ լին է աջ քո :

10 Ուրախ եղիցի լեառն սիոնի . և ցնծասցեն դստերք յուզայ վասն իրաւանց քոց տէր :

11 Շնչեցարուք զսիոնիւ , պաշարեցէք զնա և պատեցէք զաշտարակս նորա :

12 Վիւք զսիրտս ձեր 'ի վերայ զօրութեան նորա . բաժանեցէք զամուրս նորա , զի պատմել կարասիք յազգ յայլ :

13 Սա է աստուած , աստուած մեր յաւիտեանս յաւիտենից . և սա հովուեսցէ զմեզ մինչև յաւիտեան :

Տունք 13 :

### ՍՆԴԱՌՈՍ ԻՎՆ

Ի Խորաբաժ որդոցն ի որևոյն . սաղմոս օրհնութեան 'ի պատիւ :

1 Ըլարուք զայս ամենայն ազգք . ունկնդիր

լերուք ամենեքեան , ոյք բնակեալ էք յաշխարհի :

2 Օնունդք երկրի և որդիք մարդկան 'ի միասին մեծամեծք և տնանկք :

3 Բերան իմ խօսեսցի զիմաստութիւն , և խորհուրդք սրտի իմոյ զՏանձար :

4 Խոնարհեցուցից յառակումն զունկն իմ . բացից զառակս օրհնութեամբ 'ի սկզբանէ :

5 Բնդէր բնաւ երկնչիմ ես յաւուր չարի . զի անօրէնութիւնք գնացից իմոց շուրջ եղեն զինս :

6 Յուսացեալք 'ի զօրութիւն իւրեանց , 'ի բազմութիւն մեծութեան իւրեանց պարծեսցին :

7 Եղբայր ոչ փրկէ՝ և ոչ փրկէ մարդ , և ոչ տայ աստուծոյ զփրկանս իւր , և ոչ զգինս փրկանաց անձին իւրոյ :

8 Աստակեա յաւիտեան , և կեցցես մինչ իսպառ , և ոչ տեսցես զապականութիւն :

9 Յորժամ տեսցես՝ թէ իմաստունք մեռանին , 'ի միասին անզգամբ և անմիտք կորիցեն , և թողցեն օտարաց զմեծութիւն իւրեանց :

10 Վերեղմանք տունք նոցա եղիցին յաւիտեան , և յարկք նոցա ազգէ մինչև յազգ , և կարգացցեն անուանք նոցա 'ի հոլմ իւրեանց :

11 Մարդ 'ի պատուի էր և ոչ իմացաւ , հաւասարեաց անամնոց անբանից և նմանեաց նոցա :

12 Այս ճանապարհ է գայթաղութեան նոցա



նոցին . յետ սյտորիկ բերանօք իւրեանց հաճեսցին :

13 Որպէս խաշն 'ի դժոխս մատնեսցին , և մահ հովուեսցէ զնոսա . և տիրեսցեն նոցա ուղիղք ընդ առաւօտս :

14 () Գնուածիւնք նոցա մաշեսցին 'ի դժոխս , և 'ի փառաց իւրեանց անկցին :

15 Բայց սակայն աստուած փրկեսցէ զանձն իմ 'ի ձեռաց դժոխոց , յորժամ ընդունին զիս :

16 Մ'ի երկնչիւր յորժամ մեծանայ մարդ , և յորժամ բազում լինին փառք տան նորա :

17 Օչի ոչ թէ 'ի մեռանել իւրում առցէ ընդ իւր զամենայն . և ոչ թէ իջցեն փառք տան նորա ընդ նմա :

18 Եւլ անձն նորա 'ի կեանս իւրում օրհնեսցի . խոստովան եղիցի քեզ՝ յորժամ բարի արասցես դու նմա :

19 Մտցէ նա մինչև յաղգ հարց իւրոց . մինչև յաւիտեան զլոյս մի տեսցէ :

20 Մարդ 'ի պատուի էր և ոչ իմացաւ , հաւասարեսց անանոց անբանից և նմանեաց նոցա :

Տունք 20 : Գորդայս 42 :

## ՍԵՂՄՈՍ ԽԹ

Սաղմոս 'ի դաւիթ :

1 Եստուած աստուծոց տէր խօսեցաւ , կոչեաց զերկիր յարեւելից մինչև 'ի մուտս արևու :

2 Ի սիովնէ մեծվայելչուածիւն փրկուածեան գեղոյ նորա :

3 Եստուած մեր յայննապէս եկեսցէ , և աստուած մեր մի՛ դադարեսցէ :

4 Հուր առաջի նորա բորբոքեսցի , և շուրջ զնովաւ մըրիկ յոյժ :

5 Կոչեսցէ զերկինս 'ի վերուստ՝ և զերկիր 'ի դատել զժողովուրդ իւր , ժողովել առ ինքն զսուրբս իւր , և ոյք զնեն զպատարագս ուխտից 'ի վերայ սեղանոյ նորա :

6 Պատմեսցեն երկինք զարդարուածիւն նորա , զի աստուած դատաւոր է :

7 Ի իւր ժողովուրդ իմ և խօսեցայց ընդ քեզ , և խորայնէ՛լ քեզ վկայեցից . զի աստուած աստուած քո ես եմ :

8 Ոչ թէ վասն պատարագաց քոց կշտամբեմ՝ զքեզ . զի ողջակէզք քո առաջի իմ են յամենայն ժամ :

9 Ոչ ընդունիմ 'ի տանէ քումնէ զուարակս , և ոչ 'ի հօտից քոց նոխազս :

10 Իմ է ամենայն դազան անտառի, երէ լերանց  
և ամենայն անասուն:

11 Ղիտեմ ես զամենայն թռչունս երկնից .  
գեղեցկութիւն վայրի ընդ իս է:

12 Թէ քաղցեայց, քեզ ինչ ոչ ասացից. զի  
իմ է աշխարհ լիւ իւրով:

13 Ոչ ուտեմ ես զմիս զուարակաց քոց, և ոչ  
զարիւն նոխազաց քոց ըմպեմ:

14 Մատո աստուծոյ պատարագ օրհնութեան,  
կատարեա բարձրելոյն զուխտս քո:

15 Կարդացես առ իս յաւուր նեղութեան քո  
ես փրկեցից զքեզ, և դու փառաւոր արասցես  
զիս:

16 Սակայն մեղաւորին ասէ աստուած. իսկ դու  
ոնդէր բնաւ պատմես զարդարութիւն իմ, կամ  
առնուս զուխտս իմ ՚ի բերան քո:

17 Օ, ի դու ատեցեր զխրատ իմ. մերժեցեր և  
յետս ընկեցեր զամենայն բանս բերանոյ իմոյ:

18 Թէ տեսանէիր զգողս՝ ընթանայիր ընդ  
նոսա, և ընդ շունս դնէիր զբաժին քո:

19 Բերան քո յաճախէր զչարութիւն, և լեզու  
քո նիւթէր գննեղութիւն:

20 Կստեալ զեղբօրէ քումմէ չարախօսէիր, և  
՚ի վերայ որդւոյ մօր քո դնէիր զգայթագղու  
թիւն:

21 Օ, այս ամենայն արարեր, և լռեցի քեզ.

կարծեցեր անօրէնդ ՚ի մոտի քում, թէ և ես քեզ  
նմանիցեմ:

22 Ըրդ յանդիմանեցից և կացուցից զայս  
ամենայն առաջի քո. իմացարուք ամենեքեան՝  
որոց մոռացեալ իցէ զաստուած:

23 Գուցէ երբէք յափշտակիցիք, և ոչ որ  
իցէ՝ որ փրկիցէ:

24 Պատարագ օրհնութեան փառաւոր արասցէ  
զիս. և անդ է ճանապարհ, ուր ցուցից նմա  
զփրկութիւն աստուծոյ:

Տունք 24:

## ՍՇՂ ՄՈՍ Ծ

Ի Կարապետ. ստղոս ՚ի դասիլ. ՚ի Ժամանակի գէ  
էլիս առ նա նախաձեռն յարգարէ, իբրև գէ յարեալ  
էր նա առ բերսուբէէ:

1 Ողորմես ինձ աստուած ըստ մեծի ողորմու  
թեան քում. ըստ բաղում գթութեան քում  
քաւեա զանօրէնութիւնս իմ:

2 Ըռաւել լուա զիս յանօրէնութեանէ իմմէ,  
և ՚ի մեղաց իմոց սուրբ արա զիս:

3 Օ, անօրէնութիւնս իմ ես ինձէն գիտեմ. և  
մեղք իմ առաջի իմ նն յամենայն ժամ:

4 Վրեզ միայն մեղայ տէր, և չար առաջի քո  
արարի:



5 Որպէս արդար եղիցես 'ի բանս քո և յաղթող 'ի դատել քեզ :

6 Ընտրէնու թեամբ յղացաւ , և 'ի մեզս ծնաւ զիս մայր իմ :

7 Դու տէր զճշմարտութիւն սիրեցեր . զան-  
յայտս և զծածկեալս իմաստութեամբ քոյ  
յայանեցեր ինձ :

8 Հօղեա յիս մշտկաւ , և սուրբ եղէց . լուա ,  
և քան զձիւն սպիտակ եղէց :

9 Լսելի արա ինձ զցնծութիւն և զուրախու-  
թիւն , և ցնծացնն ոսկերք իմ տառապեալք :

10 Դարձո զերեսս քո 'ի մեղաց իմոց , և զամե-  
նայն անօրէնութիւնս իմ քաւեա յինէն :

11 Սիրտ սուրբ հաստատեա յիս աստուած , և  
հոգի ուղիղ նորոգեա 'ի փորի իմում :

12 Մի՛ ընկենուր զիս տէր յերեսաց քոց , և  
զհոգի քո սուրբ մի՛ հաներ յինէն :

13 Տուր ինձ ցնծութիւն փրկութեան քոյ , և  
հոգևոյ պետութեան քոյ հաստատեա զիս :

14 Ուսուցից անօրինաց զճանապարհս քո . և  
ամբարիշտք առ քեզ դարձցին :

15 Փրկեա զիս յարնէ աստուած աստուած  
փրկութեան իմոյ . ցնծացէ լեզու իմ յարգարու-  
թեան քում :

16 Տէր եթէ զչրթունս իմ բանաս բերան իմ  
երգեսցէ զօրհնութիւնս քո :

17 Թէ կամեցեալ էիր , պատարագս մատու-  
ցանէաք . բայց դու ընդ ողջակէզս իսկ ոչ հաճե-  
ցար :

18 Պատարագ աստուծոյ հոգի խոնարհ . զսիրտ  
սուրբ և զհոգի խոնարհ աստուած ոչ արհա-  
մարհէ :

19 Բարի արա տէր կամօք քովք սիրովի , և  
շինեցին պարիսպք երուսաղեմի :

20 Հայնժամ հաճեսցիս ընդ պատարագս  
արդարութեան . ուխտից պատարագս հանցն 'ի  
սեղան քո զուարակս :

Տունք 20 :

## ՍԵՂՄՈՍ ԿԵ

Ի կոտորած իմաստութեան , սողնոս 'ի գոմէլ . 'ի  
Ժամանակի զէ ելին գովէլ Երովնայ , պարսեաց  
սառ-դայ , էն ահա-տանէլ գոմէլ 'ի դան աշի-  
Ժելնայ է :

1 Օխ՞ պարծիցի 'ի չարութեան հզօր՞ զա-  
նօրէնութիւն . զօրհանապազ զանիրաւութիւն  
խորհեցաւ 'ի լեզուի իւրում :

2 Որպէս ածելի սուր՞ սրեաց զննեղութիւն  
սիրեաց զչարութիւն քան զբարութիւն , զանօ-  
րէնութիւն քան զխօսս արդարութեան :

3 Սիրեաց նա զամենայն խօսս կործանման , և  
զլեզուս ննգաւորս :

4 Այն աշտրիկ աստուած կործանեցէ զնա  
իսպառ . խլեցէ և հանցէ զնա յարկաց իւրոց ,  
և զարմատս նորա յերկրէն կենդանեաց :

5 Տեսցեն արդարք և երկիցեն . զնովաւ ծի-  
ծաղեցին և ասացեն :

6 Այս պը է , որ ոչ արար զաստուած իւր  
օգնական . այլ յուսացաւ սա 'ի բազում մեծու-  
թիւն իւր , և զօրացաւ 'ի նանրութեան իւրում .

7 Այլ ես որպէս ձիթենի պողալից 'ի տան  
աստուծոյ . յուսացայ յողորմութիւն աստուծոյ  
յաւիտեան' և յաւիտեանս յաւիտենից :

8 Խոստովան եղէց քեզ յաւիտեան , զի արա-  
րեր . և համբերից անուան քում , զի քաղցր ես  
առաջի սրբոց քոց :

Տունք 8 : Գորդայս 52 :

### ԱՆՂՄՈՍ ԾԻԻ

Ի Խաբարած . Լան հողաղէլեայ . Խասարու-  
թիւն 'ի  
բաւել :

1 Ասաց անզգամն 'ի սրտի իւրում թէ ոչ  
գոյ աստուած . ապականեցան և պղծեցան յա-  
նօրէնութեան իւրեանց . և ոչ որ է որ առնէ  
զքաղցրութիւն :

2 Աստուած յերկնից նայեցաւ յամենայն որ-  
դիս մարդկան , տեսանել թէ իցէ որ իմաստուն'  
որ խնդրիցէ զաստուած :

3 Ամենքեան խոտորեցան 'ի միասին , և անպի-  
տանացան :

4 Աչ որ է որ առնէ զբարի , և չէ որ մինչև 'ի  
մի :

5 Որպէս ոչ ծանիցեն ամենքեան , որ գործն  
զանօրէնութիւն :

6 Ոյք ուտէին զժողովուրդ իմ որպէս կերա-  
կուր հացի , և առ աստուած ոչ կարդային :

7 Անդ երկիցեն երկիւղ' ուր ոչ իցէ երկիւղ .  
զի աստուած ցրուեցէ զսկերս մարդահաճոյից :

8 Ամաչեցեն և յամօթ լիցին , զի աստուած  
անարգեաց զնոսա :

9 Ո՞ր տացէ 'ի սիովնէ զփրկութիւն իսրայելի . 'ի  
գարձուցանել տեսան զգերութիւն ժողովրդեան  
իւրոյ , ցնծացէ յակովք , և ուրախ եղլցի  
իսրայէլ :

Տունք 9 :

### ԱՆՂՄՈՍ ԾԻԻ

Ի Խաբարած . Ընդ օրհնութիւնս Խասարու-  
թիւն 'ի  
բաւել . 'ի Ժամանակն զի էին զէպոսիէն , և  
առնէ ցասող ահաւասիկ բաւել լազուցեալ  
նորի առ մեզ :

1 Աստուած յանուան քում կեցոյ զիս , և 'ի  
գորութեան քում իրաւ արա ինձ :



2 Աստուած լուր աղօթից խմոց. ունին գիր բանից բերանոյ իմոյ :

3 ()տարք յարեան 'ի վերայ իմ, և հզօրք խնդրեցին զանձն իմ, և ոչ համարեցան զքեզ աստուած առաջի իւրեանց :

4 Ահա աստուած օգնական իմ, և տէր ընդունելի հոգւոյ իմոյ :

5 Ի դարձուցանել զչարն 'ի թշնամիս իմ, ճըշմարտութեամբ քով սատակեա զնոսա :

6 Ես կամօք իմովք պատարագս մատուցից քեզ. խոտովան եղէց անուան քում տէր, զի բարի է :

7 Համենայն նեղութենէ իմմէ փրկեցեր զես. և 'ի թշնամիս իմ ետես ակն իմ :

Տունք 7 :

## ԱՆՂԱՌԱՍ ԾՊԻ

Ի Խարարած. ընդ օրհնութիւնս իմաստութեան. ստղոս 'ի դաւիթ :

1 Ունին գիր աստուած աղօթից խմոց, և մի անտես առներ զխնդրուածս իմ :

2 Ղայեա առ իս և լուր ինձ, զի տրտմեցայ ես 'ի ձանձրանալ իմում, և խռովեցայ :

3 Ի ձայնէ թշնամւոյն և 'ի նեղել մեղաւորին խոտորեցան յիս անիրաւութեամբ, բարկութեամբ ոխս պահէին ինձ :

4 Սիրտ իմ խռովեցաւ յիս, և երկիւղ մահուանկաւ 'ի վերայ իմ :

5 Ահ և դողումն եկն 'ի վերայ իմ, և ծածկեաց զես խաւար :

6 Ասէի, տայր որ ինձ թէս որպէս զաղանւոյ՝ զի թուչէի վերանայի, և հեռացեալ դադարէի յանապատի :

7 Այն ունէի աստուծոյ՝ որ փրկէր զես 'ի կարճ մտութենէ, 'ի պայրանալոյ, 'ի միրկեալ նեղսրտութենէ :

8 Անկր տէր և բաժանեա զեզուս նոցա. զի տեսի զանօրէնութիւն և զհակառակութիւն 'ի քաղաքի :

9 Ի տուէ և 'ի գիշերի շուրջ եղեն զպարսպօք նորա անօրէնութիւնք. չարիք և մեղք են 'ի մէջ նոցա. և ոչ պահասեաց 'ի հրապարակաց նոցա վաշխ և նենգութիւն :

10 Օ՛ի թէ թշնամւոյն նախատեալ էր, համբերէի արդեօք. կամ ատելւոյն մեծաբանեալ էր 'ի վերայ իմ, թագչէի արդեօք 'ի նմանէ :

11 Իսկ դու մարդ հաւասար իմ, առաջնորդ իմ և ծանօթ իմ :

12 Ապաքէն 'ի նոյն քաղցրացուցեր ինձ և քեզ կերակուր : զի գնայաք միաբանութեամբ 'ի տան աստուծոյ :

13 Եկեցէ մահ 'ի վերայ նոցա, և կենդանւոյն

ի իջնն 'ի դժոխս . զի չարութիւն է 'ի բնակութեան նոցա և 'ի մէջ նոցա :

14 Ես առ աստուած կարդացի . և լուաւ ինձ յերեկոյս , 'ի վաղորդայն և 'ի հասարակ աւուր :

15 Պատմեցի և ասացի , և լուիցէ ձայնի իմնում . փրկեսցէ խաղաղութեամբ զանձն իմ 'ի մերձաւորաց իմոց , զի կարեօք հասին 'ի վերայ իմ :

16 Լուիցէ աստուած և խոնարհ արասցէ զնոսա որ յառաջն է քան զյաւիտեանս :

17 Օ, ի ոչ գոյր նոցա փոխանակ , և ոչ երկեան յաստուծոյ :

18 Չգեաց զձեռն իւր 'ի հատուցանել նոցա . և նոքա պղծեցին զօրէնս նորա :

19 Բաժանեցան 'ի սրտմտութենէ երեսաց նորա . և եհաս 'ի սիրտս նոցա :

20 Արկուղ էին բանք նոցա քան զձէթ , և ինքեանք ոպրէս սլաք :

21 Բնկեա 'ի տէր զհոգս քո , և նա կերակրէ զքեզ . և ոչ տայ յաւիտեան սասանութիւն արդարոյ :

22 Կու աստուած իջուցես զնոսա 'ի գուր ապականութեան . արբ արիւնս : հեղբ և նենգաւորք մի՛ հասարակեսցեն զաւուրս իւրեանց պլ ես 'ի քեզ տէր յուսացայ :

Տունք 22 : Կորնթայ 38 :

## ՄԱՂՄՈՍ ԾԵ

Ի հարարած . վասն ժողովուրդեանն , որ 'ի սրբոյն հետացեալ էին . 'ի խոնարհի զի հարան վնասյալութիւն 'ի գեւէ : Յայտնագիր . ստղնս 'ի դուրս :

1 Ողորմեա ինձ աստուած , զի կոխեաց զիս մարդ . զօրհանապաղ պատերազմունք ներկեցին զիս :

2 Արիւտեցին զիս թշնամիք իմ զօրհանապաղ . բազում եղեն՝ ոյք մարտնչէին ընդ իս 'ի բարձանց :

3 Ի տուէ ես ոչ երկեայց , զի 'ի տէր յուսացայ . աստուծով գովեցից զբանս իմ . յաստուած յուսացայ՝ և ոչ երկեայց , զի՛ արասցէ ինձ մարդ :

4 Օ, օրհանապաղ զբանս իմ անարգեցին . զինէն էին խորհուրդք նոցա 'ի չարութեան :

5 Պանդուխտք եղիցին , և թաքթաքուրք շրջեսցին . նոքա գարշապարի իմում սպասեսցեն , որպէս և սպասէին անձին իմոյ :

6 Որպէս առ ոչնչէ մերժեսցես զնոսա . բարկութեամբ զժողովուրդս հնազանդեցուցես :

7 Լստուած զկեանս իմ պատմեցից քեզ . եղից զարտասուս իմ առաջի քո , որպէս խոտացար դու ինձ :

8 Կարձցին թշնամիք իմ յեսս իւրեանց , յաւուր յորում կարդացից առ քեզ :



9 Ահա ծանեայ զի աստուած իմ ես դու . զաստուած օրհնեցից ՚ի բանս իմ , և զտէր գովեցից ՚ի խօսս իմ . յաստուած յուսացայ և ոչ երկեայց , զի՞ արացէ ինձ մարդ :

10 Հինէն են ուխտք իմ , զոր տաց .քեզ օրհնուածեմք աստուած աստուած իմ :

11 Վրկեցեր զանձն իմ ՚ի մահուանէ . զաչս իմ յարտասուաց , և զոտս իմ ՚ի գայթազղութենէ . հաճոյ եղէց առաջի տեառն յերկրին կենդանեաց :

Տունք 11 :

## ԱՆՂՍՈՍ ԾԻՆ

Ի հապարած մի՛ ապականէր . ՚ի դաւելէ յարյանագիւր . ՚ի խամանի զէ փախոցեալ լախոցեալ էր նա յերեսաց սառուղայ յայրէ անդ :

1 Ողորմեա ինձ աստուած՝ ողորմեա ինձ , զի ՚ի քեզ յուսացաւ անձն իմ :

2 Ի հովանի թևոց քոց յուսացայց , մինչև անցցէ անօրէնութիւն :

3 Աղաղակեցի առ աստուած բարձրեալ , առ աստուած բարերար իմ :

4 Առաքեաց յերկնից , և կեցոյց զես . եդ ՚ի նախատինս , որ կոխէին զես :

5 Առաքեաց աստուած զողորմութիւն և զճըշ-

մարտութիւն իւր . և վրկեաց զանձն իմ ՚ի միջոյ գազանաց , զի ննջէի ես խոտկեալ :

6 Որդւոց մարդկան ատամունք իւրեանց զէն և նետք են , և լեզուք նոցա որպէս սուր սուսերի :

7 Բարձրեալ ես դու յերկինս աստուած , և յամենայն երկրի են փառք քո :

8 Որդայթ պատրաստեցին ոտից իմոց . խոնարհ արարին զանձն իմ . փորեցին առաջի իմ խորխորատ , և անկան ինքեանք ՚ի նոյն :

9 Պատրաստ է սիրտ իմ աստուած , պատրաստ է սիրտ իմ օրհնել և սաղմոս ասել .քեզ փառք իմովք :

10 Օջարթիք փառք իմ , զարթիք սաղմոսիւք և օրհնութեամբ . և ես զարթեայց առաւօտոց :

11 Խոստովան եղէց .քեզ ՚ի ժողովուրդս տէր . և սաղմոս ասացից .քեզ յազնս :

12 Ս՛եծ եղև մինչև յերկինս ողորմութիւն քո , մինչև յամպս ճշմարտութիւն քո :

13 Բարձրեալ ես դու յերկինս աստուած , և յամենայն երկրի են փառք քո :

Տունք 13 :

## ԱՆՂ ՄՄՈՍ ԾԻԷ

Ի խորաբաժ . թե՛ աստուածաբան . յարձանագրել . սաղմուս  
ի՛ գաւթի :

1 Թէ արդարեւ զարդարուածիւն խօսելիք , և  
ուղիղս դասելիք որդիք մարդկան :

2 Քանզի և արդ իսկ ՚ի սրտի ձերում զանօրէ-  
նուծիւն գործելիք յերկրի . անիրաւուծիւն ձերք  
ձեր նիւթնն :

3 Օտար եղին մեղաւորք ՚ի մօրէ . խաբեցան  
յարգանդէ , և խօսեցան սուտ :

4 Սրտմտուծիւն նոցա ըստ նմանուծեան օձի .  
որպէս իժի և քարբի , զի խցեալ է զականջս իւր :

5 Օհ մի՛ լուիցէ նա զձայն թովչի ճարտարի ,  
և մի՛ առցէ դեղ ՚ի դեղատուէ իմաստնոյ :

6 Աստուած փշրեսցէ զասամունս նոցա ՚ի բե-  
րանս իւրեանց . և զժանիս առիւծուց խորտակեաց  
տէր :

7 Անարդ եղիցին նոքա որպէս ջուր՝ զի հեղու-  
ի լարեղ աղեղան նորա տկարացին որպէս մոմ զի  
հալի , և սպառեսցին :

8 Անկաւ հուր՝ և ոչ տեսին զարե , մինչև ՚ի  
միտ առեալ էր զփուշս իւրեանց . որպէս դժնիկ  
բարկուծեամբ կենդանւոյն կիզցէ զնոսա :

9 Ուրախ եղիցի արդարն՝ յորժամ տեսցէ զհա-  
տուցումն . և զձեռս իւր լուացէ յարեան  
մեղաւորի :

10 Եւ ասացէ մարդ . Թէ արդարեւ գուցէ  
պտուղ արգարոյ , և է աստուած որ դատի զնոսա  
յերկրի :

Տունք 10 : Գորդայս 34 :

## ԱՆՂ ՄՄՈՍ ԾԻԷ

Ի խորաբաժ . թե՛ աստուածաբան . յարձանագրել . ՚ի  
ժամանակն զի աստուածաց աստուղ , և պաշտօնաց  
զբուն նորա , զի սպանցէ զնա . սաղմուս ՚ի  
գաւթի :

Վրկեա զիս ՚ի թշնամեաց իմոց աստուած ,  
յայնցանէ որ յարուցեալ են ՚ի վերայ իմ ապ-  
րեցո զիս :

2 Վրկեա զիս յայնցանէ , ոչք գործեն զանօրէ-  
նուծիւն . յարանց արիւնահեղաց ապրեցո զիս :

3 Որսալ զանձն իմ կամեցան , և հասին ՚ի վերայ  
իմ հզօրք :

4 Ոչ մեղք իմ և ոչ յանցանք . առանց մեղաց  
ընթացայ և ուղիղ եղէ :

5 Օարթիր ընդ առաջ իմ , և տես դու տէր  
գորուծեանց աստուած խրայելի :

6 Այայեաց և այց արա ամենայն հեթանոսաց .  
մի՛ ողորմիր ամենեցուն , զչք գործեն զանօրէնու-  
ծիւն :

7 Գարձցին ընդ երեկոյս . սովեսցին որպէս  
շունք , և շրջեսցին զբաղաբաւ :



8 Նորա զօղանջեսցեն բերանօք իւրեանց, և սուր է ՚ի շրթունս նոցա:

9 Իսկ արդ ո՞վ լուաւ զյաս. զի դու տէր ծիծաղեսցիս զնոքօք, և արհամարհեսցես զամենայն հեթանոսս:

10 Օգորովիւն իմ առ քեզ պահեցից, զի աստուած օղնական իմ է:

11 Աստուած իմ, ողորմութիւն նորա կանխեսցէ առ իս. և աստուած իմ ցոյց ինձ ՚ի թշնամիս հմ:

12 Ս՚ի սպանաներ զնոսա, զի մի՛ մոռացին զժողովուրդս քո:

13 Յրուեա զնոսա զօրութեամբ քով, և ընկճեա զնոսա, զի դու ես պաշտպան իմ տէր:

14 Ս՚եղք բերանոյ նոցա և բանք շրթանց նոցա, ընկցին նոքա յամբարտաւանութեան իւրեանց:

15 Հանէծս և ՚ի ստովութիւն մատնեսցին. ՚ի կատարածի բարկութեան սպառեսցին, և մի՛ գացին:

16 Վխտացեն՝ զի աստուած տիրէ յակովբայ և ամենայն ծագաց երկրի:

17 Վարձցին ընդ երեկոյս. սովեսցին որպէս շունք, և շղեսցին զքաղաքաւ:

18 Նորա սփռեսցին յուտել. ապա թէ ոչ յագեսցին, տրանջեսցեն:

19 Ես օրհնեցից զօրհնութիւնս տեառն, և ցնծացայց առաւօտուց յողորմութեան քում:

20 Օ՛ի եղեր իմ պաշտպան և տուն ապաւինի, յաւուր նեղութեան իմոյ օղնական իմ:

21 Վեզ սաղմոս ասացից՝ աստուած ապաւէն իմ. աստուած ողորմութեան իմոյ:

Տունք 21:

## ՍԱԳ ՄՈՍ ԾԻԹ

Ի կարարած. դատանցելոց ժամանակոց առ ուսմանէ. ՚ի ժամանակն զէ հրէից արար նա զմիջազէրս եւ զասորեստանն սոփոյայ, եւ ՚ի դարչնն հարկանէր յովսէփ դոբն աղբից յերկրասանն հաղարս: Յարչանազէր. ողորմս ՚ի դաւելի:

1 Աստուած մերժեցեր և աւերեցեր զմեզ. բարկացար, և գթացիս ՚ի մեզ:

2 Հարժեցեր զերկիր, և խոզկեցուցեր զսա. բժշկեա զհարուածս սորա, զի սասանեցաւ:

3 Յուցեր ժողովրդեան քում խստութիւն. և ետուր ըմպել մեզ դինի յիմարութեան:

4 Ետուր երկիւղածաց քոց նշան, զի ապրեսցին յերեսաց աղեղան:

5 Որպէս փրկեցան սիրելիք քո. կեցո աշով քո, և լուր մեզ:

6 Աստուած խօսեցաւ ՚ի սրբութեանէ իւրմէ.

բարձր եղէց, բաժանեցայց զսիւքէմ, և զՏու-  
վիտսն յարկաց չափեցից :

7 Իմ է գաղաշադ, և իմ է մանասէ . եփրեմ  
Տըրիւզ գլխոյ իմոյ :

8 Յուգայ թագաւոր իմ . մովաբ աւազան  
յուսոյ իմոյ :

9 Յերովմէ ուղղեցից զգնացս իմ . և ինձ այլազ-  
գիք հնազանդ եղին :

10 Ո՞ տարցէ զիս 'ի քաղաք ամուր, կամ ո՞  
առաջնորդեսցէ ինձ մինչև յերովմէ :

11 Եթէ ոչ դու աստուած, որ մերժեցեր զմեզ,  
և ոչ ելեր աստուած ընդ զօրս մեր :

12 Տուր մեզ օգնութիւն 'ի ներութեան, զի  
ընդունայն է փրկութիւն մարդոյ :

13 Եստուծով արասցուք զօրութիւն . և նա  
արհամարհեսցէ զայնոսիկ՝ որ նեղին զմեզ :

Տունք 13 :

### ՍԱԳՄՈՍ Կ

Ի կապարած ընդ օրհնութիւնս . սաղմոս ի դաւիթ :

1 Ի լուր աստուած աղօթից իմոց, նայեա տէր  
յաղօթս իմ :

2 Ի ծագաց երկրէ կարգացի առ քեզ, մինչ 'ի  
վաստակել սրտի իմոյ :

3 Ի վիմէ բարձր արարեր զիս . առաջնորդեսցեր

ինձ, և իմ եղեր յոյս, և աշտարակ հզօր եղեր  
ինձ յերեսաց թշնամւոյն :

4 Ենակեցայց 'ի յարկս քո յաւիտեան, և  
ծածկեցայց ընդ հովանեաւ թևոց քոց :

5 Դու աստուած լուար աղօթից իմոց . ետուր  
ժառանգութիւն, ոյք երկնչին յանուանէ քում-  
մէ :

6 Եւուրս յաւուրս յաւելեր թագաւորի ամաց  
նորա, աւուրս ազգաց մինչև յազգս նորա :

7 Կայ և մնայ յաւիտեան առաջի աստուծոյ ու  
ղորմութիւն և ճշմարտութիւն, ոյք ինդրեսցեն  
'ի նմանէ :

8 Եսպէս սաղմոս ասացից քեզ յաւիտեանս  
յաւիտենից, և տաց քեզ զաղօթս իմ՝ օր ըստ օրէ :

Տունք 8 : Գորղայս 42 :

### ՍԱԳՄՈՍ ԿԸ

Ի կապարած . 'ի վերայ երեւելոյն . սաղմոս 'ի  
դաւիթ :

1 Իայց միայն աստուծոյ հնազանդ լեր անձն  
իմ, զի 'ի նմանէ է ինձ փրկութիւն :

2 Ես է աստուած իմ և փրկիչ իմ . ապաւեն  
իմ, զի մի՛ սասանեցայց առաւել :

3 Սինչև յերբ յառնէք 'ի վերայ մարդոյ՝  
սպանանել ամենեքեան, օրպէս յորմոյ թիւրելոյ  
և 'ի ցանկոյ մերժելոյ :



4 Բայց միայն զպատիւ իմ խորհեցան մերժել յինէն, և ընթացան 'ի ծարաւս իւրեանց:

5 Բերանօք իւրեանց օրհնէին, և սրտիւք անիծանէին:

6 Բայց սակայն աստուծոյ հնազանդ լիցի անձն իմ, զև 'ի նմանէ է կնձ համբերութիւն:

7 Կա է աստուած իմ և փրկիչ իմ, ապաւէն իմ զև մի՛ սասանեցայց:

8 Հաստուծոյ է զօրութիւն իմ և փառք իմ. աստուած օգնութեան իմոյ, յոյս իմ է առ աստուած:

9 Հուսացարուք 'ի նա ամենայն ժողովք ժողովբւր. դոց. սփռեցէք առաջի նորա զսիրտս ձեր, զև աստուած օգնական է մեր յաւիտեանս ժամանակաց:

10 Սակայն ընդունայն են որդիք մարդկան. սուտ են որդիք մարդկան. 'ի կշիռս իւրեանց մեղանչեն, և ինքեանք յունայնութեան են 'ի միասին:

11 Ս'ի յուսայք յանիրաւութիւն, յափշտակութեան մի՛ ցանկայք. և մեծութիւն թէ առիւ գայցէ, մի՛ յօժարեցցին սիրտք ձեր:

12 Ս'ի անգամ խօսեցաւ աստուած, և երկուս գայս լուար:

13 Հաստուծոյ է զօրութիւն, և քո տէր ողորմութիւն. և զու հաստուցանես իւրաքանչիւր ըստ գործս նոցա:

## ՍՏԳ ՄՌՈՍ ԿԻ

Սաղմոս 'ի գաւթի. Քննարկու նսարէր նա յանապատի  
անդ հրէաստանի:

1 Ըստուած աստուած իմ, ես առ քեզ առաւօտ առնեմ. ծարաւեաց առ քեզ հոգի իմ. քանխպատիկ ևս և մարմին իմ:

2 Որպէս երկիր անապատ և անջուր, ուր ոչ գոյ 'ի նմա ճանապարհ:

3 Ըստպէս 'ի սուրբս երևեցայց քեզ, տեսանել ինձ զօրութիւն քո և զփառս քո:

4 Այն զև լաւ է ինձ ողորմութիւն քո քան զկեանս իմ, և շրթունք իմ գովեսցեն զքեզ:

5 Ըստպէս օրհնեցից քեզ 'ի կեանս իմ, և յանուն քո համբարձից զձեռս իմ:

6 Որպէս 'ի ճարպոյ պարարտութենէ լցցի անձն իմ, շրթամբք ցնծութեամբ օրհնեսցէ քեզ բերան իմ:

7 Օխ թէ յիշէի զքեզ յանկողնի իմում, ընդ առաւօտս կանխեալ խօսէի ընդ քեզ:

8 Օխ եղեր իմ օգնական, 'ի հովանի թևոց քոց ցնծացայց:

9 Եկն զկնի քո անձն իմ. և զև ընկալաւ աջ քո. և նոքա 'ի նանիր ինդրեցցին զանձն իմ:

10 Ս'տցեն 'ի ներքոյ անդնդոց երկրի. մասնեցին 'ի ձեռս սրոյ, և բաժինք աղուստեց եղիցին:

11 Թաղաւոր յուսացաւ 'ի տէր. գովեսցին

ամենեքեան՝ որ երդնուն նուաւ . խցցին բերանք  
այնոցիկ՝ ոյք խօսէին զանիրաւութիւն :

Տունք 11 :

## ՄԱՂՄՈՍ ԿԻ

Ի խորտրած . ստղոս ՚ի դաւիթ :

1 Լուր աստուած աղօթից իմոց յաղաչել  
ինձ առ քեզ . յերկիւղէ թշնամւոյն փրկեա  
զանձն իմ :

2 Ծածկեցես զիս ՚ի ժողովոց չարաց , ՚ի  
բազմութենէ՝ ոյք գործեն զանօրէնութիւն :

3 Ոյք սրեցին որպէս սուսեր զլեզուս իւրեանց .  
լարեցին զաղեղունս իւրեանց յիրս դառնու  
թեան :

4 Ձգել ՚ի գաղանիս այնոցիկ՝ ոյք ուղիւղ են  
րտիւք . յանկարծակի ձգեսցեն ՚ի նոսա , և մի՛  
երկիցեն :

5 Ոյք զօրացուցին յանձինս իւրեանց զբանս  
չարութեան . խորհեցան թագուցանել ինձ որո  
գայթ , և ասացին ոչ տեսանէ զայս տէր :

6 Վննեցին զանօրէնութիւն , պատրաստեցան  
՚ի քննել զքննութիւն :

7 Մատիցէ այր ՚ի խորութիւն սրտի իւրոյ ,  
և բարձր եղիցի աստուած :

8 Կետք տղայոց եղեն վէրք նոցա . տկարացան

՚ի նոսա լեզուք իւրեանց , և խռովեցին ամե  
նեքեան՝ ոյք հայէին ընդ նոսա :

9 Երկեաւ ամենայն մարդ . և պատմեցին ըզ  
գործս աստուծոյ , և զարարածս նորա ՚ի միտ  
առին :

10 Ուրախ եղիցի արդար ՚ի տէր , և յուսացի  
՚ի նա . նուաւ գովեցցին ամենեքեան , ոյք ուղիւղ  
են սրտիւք :

Տունք 10 : Գորդայս 34 :

## ՄԱՂՄՈՍ ԿԻ

Ի խորտրած . ստղոս ՚ի դաւիթ : (Որհնութիւն  
Էրեմիայի՝ Էղէիլէի և Ժողովագէտանն , յորժամ ՚ի  
պանդխտութենէն կամին Էրանել :

1 Վեզ վայելէ օրհնութիւն աստուած ՚ի  
սիրմն . և քեզ տացին աղօթք յերուսաղէմ :

2 Լուր աղօթից իմոց , զի առ քեզ ամենայն  
մարմին եկեսցէ :

3 Բանք անօրինաց զօրացան ՚ի վերայ մեր .  
զամբարշտութիւնս մեր դու քաւեսցես :

4 Երանի զոր ընտրեցեր և ընկալար , և բնակես  
ցեն ՚ի գաւիթս քո :

5 Եցուք մէք ՚ի բարութենէ տան քո . սուրբ  
է տաճար քո սբանչելի արդարութեամբ :

6 Լուր մեզ աստուած փրկիչ մեր , յոյս ամե  
նայն ծագաց երկրի , և որ ՚ի ծով հեռի :



7 Ո պատրաստէ զլերինս զօրութեամբ իւրով .  
և զգեցեալ է զօրութիւն :

8 Ո խռովեցուցանէ զմեծութիւն ծովու , և  
զձայն ալեաց նորա ցածուցանէ :

9 Խռովեցին Հեթանոսք , և երկիցեն բնա-  
կիչք երկրի 'ի նշանաց քոց :

10 Յեւ առաւօտու՝ ընդ երեկոյս զուարճա-  
ցին . հայեցար յերկիր՝ արբեցուցեր զնա , և  
բազում արարեր զմեծութիւն նորա :

11 Գետն աստուծոյ լի եղև ջուրբ . պատրաստ  
արարեր զկերակուր նորա , զի այսպէս է պատ-  
րաստութիւն :

12 Չակօս նորա արբեցուցեր , և բազում  
արարեր զարմօխ նորա :

13 Ի ցօղել նորա զուարթ եղիցի բոյս նորա .  
օրհնեսցի պսակ տարւոյ քաղցրութեան քոյ :

14 Գաշտք քո լցցին պարարտութեամբ . պա-  
րարտացին գեղեցկութիւնք անսպառի :

15 Իլուրբ ցնծութիւն զգեցցին , և զգեցցին  
խոյբ մաքեաց :

16 Հօվտք բազում արասցեն ցորեան , աղա-  
ղակեսցեն և օրհնեսցեն :

Տունք 16 :

## ԱՇԿՄՈՍ ԿԵ

Ի Խորաբաժ . սաղմս 'ի գաւիլ . յարութեան :

1 Աղաղակեցէք առ աստուած ամենայն եր-  
կիր . սաղմոս ասացէք անուան նորա , և տուք  
զփառս օրհնութեան նորա :

2 Ասացէք աստուծոյ , որպէս զի ահեղ են  
գործք քո . 'ի բազում զօրութեան քում ստեցին  
քեզ թշնամիք քո :

3 Ամենայն երկիր երկիր պագցեն քեզ . սաղմոս  
ասացեն քեզ , և սաղմոս ասացեն անուան  
քում :

4 Եկայք և տեսէք զգործս աստուծոյ . որպէս  
զի ահեղ են խորհրդովք քան զամենայն որդոց  
մարդկան :

5 Ո դարձոյց զծովն 'ի ցամաք . և ընդ գետս  
անցին յոտանաւորք :

6 Անդ ուրախ եղիցուք մեք 'ի նա , որ տիրէն  
զօրութեամբ իւրով յաւիտենից :

7 Աչք նորա 'ի Հեթանոսս հային . ոյք դառ-  
նացուցին զնա , մի՛ բարձրացցին յանձինս իւ-  
րեանց :

8 Օրհնեցէք Հեթանոսք զաստուած մեր . լսե-  
լի արարէք զձայն օրհնութեան նորա :

9 Այն որ ետ զանձն իմ 'ի կեանս , և ոչ ետ  
զողութիւն ոտից իմոց :

10 Փորձեցեր զմեզ աստուած և քննեցեր, որ-  
պէս և քննի արծաթ :

11 Իջուցեր զմեզ յորոգայթ, եզիր նեղու-  
թիւնն ՚ի թիկունս մեր. և անցուցեր զմարդիկ ՚ի  
վերայ գլխոց մերոց :

12 Ընցաք մեր ընդ հուր և ընդ ջուր, և հաներ  
զմեզ ՚ի հանգիստ :

13 Ստից ՚ի տուն քո պատարագօք. տաց քեզ  
զուխտ իմ, զոր խոստացան քեզ շրթունք իմ,  
զոր բերան իմ խօսեցաւ ՚ի նեղութեան :

14 Օղջակէզս ուղղալիցս մատուցից քեզ  
խոյօք և խնկօք, և քեզ մատուցից զուարակս և  
նոխազս :

15 Եկայք լուարուք ինձ՝ և պատմեցից ձեզ  
ամենեքեան՝ ոյք երկնչիք յաստուծոյ, զոր ինչ  
արար անձին իմոյ :

16 Ըննա բերանով իմով կարգացի. և բարձր  
արարից զնա լեղուաւ իմով :

17 Օմեզս թէ տեսնէի ՚ի սրաի իմում, միթէ  
լէքն ինձ տէր :

18 Այսն այսորիկ լուաւ աստուած, և նայե-  
ցաւ ՚ի ձայն ինդրուածաց իմոց :

19 ( )րհնեալ է աստուած՝ որ ոչ ՚ի բացեայ ա-  
րար զաղօթս իմ, և ոչ զողորմութիւն իւր յինէն :

Տունք 19 :

## ՄԱՂՄԱՍ ԿՕ.

Ի Կարարած. ընդ օրհնութեանս. սաղմս Էրեմոյ :

1 Աստուած ողորմեա մեզ և օրհնեա զմեզ,  
երևեցո զերեսս քո ՚ի մեզ, և ողորմեա մեզ :

2 Ղանաչել յերկրի զճանապարհս քո  
յաղինս ամենայն զփրկութիւնս քո :

3 Խոստովան եղիցին առ քեզ ժողովուրդք աստ-  
ուած, խոստովան եղիցին առ քեւ ժողովուրդք  
ամենայն :

4 Ուրախ եղիցին և ցնծասցին աղինք, զի դու  
դատիս զժողովուրդս յուղղութիւն. և աղագց  
երկրի դու առաջնորդես :

5 Խոստովան եղիցին առ քեզ ժողովուրդք  
աստուած. գոհացին զքէն ժողովուրդք ամե-  
նայն :

6 Երկիր ետ զպտուղ իւր, և օրհնեաց զմեզ  
աստուած աստուած մեր :

7 Աստուած մեր օրհնեսցէ զմեզ. և ՚ի նմանէ  
երկիցեն ամենայն ծագք երկրի :

Տունք 7 : Գորգայս 42 :

## ՄԱՂՄԱՍ ԿԵ.

Ի Կարարած. սաղմս Էրեմոյ :

1 Հարիցէ աստուած՝ և ցրուեսցին ամենայն  
թշնամիք նորա, փախիցեն ատելիք նորա յերե-  
սաց նորա :



2 Որպէս պակասէ ծուխ՝ պակասեցին . որպէս  
Հալի մոմ առաջի հրոյ , այնպէս կորիցեն մեղա-  
ւորք յերեսաց աստուծոյ :

3 Արդարք ուրախ եղիցին՝ և ցնծացեն առաջի  
նորա , և զուարճացին յուրախութեան իւրեանց :

4 Օրհնեցէք զաստուած և սաղմոս ասացէք  
անուան նորա . ճանապարհ արարէք այնմիկ՝ որ  
նստի ընդ արևմուտս , և տէր է անուն նորա :

5 Գնծացեն առաջի նորա , և խռովեցին  
յերեսաց նորա :

6 Որ հայրն է որբոց և դատաւոր այրեաց ,  
աստուած ՚ի տեղւոյ սրբութեան իւրում :

7 Աստուած բնակեցուցանէ զմիակրօնս ՚ի տան ,  
և հանէ զկապկալս քաջութեամբ իւրով . սոյն-  
պէս և զբառնացող՝ որ բնակեալ են ՚ի գերեղ-  
մանս :

8 Աստուած ընդ ելանել քեզ առաջի ժողովուր-  
դեան քո , ընդ անցնել քեզ ընդ անապատ՝  
երկիր շարժեցաւ :

9 Վանդի և երկինք ցողեցին յերեսաց աս-  
տուծոյ ՚ի սինէ առաջի աստուծոյ իսրայելի :

10 Անձրև կամաց պատրաստեցեր աստուած  
ժառանգութեան քում . թէպէտ հիւանդացաւ ,  
սակայն դու հաստատեցեր զնա , և դազանք քո  
բնակեցեն ՚ի նմա :

11 Պատրաստ արարեր քաղցրութեամբ քո աղ-

բատի աստուած . տէր տացէ զբան , ոյք աւել ,  
տարանն զօրութեամբ բազմաւ :

12 Խաղաւոր զօրութեանց սիրելոյ ; զգե-  
ղեցկութիւն տան քո բաժանեալ յաւարի .  
թէպէտ և ննջեսցիք ՚ի մէջ վիճակաց :

13 Թեք աղանւոյ արծաթապատ , և թիկ-  
նամէջք նորա ՚ի դոյն ոսկւոյ :

14 Ի գումարել երկնաւորին զթագաւորս ՚ի  
վերայ նորա , ձինասցին ՚ի սաղմոն :

15 Լեռն աստուծոյ լեռն պարարտ , լեռն  
մածեալ , և լեռն պարարտ . և զինչ կարծէք  
լերինք հպարտացեալք :

16 Լեռն , ընդ որ հաճեցաւ աստուած բնակել  
՚ի նմա , քանզի և տէր իսկ բնակեցէ ՚ի նմա իսպառ :

17 Կառք աստուծոյ բիրապատիկք , հազարք  
ուղղէք , և տէր ՚ի նոսա ՚ի սինէ սրբութենէ  
իւրմ :

18 Եւ ՚ի բարձունս և գերեաց զգերութիւն .  
առ աւար՝ բաշխեաց պարգևս և ետ որդւոց  
մարդկան . քանզի թերահաւատից ևս բնակեալ  
եղիցի ՚ի նմա :

19 Տէր աստուած օրհնեալ՝ օրհնեալ տէր  
զօրհանապաղ , առաջնորդեցէ մեզ աստուած  
փրկիչ մեր :

20 Աստուած մեր աստուած կենարար , և ՚ի  
տեառնէ են ելք մահու :

21 Բայց սակայն աստուած փշրեսցէ զգլուխ թշնամեաց մերոց . և զհերն կարձնովին , որ գնան յանորէնու թեան իւրեանց :

22 Եսաց տէր՝ ՚ի խորոց անդնդոց դարձուցից , և ՚ի միջոյ ժանեաց զայն ՚ի դուրս կորղեցից :

23 Որպէս թացցի ոտն քո յարեան , և լեզուք շանց քոց յարենէ թշնամեաց քոց :

24 Երևեցան գնացք քո աստուած . գնացք աստուծոյ թագաւորին մերոյ սրբոյ :

25 Կանխեցին իշխանք հանել զօրհնութիւն ՚ի մէջ կուսանաց և գովչաց :

26 Հեկեղեցիս օրհնեցէք զաստուած , և զտէր յաղբերացն իսրայելի :

27 Ընդ բենիամին ՚ի տղայութեան զարմանալի , իշխանք յուրայ առաջնորդք նորա՝ իշխանք զաբուղոնի , և իշխանք նեփթաղիմայ :

28 Զրամայեա աստուած զօրութեամբ քով . զօրացո զայս , զոր հաստատեցեր ՚ի մեզ :

29 Ի տաճարէ քումմէ յերուսաղեմէ քեզ մատուցեն թագաւորք զպատարագս :

30 Սաստեա ՚ի գաղան եղեգան , ՚ի ժողովս զուարակաց և ՚ի դասս երնջուց :

31 Խոտեսցին այնքրիկ՝ որք ընտրեալ են արծաթով . ցրուեա զհեթանոսս , և ոյք կամին ընդ պատերազմ :

32 Եկեսցեն հրեշտակք յեգիպտոսէ . հնդիկք սուսամադոյն ձեռնտու լիցին առ աստուած :

33 Թագաւորութիւնք երկրի օրհնեցէք զաստուած , և սաղմոս ասացէք տեառն :

34 Ղանապարհ արարէք այնմիկ , որ նստի յերկինս երկնից ընդ յարեւելս :

35 Եհա տացէ զձայն իւր ՚ի ձայն զօրութեան . և տուք զփառս տեառն :

36 Ի վերայ իսրայելի մեծփայելութիւն նորա . զօրութիւն նորա մինչև յամպս երկնից :

37 Աքանչելի է աստուած ՚ի վերայ սրբոց իւրոց , աստուած իսրայելի :

38 Ղա տացէ զօրութիւն հաստատութիւն ժողովրդեան իւրոյ . օրհնեալ է աստուած :

Տունք 38 :

## ՍԵՂՄՈՍ ԿԸ

Ի կարարած . շան զաստուած լուսնի . սողմոս ՚ի դաւելի :

1 Կեցո զիս աստուած , զի հասին ջուրք . յանձն իմ . ընկլայ ես ՚ի խորս անդնդոց , ուր ոչ գոյ ինձ հանգիստ :

2 Եկի ես ՚ի խորս ծովու , և շրջանք ընկղմեցիմ զիս :

3 Աստակեցի ես առ աղաղակել , և կերկերեցաւ կոկորդ իմ :

5 Բազում եղեն քան զհեր գլխոյ իմոյ , ոյք ատէին զիս ՚ի տարապարտոց :



6 Օգորացան յիս թշնամիք իմ և ատելիք իմ  
'ի նանիր . ինչ զոր ոչ յափշտակեալ էր ,  
տուժէի նոցա :

7 Աստուած դու ծանեար զանդգամութիւն իմ ,  
և յանցանք իմ 'ի քէն ոչ ծածկեցան :

8 Ս'ի ամաչեացեն վասն իմ , ոյք համբերեն  
քեզ տէր տէր զօրութեանց . մի' պատկառեսցեն  
վասն իմ , ոյք խնդրեն զքեզ աստուած իսրայելի :

9 Ա շան քո համբերի նախատանաց . և ծած-  
կեաց ամօթ զերեսս իմ :

10 ()տար եղէ ես յեղբարց իմոց . և հիւր  
որդւոց մօր իմոյ :

11 Ախախնձ տան քո եկեր զիս . նախատինք  
նախատչաց քոց անկան 'ի վերայ իմ :

12 Խոնարհեցուցի պահօք զանձն իմ , և եղեն  
ինձ այս նախատինք . արարի զհանդերձս իմ  
քուրձ , և եղէ յառակ նոցա :

13 Օ ինէն խորհէին , ոյք նստէին առ դրունս .  
զիս այսն առնէին , ոյք ըմպէին դինի :

14 Ես յալօթս կայի առ քեզ տէր 'ի ժամանակ  
ընդունելի :

15 Աստուած 'ի բազում ողորմութեան քում  
լուր ինձ , 'ի ճշմարտութիւն փրկութեան քո :

16 Ապրեցո զիս 'ի կառոյ , զի մի' ընկրայց .  
ապրեցայց ես յատեւեաց իմոց , և 'ի խորոց  
ջուրց ըստմաց :

17 Ս'ի ընկլցեն զիս պոռոյտք ջուրց , և մի'  
ընկլմեսցեն զիս անդունդք խորոց . ջրհոր մի'  
կափուցէ զբերան իւր 'ի վերայ իմ :

18 Ա ուր ինձ տէր , զի քաղցր է ողորմութիւն  
քո . ըստ բազում գթութեան քո հայեա յիս ,  
և մի' դարձուցաներ զերեսս քո 'ի ծառայէ  
քումնէ . զի նեղեալ եմ ես , վաղվաղակի լուր  
ինձ :

19 Հայեա յանձն իմ և փրկեա զիս , և վասն  
թշնամեաց իմոց ապրեցո զիս :

20 Օ ի դու գիտես զնախատինս իմ , զամօթ իմ  
և զպատկառանս իմ

21 Առաջի քո են ամենայն նեղիչք անձին իմոյ .  
նախատանաց համբեր սիրտ իմ և թշուառու-  
թեան :

22 Ա կն ունէի' թէ ո տրտմեսցի ընդ իս , և ոչ  
ոք էր . և մխիթարիչ ինձ ոք ոչ գտաւ :

23 Ետուն 'ի կերակուր ինձ ընդի , և 'ի ծարաւ  
իմ արբուցին ինձ քացախ :

24 Եղիցին սեղանք նոցա առաջի նոցա յորո-  
գայթ , 'ի հատուցումն և 'ի դայթագղութիւն :

25 Խաւարեսցին աչք նոցա , զի մի' տեսցեն .  
և զթիկունս նոցա հանապաղ կորացո :

26 Արկցես 'ի վերայ նոցա զբարկութիւն քո .  
սրտմտութիւն բարկութեան քոյ հասցէ 'ի վերայ  
նոցա :

27 Եղիցին բնակութիւնք նոցա աւերակ . և 'ի յարկս նոցա մի որ իցէ՝ որ բնակիցէ :

28 Օ՛հ զոր դուն հարեր՝ հալածեցին , և 'ի վէրս ցաւոց իմոց յաւելին :

29 'Կիր զմեզս 'ի վերայ մեղաց նոցա , զի մի՛ մացեն յարգարութիւն քո :

30 Տնչեսցին նոքա 'ի դպրութենէ քումմէ կենաց , և ընդ արդարս քո մի՛ գրեսցին :

31 Աղքատ և ցաւած եմ ես . փրկութիւն քո աստուած ընկալցի զիս :

32 Օրհնեցից զանուն աստուծոյ իմոյ օրհնութեամբ , և բարձր արարից զնա գովութեամբ :

33 Հաճոյ եղիցի աստուծոյ քան զորթ մատաղ որ բերէ եղջիւրս ե կճղակս :

34 Տեսցեն աղքատք և ուրախ եղիցին . ի ընդրեցէք զաստուած , և կեցցեն անձխբ ձեր :

35 Օ՛հ լուաւ տէր սնանկաց , և զկապեալս իւր ոչ արհամարհեաց :

36 Օրհնեսցեն զնա երկինք և երկիր , ծով և ամենայն որ զեռայ 'ի նոսա :

37 Աստուած փրկէ զսիովն , և շինեսցին բաղաքք հրէաստանի . շինեսցեն բնակեսցեն՝ և ժառանգեսցեն 'ի նմա :

38 Օ՛աւակ ծառայից քոց հաստատեսցի անդ . և ոչք սիրեն զանուն քո , բնակեսցեն 'ի նմա :

## ՍՆՂ ՄՈՍ ԿԹ

Ի Կաթարած . 'ի դաւելէ՛ առ 'ի յիշատակի փրկելոյ զնա Կէտառն . սաղմոս :

1 Աստուած յօգնել ինձ նայեսց , և տէր յընկերել ինձ փութա :

2 Ամաչեսցեն և յամօթ լիցին , որ խնդրէին զանձն իմ . դարձցին յեսոս և ամաչեսցեն , ոչք խորհէին ինձ չար :

3 'Կարճցին առ ժամայն ամաչեսցեալ , որ ասէին ինձ վաշ վաշ :

4 Հնծասցեն և ուրախ լիցին 'ի .բեզ ամենեքեան , որ խնդրեն զբեզ տէր :

5 Ասացեն յամենայն ժամ՝ մեծ է աստուած , և ոչք սիրեն զփրկութիւնս քո :

6 Ես աղքատ և սնանկ եմ , աստուած օգնեա ինձ . օգնական և փրկիչ իմ ես և տէր իմ՝ մի՛ յամենար :

Տունք 6 : Գորդայս 44 :

## ՍՆՂ ՄՈՍ Հ

Ի Կաթարած . որդոցն յիմարածայ . յէր սառմոսայ գէրութեան . սաղմոս 'ի դաւելէ՛ :

1 Ի .բեզ տէր՝ յուսացայ , մի՛ ամաչեցից յաւիտեան . յարգարութեան քում՝ փրկեա զիս և ապրեցի զիս :

2 Խոնարհեցի առ իս զունկն .քո , և կեցի զիս :



3 Լեր իմ աստուած ապաւէն, և տեղի ամուր կեցուցանել զիս. զի հաստատութիւն իմ և ապաւէն իմ դու ես:

4 Ըստուած իմ, փրկեա զիս 'ի ձեռաց մեղաւորի, 'ի ձեռաց անօրինի և անիրաւի:

5 Գու ես համբերութիւն իմ տէր, տէր յոյս իմ 'ի մանկութենէ իմմէ:

6 Ի քեզ հաստատեցայ ես յարգանդէ. յորովայնէ մօր իմոյ դու ես ապաւէն իմ, և առ 'ի քէն է օգնութիւն իմ յամենայն ժամ:

7 Որպէս զի նշաւակ եղէ ես բազմաց. և դու օգնական իմ և հզօրիչ իմ:

8 Ելցի բերան իմ գովութեամբ, որպէս օրհնեցից զիսառս քո, զօրհանապաղ զմեծփայտելութիւնս քո:

9 Մի ընկենուր զիս տէր 'ի ժամանակս ծերութեան. 'ի պակասել զօրութեան իմոյ մի' թողուր զիս:

10 Եսացին թշնամիք իմ ինձ. և որ պաշարեցին զանձն իմ, խորհեցան 'ի միտսն և ասացին:

11 Ըստուած եթող զնա, հալածեսցուք և հասցուք նմա. զի ոչ որ է որ փրկէ զնա:

12 Ըստուած իմ, մի հեռի առնիր յինէն. և աստուած յօգնել ինձ նայեաց:

13 Եմաչեսցին և պակասեցին՝ ոչք չարախօս

կային զանձնէ իմմէ. զեցեցին զամօթ և զպատկառանս՝ ոչք խնդրէին ինձ չար:

14 Ես յամենայն ժամ յուսացայց, և յաւելից յօրհնութիւնս քո:

15 Իերան իմ պատմեցէ զարդարութիւնս քո, զօրհանապաղ զգովութիւնս քո:

16 Որպէս ոչ թէ խարդախութիւն ինչ գիտէի ես դպրութեան. այլ մտից 'ի զօրութիւնս տեառն. և տէր յիշեցի զարդարութիւնս քո միայն:

17 Ըստուած իմ, ուսուցեր զիս 'ի մանկութենէ իմմէ. և ցարդ ևս պատմեցից զարդարութիւնս քո:

8 Մինչև յաւերել և 'ի ծերանալ, աստուած իմ մի' թողուր զիս:

19 Մինչև պատմեցի բազուկ քո ազգի ամենայնի որ դարձցն է:

20 Օգորութիւնս քո և զարդարութիւնս մինչ 'ի բարձունս զոր արարեր մեծամեծս, աստուած ո՞ր նմանէ քեզ:

21 Որչափ ցուցեր ինձ ներութիւն բազում և չարչարանս: դարձար և մխիթարեցեր զիս, և 'ի խորոց անդնդոց երկրէ հաներ զիս:

22 Հաճախեցեր 'ի զօրութիւնս քո. դարձար մխիթարեցեր զիս, և 'ի խորոց երկրէ միւսանդամ հաներ զիս:

23 Արդ և ես խոստովան եղէց քեզ 'ի պատ-  
րաստութիւն սաղմոսաց ճշմարտոյ աստուած .  
սաղմոս ասացից քեզ օրհնութեամբ սուրբ-  
խորայելի :

24 Հնծասցեն շրթունք իմ յորժամ սաղմոս  
ասիցեմ քեզ . և անձն իմ զօր և փրկեցեր :

25 Եւս և լեզու իմ զօրհանապաղ խօսեսցի  
զարդարութիւնս քո :

26 Ի ժամանակի որպէս յամձ լիցին և ամա-  
չեսցեն , ոյք խնդրէին ինձ չար :

Տունք 26 :

## ՍԵՂՍՈՍ ՀԸ

Ի սողունն սողնոս :

1 Աստուած զիրաւունս քո արքայի տուր , և  
զարդարութիւնս քո որդւոյ թագաւորի :

3 Պատեղ զժողովուրդս քո արդարութեամբ ,  
և զաղքատս քո իրաւամբք :

3 Առցեն լերինք զսաղաղութիւն ժողովրդեան ,  
և բլուրք զարդարութիւն :

4 Իրաւ արասցէ աղքատաց ժողովրդեան և  
կեցուցէ զօրդիս տնանկաց , և խոնարհեցուցէ  
զամբարտաւանս :

5 Կացցէ և մնացէ ընդ արևու յառաջ քան  
զուսին ազգէ մինչև յագգ :

6 Խղցէ որպէս զանձրև 'ի վերայ գեղման ,  
որպէս ցօղ զև ցօղէ յերկիր :

7 Պագեցէ յաւուրս նորա արդարութիւն ,  
բազում խաղաղութիւն՝ մինչև կատարեսցի  
լուսին :

8 Տիրեսցէ նա 'ի ծովէ մինչև 'ի ծով , 'ի գետոց  
մինչև 'ի ծագս աշխարհի :

9 Առաջի նորա նախ հնդիկք անկցին , և թըւ-  
նամիք նորա հող կերիցեն :

10 Բարաւորք թարսի և կղզեաց պատարագս  
մատուցեն նմա . թագաւորք արարայ և սարայ  
պատարագս բերցեն նմա :

11 Երկիր պագցեն նմա ամենայն թագաւորք  
երկրի , և ամենայն ազգք ծառայեսցեն նմա :

12 Օլի փրկեաց զաղքատն 'ի հզօրէ . զաղ-  
քատն և զտնանկն , որոյ ոչ է իւր օգնական :

13 Անխայեսցէ նա յաղքատն և 'ի տնանկն և  
զանձինս տնանկաց կեցուցէ . 'ի վաշխից շարեաց  
փրկեսցէ զանձինս նոցա :

14 Պատուական է անուն նորա առաջի նոցա .  
կեցցէ , և տացի նմա յոսկւոյն արաբացուց :

15 Յաղթիս կացցեն առ նա յամենայն ժամ .  
և զօրհանապաղ օրհնեսցեն զնա :

16 Եղևցի հաստատութիւն ընդ ամենայն երկիր .  
և 'ի վերայ զլեռաց լերանց :

17 Բարձրացցի քան զլիբանան պտուղ նորա .



ծաղկեացի 'ի քաղաքի տեառն որպէս խոտ երկրի :

18 Եղևցի անուն տեառն օրհնեալ յաւիտեան . զի յառաջ քան զարև է անուն նորա :

19 Ի նա օրհնեացին ամենայն ազգք երկրի , և ամենայն աղինք երանիցն նմա :

20 Օրհնեալ տէր աստուած իսրայելի որ առնէ սքանչելի միայն . և օրհնեալ է անուն սուրբ փառաց նորա յաւիտեան . լցցի փառօք նորա ամենայն երկիր . եղևցի եղևցի :

Տունք 20 : Գորդայս 46 :

## ԱՆՂՄՈՍ ՀԻ

Սաղմոս յոսատի . օրհնութեան :

1 Իբրև զի բարի է իսրայելի աստուած և ոչք ուղիղ են սրտիւք :

2 Իայց զի իմ փոքր մի ևս սասանեալ էին ոտք . սակաւիկ մի և դայթագղեալ էին գնացք իմ :

3 Երանանձնեցայ ևս ընդ անօրէնս . զխաղաղութիւն մեղաւորաց որպէս տեսանէի , զի ոչ գոյր վրէպ մահու նոցա :

4 Հաստատուն էին տանջանք նոցա . 'ի վաստակս մարդկան չեն նոքա , և ըստ մարդկան ոչ տանջեցին :

5 Այսպէս յայտրիկ կալաւ զնոսա ամբարտաւա-

նութիւն . արկան զիւրեամբը զամբարշտութիւն և զանիրաւութիւն իւրեանց :

6 Ելցէ որպէս 'ի ճարպոյ անիրաւութիւնք նոցա . զի գնացին նոքա ըստ խորհրդոց սրտից իւրեանց :

7 Խորհեցան և խօսեցան չարութեամբ . զսպիրատութիւն 'ի բարձունս խորհեցան :

8 Եղին յերկինս զբերանս իւրեանց , և զլեզուս իւրեանց ածէին զերկրաւ :

9 Այսպէս յայտրիկ ժողովուրդ իմ դարձցի այրէն . և աւուրք իմ լին կատարեալ գտցին 'ի նոսա :

10 Եսացին՝ զխնրդ գիտաց աստուած . կամ գուցէ՞ արդեօք գիտութիւն առ 'ի բարձրելոյն :

11 Ե՛հա մեղաւորք են և յաջողեալ է նոցա . կան և ունին զմեծութիւն աշխարհի :

12 Եսացի՝ 'ի զուր ուրեմն արդարացուցի զսիրտ իմ . լուցայց սրբութեամբ զձեռս իմ . և եղէ ես խոշտանկեալ զօրհանանապալ . և կշտամբանք իմ ընդ առաւօտս :

13 Թէպէտ և ասէի՝ թէ այսպէս պատմեցից . ահաւասիկ յազգ որդւոց քոց՝ որոց և ուխտեցի :

14 Ի մտի եղի , թէ սակայն և այս ջան է առաջի իմ , մինչև մտից 'ի սրբութիւն աստուծոյ և 'ի միտ առից զկատարած նոցա :

15 Այսպէս վասն նենգութեան նոցա տարագիր

արասցես զնոսա, և կործանեսցես զնոսա յամբարտաւանութեան իւրեանց :

16 Իսկ զինորդ եղեն յաւեր յանկարծակի . սատակեցան պակասեցան կորեան վասն անօրէնութեան իւրեանց , և եղեն որպէս երազք զարթուցելոց :

17 Տէր 'ի քաղաքի քում զպատկերս նոցա անարգեսցես . զի հուր բորբոքեցաւ 'ի սրտի իմում, և երիկամունք իմ այլագունեցան :

18 Ես արհամարհեալ եղէ , և ոչ գիտացի . որպէս զանատուն համարեցայ առաջի քո , և ես յամենայն ժամ ընդ քեզ եմ :

19 Կալար զաջոյ ձեռանէ իմէ , 'ի խորհուրդս քո առաջնորդեցեր ինձ , և փառօք ընկալար զիս :

20 Օ՛խ նչ կայ իմ բնաւ յերկինս , կամ 'ի քէն զի՞նչ ևս խնդրեցից յերկրի :

21 Առուաղեսց սիրտ իմ և մարմին իմ . աստուած սրտի իմոյ , բաժին իմ աստուած յաւիտեան :

22 Ահաւասիկ ոյք հեռի արարին զանձինս իւրեանց 'ի քէն , կորիցեն . սատակեսցես զամենեսեան՝ որ ապստամբ եղեն 'ի քէն :

23 Ինձ մերձենալ առ աստուած բարի է , և զնեւ առ տէր զյոյս իմ :

24 Պատմել զամենայն օրհնութիւնս քո 'ի դրունս զստեր սիրովի :

## ՍԵՂՄՈՍ ՀԳ.

Խաարութիւն յառաջի :

1 Ընդէր մերժեցեր աստուած իսպա . բարկացաւ սրտմտութիւն քո 'ի վերայ խաչին արօտի քո :

2 Յիշեա զժողովուրդ քո , զոր ստացար 'ի սկզբանէ . փրկեցեր զվիճակ ժառանգութեան քո :

3 Իհառն սկոյն այս՝ ուր բնակեցեր դու 'ի սմա . համբարձ զձեռն քո 'ի վերայ ամբարտաւանութեան նոցա իսպառ :

4 Որ ինչ անիրաւեսցաւ թշնամին 'ի սրբութեան քում . պարծեցան ատելիք քո 'ի մէջ բարեկենդանութեան իւրեանց :

5 Եղին զնշանս իւրեանց 'ի նշանս , և ինքեանք ոչ ծանեան զելս 'ի վերուստ :

6 Որպէս յանտառի փայտատօք կոտորեցին զըրունս նորա , 'ի միասին փայտատօք և մրճովք կործանեցին զնա :

7 Այրեցին 'ի հուր զսրբութիւն քո յերկրի . պղծեցին զսօրան անուան քո :

8 Ասացին 'ի սիրտս իւրեանց ազք նոցա 'ի միասին , եկայք լռեցուցուք զամենայն տօնս աստուծոյ յերկրէ :

9 Աշանս մեք ինչ ոչ տեսար , և ոչ ևս գուցէ մարդարէ . և զմեզ ինչ որ ոչ ճանաչիցէ :



10 Մինչև յերբ աստուած՝ նախատէ թշնամին , բարկացուցանէ հակառակորդն զանուն սուրբ քո :

11 Ընդէր դարձուցանես զձեռն քո , և զաջ քո ՚ի միջոյ ծոցոյ քումմէ իսպառ :

12 Աստուած թագաւոր մեր յառաջ քան զյաւիտեանս , որ արարեր զփրկութիւն ՚ի մէջ երկրի :

13 Գուհաստատեցեր զօրու թեամբ քով զծով : դու խորտակեցեր զգլուխ վիշապաց ՚ի վերայ ջուրց :

14 Գուհիշեցեր զգլուխ վիշապին , և ետուր զնա կերակուր զօրացն հնդկաց :

15 Գուհ բղխեցուցեր զաղբիւրս և զվտակս : դու ցամաքեցուցեր զգետս սաստիկս :

16 ԿՐժ է տիւ և քո է գիշեր . զլոյս և զարև դու հաստատեցեր . և դու հաստատեցեր զամենայն սահման երկրի . զգարուն և զամառն դու ստեղծեր :

17 Այս յուշ լիցի բեղձ զի թշնամին նախատեաց զտէրդ . ժողովուրդ անզգամ բարկացոյց զանուն սուրբ քո :

18 Մի մատներ գազանաց զանձն՝ որ խոստովան առնի առ բեղ . և զանձինս տնանկաց քոց մի մոռանար իսպառ :

19 Հայեա յուխտ քո , զի լցան տունք ամիշելոց յերկրի անիրաւութեամբ :

20 Մի դարձցի տնանկն ամաչեցեալ . այլ աղբատն և տնանկ օրհնեցցեն զանուն սուրբ քո :

21 Արի աստուած և դատեա զառտաստանս քո . յիշեա զնախատինս՝ որ յանզգամէն զօրհանապաղ :

22 Մի մոռանար զձայն պաշտօնէից քոց . ամբարտաւանութիւն ատելեաց քոց վերացի հանապաղ :

Տունք 22 : Գորդայս 46 :

## ՍԵՂՄՈՍ ՀԳ

Ի խորաբաժ . մի՛ սպախանէր . ընդ օրհնո-լիւնս :  
Սաղմոս յաստի . երգ առ ասորեսորանէայս :

1 Խոստովան եղիցուք առ քեզ աստուած , խոստովան եղիցուք և կարդացուք զանուն սուրբ քո :

2 Պատմեցից զամենայն սքանչելիս քո . յորժամ ժամ առից , ես ուղիղ դատեցայց :

3 Մաշեցաւ երկիր և ամենայն բնակիչք նորա . ես հաստատեցի զսիւնս նորա :

4 Ասացի անօրինաց , թէ մի՛ անօրինիք . և մեղաւորաց , թէ մի՛ բարձրացուցանէք զեղջիւրս ձեր :

5 Մի՛ համբառնայք ՚ի բարձունս զեղջիւրս ձեր , և մի՛ խօսիք զաստուծոյ անիրաւութիւնս :

6 Օրի ոչ յարևելից և ոչ յարևմտից և ոչ

յանապատէ լերանց . այլ աստուած դատաւոր է :

7 Օջայս խոնարհ առնէ , և զտոյն բարձրացուցանէ . բաժակ ՚ի ձեռին տեառն գինի լի անապակ արկեալ . և խոնարհեցոյց յայսմանէ յայս :

8 Սակայն միւր Նորա ոչ սպառեցի . և արբցեն զնա ամենայն մեղաւորք երկրի :

9 Ես ցնծացայց յաւիտեան . սաղմոս ասացից աստուծոյ յակովբայ :

10 Օճամենայն եղչիւրս մեղաւորաց փշրեցես , և բարձր եղիցի եղչիւր արդարոյ :

Տունք 10 :

## ՍԵՂՄՈՍ ՀԵ

Ի Խորաբաժ . ընդ օրհնութիւնս . Ֆի սողախանէր :

Սողմոս յաստի . երգ աստուծոս սողախանէր :

1 Յայտնի է ՚ի հրէաստանի աստուած , և յիսրայէլ մեծ է անուն Նորա :

2 Եղև խաղաղութեամբ տեղի Նորա . և բնակութիւն Նորա սիոնի :

3 Անդ խորտակեաց տէր զգորութիւն աղեղան , զգէն զտուր և զճակատամարտ :

4 Ի ուսատու ես դու սքանչելապէս լերանցն յաւիտենից . խոռվեսցին ամենեքեան որ անսիտ են սրտիւք . ննջեցին զքունս իւրեանց , և ինչ ոչ գտին :

5 Ամենայն արք ՚ի մեծութեան ձեռաց իւրեանց . ՚ի սաստէ քումմէ աստուած յակոբայ ննջեցին , և ոյք հեծեալ էին ՚ի ձիս :

6 Գու ահաւոր ես , և ոյլ կարէ կալ առաջիք . որպէս երևեցար դու յերկնից , յայտնի եղև բարկութիւնքո :

7 Երկիր երկեաւ և սարսեաց ընդ յառնելն . աստուծոյ ՚ի դատաստան , ընդ ապրեցուցանել զամենայն հեզս երկրի :

8 Խորհուրդք մարդկան խոստովան առնին առքեղ . և ծածկեալք իմաստութեամբ օրհնեսցեն զքեզ :

9 Ուխտս զիք , և կատարեցէք տեառն աստուծոյ մերոյ ամենեքեան որ շուրջ էք զնովա :

10 Մատուցէք պատարագս ահաւորին . ոքաղէ զհոգիս իշխանաց , ահաւոր է նա քան զամենայն թագաւորս երկրի :

Տունք 10

## ՍԵՂՄՈՍ ՀՕ

Ի Խորաբաժ . ձառն իրիւնովայ . սողմոս յաստի :

1 Չայնիւ իմով ես առ տէր կարգացի . ձայնիւ իմով առ աստուած , և նայեցաւ առ իս :

2 Յաւուր նեղութեան իմոյ զաստուած իւրնդրեցի ձեռօք իմովք . ՚ի զիշերի առաջի Նորա ոչ խաբեցայ :



3 Ոչ կամեր մտիթարել անձն իմ. յիշեցի զաստու  
ուած՝ և ուրախ եղէ. հորայի. և նուազէր յիս  
հոգի իմ:

4 Եւամանեցին պահուց աչք իմ. խռովեցայ և  
ոչ խօսեցայ. խորհեցայ զաւուրսն զառաջինս, և  
զամս յաւիտենից յիշեցի:

5 Խօսեցայ ՚ի գիշերի ընդ սրտի իմոմ. հո  
գայի և տառապէր յիս հոգի իմ:

6 Սիթէ յաւիտենից մերժեսցէ՞ զիս տէր. և  
նչ ևս յաւելուցու ՚ի հաճիլ և ևս:

7 Կամ իսպառ արդեցէ՞ զողորմութիւն իւր  
յինէն. կամ կատարեանց զբան իւր ազգէ մինչև  
յազգ:

8 Կամ մոռացի՞ր զթալ աստուած իմ և ևս.  
կամ արդեցէ՞ զգթութիւն իւր բարկութեամբ  
իւրով:

9 Եւացի՞ր թէ այժմ սկսայ. այս է նորոգումն  
աջոյ բարձրելոյն:

10 Յիշեցի զգործս տեսնն ՚ի սկզբանէ. յիշե  
ցի զքանչեքս նորա.

11 Խորհեցայ յամենայն գործս.քո, և ՚ի ձեռա  
գործս.քո խորհեցայ:

12 Եւստուած, ՚ի սրբութեան են ճանապարհք  
քո. ուր է աստուած մեծ՝ որպէս զաստուած մեր.  
դու ևս աստուած, որ առնես զքանչեքս:

13 Հուցեր ժողովրդեան քում զգորութիւն

քո. փրկեցեր բազկաւ քով զժողովուրդս քո,  
զորդին յակորայ և յովսելու:

14 Տեսին զքեզ ջուրք աստուած, տեսին զքեզ  
ջուրք՝ և երկեան. և խորք խռովեցան ՚ի ձայնէ  
ջուրք բազմաց:

15 Չայն ետուն ամպք. բանզի և նետք քո  
գնան ՚ի ձայնէ որոտալոյ.քո անուի:

16 Երեւցան փայլատակունք քո տիեզերաց.  
խռովեցաւ և գողաց երկիր:

17 Ի ծովու են ճանապարհք.քո, շաւիղք քո  
՚ի ջուրս բազումս. և հետք քո ոչ երևին:

18 Եւաջնորդեցեր որպէս խաշին ժողովրդեան  
քո ՚ի ձեռն մովսեսի և ահարոնի:

Տունք 18: Գորգայս 38:

## ՍՏՂՄՈՍ ՀԷ

Ի կարարած. ինասպուլէնն յաստի:

1 Նայեցարուք ժողովուրդք յորէնս իմ.  
խոնարհեցուցէք զունկն ձեր ՚ի բանս բերանոյ  
իմոյ:

2 Բացից առական զբերան իմ, խօսեցայց  
զառակս ՚ի սկզբանէ:

3 Որպէս լուաք՝ և ծանեաք զայս, և հարբն  
մեր պատմեցին մեզ:

4 Ոչինչ ծածկեցաւ յորդուցնոցս յազգ յայլ,

պատմել զորհնութիւնս տեառն , զգօրութիւն և զքբանչելիս իւր զոր արար :

5 Հաստատեաց զվկայութիւն իւր առ յակովբ , և օրէնս եդ 'ի վերայ իսրայելի :

6 Որ ինչ միանգամ պատուիրեաց հարցն մերոց , ցուցանել զայս որդւոց իւրեանց . զի ծանիցեն յազգ յայլ :

7 Որդիք որ ծնանին , յարիցեն և պատմեսցին զայս որդւոց իւրեանց . զի դիցեն առ աստուած զյոյս իւրեանց , և մի մոռացին զգործս աստուծոյ :

8 Օպատուիրանս նորա խնդրելով խնդրեսցեն . և մի եղիցին որպէս և հարք իւրեանց :

9 Ազգ չար և դառնացող . ազգ որ ոչ ուղղեաց զսիրտ իւր , և ոչ հաստատեաց առ աստուած զհօգի իւր :

10 Որդիք եփրեմի լիաձիգք և պնդաձիգք , յառուր պատերազմի կապարճս դարձուցին :

11 Ոչ կացին նորա յուխտի տեառն . ըստ իրականց նորա ոչ կամեցան գնալ :

12 Սոռացան վերախտիս նորա և զքբանչելիսն՝ զոր եցոյց նոցա :

13 Առաջի հարց նոցա զոր արար զքբանչելիս իւր յերկրին եգիպտացւոց և 'ի դաշտին տայանու :

14 Հերձ զծովն՝ և անցոյց գնոսս . կացոյց զըուրսն որպէս 'ի տիկս :

15 Առաջնորդեաց նոցա ամսով 'ի տուէ , և զամենայն գիշեր 'ի լոյս հրոյ :

16 Հերձ զվէմն յանապատի , և ետ ըմպել նոցա որպէս 'ի խորոյ մեծէ :

17 Հան զըուրսն 'ի վիմէն , և հոսեաց որպէս զգետս զըուրսն :

18 Սակայն յաւելին 'ի մեղանչել . և ևս բարկացուցին զբարձրեալն յանջրդի :

19 Փորձեցին զաստուած 'ի սիրտս իւրեանց , 'ի խնդրել զկերակուր անձանց իւրեանց :

20 Տրանջեցին զաստուծոյ և ասացին . միթէ կարող իցէ աստուած պատրաստել սեղան յանապատի :

21 Վանդի հարկանէր զվէմն և հոսէին ջուրք , և վտակք խողային 'ի նմանէ :

22 Աղէ հաց ևս կարացէ տալ նա մեզ . կամ պատրաստեսցէ սեղան ժողովրդեան իւրոյ :

23 Ասան այտրիկ լուաւ զայս տէր , և յապաղեաց . հուր բորբոքեցաւ 'ի յակովբ , և բարկութիւն ել 'ի վերայ իսրայելի :

24 Օխ ոչ հաւատացին յաստուած , և ոչ յուսացան 'ի փրկութիւն նորա :

25 Հրաման ետ ամպոց 'ի վերուստ , և զգրուեստ երկինք երաց , և տեղեաց 'ի նոսս մանանայ 'ի կերակուր :

26 Օհաց երկնից ետ նոցա , զհաց հրեշտա-



կաց կերան մարդիկ . և իջոյց ՚ի նոսա կերաւ  
կուր ՚ի լիութիւն :

27 Հան զՏողմ հարաւոյ , և ամ զօրութեամբ  
իւրով զՏիւսիսիւ :

28 Տեղեաց ՚ի նոսա միս որպէս զՏող . որպէս  
զաւազ ծովու զթուչունս թեւաւորս :

29 Լրկ ՚ի մէջ բանակի նոցա , և շուրջ զվրանօք  
նոցա :

30 Կերան և յագեցան յոյժ . զցանկութիւն  
նոցա ետ նոցա . և ոչինչ կարօտ եղին ՚ի ցանկու-  
թենէ իւրեանց :

31 Սինչգեռ կերակուրք ՚ի բերանս իւրեանց  
էին , բարկութիւն յաստուծոյ ել ՚ի վերայ  
նոցա :

32 Սպան զբազումս ՚ի նոցանէ , և զընտիր  
ընտիրս յիսրայելէ սատակեաց :

33 Յայամ ամենայնի մեղան և ևս . ոչ հաւա-  
տացին սքանչելեաց նորա :

4 Պակասեցան յունայնութեան աւուրք նոցա ,  
և ամբ նոցա փութապէս անցին :

35 Յորժամ սպանանէր զնոսա , խնդրէին զնա .  
դառնային և առաւօտ առնէին առ աստուած :

36 Յիշեցին՝ զի աստուած օգնական էր նոցա .  
աստուած բարձրեալ փրկիչ էր նոցա :

37 Սիրեցին զնա բերանօք իւրեանց , և լեզուօք  
իւրեանց ստեցին նմա , և սիրտք նոցա ոչ էին

ուղիղ ընդ նմա , և ոչ հաւատացին ուստի  
նորա :

38 Լ՝յլ նա ինքն գթած էր . քաւէր զմեղս  
նոցա , և ոչ ապականէր :

39 Յաճախէր դարձուցանել զբարկութիւն իւր .  
և ոչ բորբոքեաց զամենայն սրտամտութիւն իւր :

40 Յիշեաց՝ թէ մարմին են նոքա . հոգի որ  
ելանէ , այլ ոչ ևս դառնայ :

41 Վանկցս անգամ դառնացուցին զնա յանա-  
պատի . բարկացուցին զբարձրեալն յանջրդի :

42 Պարձան և փորձեցին զաստուած , և ըզ-  
սուրբն իսրայելի զայրացուցին :

43 Ոչ յիշեցին զձեռն նորա յաւուր յորում  
փրկեաց զնոսա ՚ի ձեռաց նեղչաց նոցա :

44 Որպէս արար զնշանս և զարուեստս իւր  
յերկրին եգիպտացուց և ՚ի դաշտին տայանու :

45 Պարձոյց յարիւն զգետս նոցա . և զանձրևս  
նոցա , զի մի արբցեն :

46 Լ՝ռաքեաց ՚ի նոսա շանաճանձ և եկեր  
զնոսա . և դորտիւ ապականեաց զնոսա :

47 Ետ ժանկոյ զպտուղ նոցա , և զվաստակս  
նոցա մարախոյ :

48 Հար կարկտիւ զայգիս նոցա , և զթզնիս  
նոցա եղեմամբ :

49 Ս՝ատնեաց ՚ի կարկուտ զանասունս նոցա .  
և զստացուածս նոցա հրով դատեցաւ :

50 Առաքեաց ՚ի նոսա զսրտմտութիւն բարկութեան իւրոյ, զսրտմտութիւն բարկութիւն և զնեղութիւն :

51 Առաքեաց ՚ի նոսա տանջանս ՚ի ձեռն հրեշտակի չարի . զիմեցոյց ՚ի նոսա զսրտմտութիւն բարկութեան իւրոյ :

52 Ոչ անխայեաց ՚ի մահուանէ զանձինս նոցա . և զանասունս նոցա ՚ի մահ մատնեաց :

53 Եհար զամենայն անդրանիկս եգիպտացոց , զսկիզբն ամենայն վաստակոց նոցա ՚ի յարկս քամայ :

54 Հորդան ետ որպէս խաշին ժողովրդեան իւրոյ . և եհան զնոսա որպէս հօտ յանապատ :

55 Առաջնորդեաց նոցա յուսով, և ոչ երկեան . և զթշնամիս նոցա ծով ծածկեաց :

56 Եհան զնոսա ՚ի լեառն սրբութեան իւրոյ, լեառն այն՝ զոր ստացեալ էր արջ նորա :

57 Սերժեաց յերեսաց նոցա զհեթանոսս . վիճակեցոյց ՚ի նոսա զվիճակ ժառանգութեան իւրոյ, և բնակեցոյց ՚ի յարկս նոցա զազն իսրայելի :

58 Փորձեցին դառնացուցին զաստուած բարձրեան, և զվկայութիւն նորա ոչ պահեցին :

59 Վարձան խոտորեցան որպէս և հարբ իւրեանց . դարձան և եղեն որպէս զաղեղն թիւր :

60 Պարձան բարկացուցին զնա ՚ի բագինս իւրեանց, և դրօշելովք իւրեանց նախանձ արկին նմա :

61 Առաւ աստուած, և արհամարհեաց զնոսա, անարգեաց յոյժ զիսրայել :

62 Սերժեաց յիւրմէ զխորանն ՚ի սելով, խորան՝ զոր բնակեցոյց ՚ի մէջ մարդկան :

3 Սանեաց ՚ի գերութիւն զգորութիւն նոցա և զզեղ նոցա ՚ի ձեռս թշնամեաց նոցա :

64 Արդեղ ՚ի սուր զժողովուրդ իւր . և զժառանգութիւն իւր անտես արար :

65 Օերիտասարդս նոցա նկեր հուր . և վասն կուսանաց նոցա ոչ որ սպացաւ :

66 Վահանայք նոցա անկան ՚ի սուր և զայրիս նոցա ոչ որ էր՝ որ լայր :

67 Օարթեաւ որպէս ՚ի քնոյ տէր, որպէս հզօր զի թափէ զգինի :

68 Եհար յետս զթշնամիս իւր, նախատինս յաւիտենից արար զնոսա :

69 Սերժեաց նա զխորանն յովսեփու, և զազն եփրեմի նա ոչ ընտրեաց :

70 Այլ ընտրեաց նա զազն յուդայ . զլեառն սիոն, զոր և սիրեաց :

71 Շինեաց որպէս միեղջերոյ զսրբութիւն նորա . յերկրի հաստատեաց զնա յաւիտեան :

72 Անտրեաց զաւելթ ծառայ իւր, ընկալաւ



զնա 'ի հօտէ խաշանց . 'ի վերջին ծնելոցն ընկալաւ զնա :

73 Հովուել զյակովբ ծառայ իւր , և զխրայել ժառանգութիւն իւր :

74 Արածէր զնոսա իմաստութեամբ սրտի իւրոյ . յանմեղութիւն ձեռաց իւրոց առաջնորդէր նոցա :

ՏՈՒՆՔ 74 .

## ՍԵՂՄՈՍ ՀԷ

Սաղմոս յաստփ :

1 Աստուած մտին հեթանոսք 'ի ժառանգութիւն քո . պղծեցին զտաճար սուրբ քո :

2 Արարին զերուսաղէմ որպէս հիղս մրգապահաց . արկին զբիակունս ծառայից քոց գէշ թռչնոց երկնից , և զմարմինս սրբոց քոց գաղանաց երկրի :

3 Հեղին զարինն նոցա որպէս ջուր շուրջ զերուսաղեմաւ . և ոչ ոք էր որ թաղէր զնոսա :

4 Եղբք մէք նախատինք զբացեաց մերոց . ծաղր և այսին կատականաց այնոցիկ , որ շուրջ էին զմեօք :

5 Սինչև յերբ տէր՝ բարկանաս դու իսպառ . բորբոքեցի որպէս հուր նախանձ քո :

6 Հեղ զբարկութիւն քո 'ի վերայ ազգաց՝ որ

զքեղ ոչ ճանաչիցեն . 'ի վերայ թագաւորաց ար զանուն քո ոչ կարդացին . զի կերան զյակովբ , և զտեղի նորա աւերեցին :

7 Մի յիշեր զմեդս մեր զառաջինս . վաղվաղ եկեցեք առ մեզ ողորմութիւն քո տէր , զի աղքատացաք յոյժ :

8 Օգնեա մեզ աստուած փրկիչ մեր վասն փառաց անուան քոյ :

9 Տէր փրկեա զմեզ և քաւեա զմեզս մեր վասն անուան քոյ :

10 Մի երբէք ասացեն 'ի հեթանոսս , թէ ո՞ւր է աստուած նոցա :

11 Այլ յայտնի ինչ լինի 'ի վերայ հեթանոսաց առաջն աչաց մերոց , առ 'ի խնդրել զվրէժ արեան ծառայից քոց՝ որ և հեղաւ :

12 Մտցէ առաջն քո հեծութիւն կապելոց . ըստ մեծութեան բաղկի քո շահեա դու զորդիս սպանելոց :

13 Հատո զբացեաց մերոց եօթնպատիկ 'ի ծոց նոցա , նախատինս զոր նախատեցին զքեզ տէր :

14 Մեք ժողովուրդք և խաշն արօտի քոյ , խոստովան եղիցուք առ քեզ յաւիտեան . ազգէ յազգ պատմեցուք զօրհնութիւնս քո :

ՏՈՒՆՔ 14

## ՄԵՂՄՈՍ ՀԹ.

Ի Կապարած . 'ի վերայ դասանցելոցն վկայութիւնս .  
աստփայ ասորես . 'ի վերայ ելեով որացոցն :

- 1 Ո հովուեադ իսրայելի՛ նայեաց , որ առաջնորդես որպէս խաշին յովսեփոս :
- 2 Որ նստիսդ 'ի քրովբէս՝ յայտնես առաջի եփրեմի , բենիամենի և մանասէի :
- 3 Օգարթո զզօրութիւնս քո , և եկ 'ի կեցուցանել զմեզ :
- 4 Մտուած զօրութեանց , դարձո զմեզ . երևեցո զերեսս քո 'ի մեզ . և կեցցուք :
- 5 Տէր աստուած զօրութեանց , մինչև յերբ բարկանաս յաղօթս ծառայից քոց :
- 6 Սլամբեցեր մեզ հաց արտասուաց , և արբուցեր մեզ արտասուս չափով :
- 7 Արարեր զմեզ նախատինս դրացեաց մերոց , այսին կատականաց թշնամեաց մերոց :
- 8 Մտուած զօրութեանց , դարձո զմեզ . երևեցո զերեսս քո 'ի մեզ , և կեցցուք :
- 9 Այգի յեգիպտոսէ փոխեցեր . հաներ զհեթանոսս՝ և զնոսս սնկեցեր , և առաջնորդեցեր նմա :
- 10 Հաստատեցեր զարմատս նորա՝ և ելից զերկիր . ծածկեաց զերինս հովանի նորա , և բարունակ նորա զմայրն աստուծոյ :

- 11 Չգեաց զօրթ իւր մինչև 'ի ծով . մինչև 'ի գետս են շառաւիղք նորա :
- 12 Բնդէր քակեցեր զցանկ նորա , և կթեն զնա անցաւորք ճանապարհի :
- 13 Ապականեաց զնա խող անտառի , և երէ վայրի արածեցաւ 'ի նմա :
- 14 Մտուած զօրութեանց , դարձ հայեաց յերկնից և տես . այց արա այգւոյս այսիկ , և դարման տար սմա , զոր սնկեաց աջ քո :
- 15 Ի վերայ որդւոյ մարդոյ՝ զոր զօրացուցեր զնա 'ի քեզ . այրեցեալ 'ի հուր և աւերեալ 'ի աստեքումն կորիցէ :
- 16 Եղեցի ձեռն քո 'ի վերայ առն , աջ քո 'ի վերայ որդւոյ մարդոյ , զոր զօրացուցեր զնա 'ի քեզ :
- 17 Ոչ ևս 'ի բացեայ եղեցուք մեք 'ի քէն . կեցուցես դու զմեզ , և զանուն քո տէր կարգացուք :
- 18 Մտուած զօրութեանց , դարձո զմեզ . երևեցո զերեսս քո 'ի մեզ , և կեցցուք :



## ՍԵՂՄՈՍ Զ

Ի Խորարած . լուսն հիւանաց . սարդնս յասափ .  
հինգերորդ շաբաթուոյ :

1 Զնծացէք առ աստուած , օգնական է մեր .  
աղաղակեցէք առ աստուած յակովբայ :

2 Ընէք սաղմոս , և տուք օրհնութիւն . սաղմոս  
ասացէք նմա 'ի ձայն .բաղդրութեան :

3 Փող հարէք 'ի գլուխս ամսոց , յաւուր նշա-  
նաւորի տարեկանաց մերոց :

4 Հրաման է այս իւրայելի , և իրաւունք են  
աստուծոյ յակովբայ :

5 Ա կայութիւնն յովսեփու՝ զոր եգբնդ նմա .  
որպէս ելանէր նա յերկրէն եգիպտացոց , լեզու  
զոր ոչ գիտէր՝ լուա :

6 Ի բաց արար 'ի բեռանց զթիկունս նորա , և  
զձեռս նորա յորթ և 'ի թի ծառայելոյ :

7 Ի նեղութեան կարգացեր առ իս՝ և փր-  
կեցի զբեզ . լուայ քեզ 'ի գաղտնութենէ մրրկին ,  
և փորձեցի զքեզ 'ի վերայ ջուրցն հակառակու-  
թեան :

8 Լուր ժողովուրդ իմ՝ և վկայեմ քեզ , և  
իւրայել՝ թէ լուիցես ինձ :

9 Մի՛ ևս եղեցին քեզ աստուածք առժամայնք .  
և մի՛ երկիր պագանիցես դու աստուծոյ օտարի :

10 Եւ ձմ՝ տեր աստուած քո՝ որ հանի զքեզ

յերկրէն եգիպտացոց՝ բաց զբերան քո՝ և լցից  
զդա :

11 Ժողովուրդ իմ ոչ լուաւ ձայնի իմում , և  
իւրայել յիս ինչ ոչ նայեցաւ :

12 Իարձի թողի զնոսա երթալ զհետ կամաց  
սրտից իւրեանց . զի գնացին նոքա ըստ կամս  
անձանց իւրեանց :

13 Օհ թէ ժողովրդեան իմոյ լուեալ էր ինձ ,  
կամ իւրայելի զձանապարհս իմ գնացեալ էր :

14 Որպէս զօչինչ խոնարհ արարեալ էր իմ  
զթնամիս նորա , 'ի վերայ նեղաց նորա արկեալ  
էր զձեռն իմ :

15 Թշնամէք տեառն ստեցին նմա , և եղեցին  
ժամանակք նոցա յաշխարհի :

16 Կերակրեաց զնոսա 'ի պարարտութենէ  
ցորենոյ , և 'ի վիմէ մեղք յագեցոյց 'ի նոսա :

Տունք 16 :

## ՍԵՂՄՈՍ ԶԷ

Սարդնս յասափ :

1 Ըստուած եկաց 'ի ժողովս աստուածոց , և  
'ի միջն նոցա դատէր զնոսա :

2 Մինչև յերբ դատիք անիրաւութեամբ , և  
ակն առնուք մեղաւորաց :

3 Գատ արարէք որբոյն և այրւոյ . իրաւունս  
արարէք տնանկին և խոնարհի :

4 Ապրեցուցէք զաղբասն և զտնանկն, 'ի ձեռաց մեղաւորի փրկեցէք զնոսա :

5 Ոչ իմացան և ոչ 'ի միտ առին, 'ի խաւարի գնացին, և չարժեցան ամենայն հիմունք երկրի :

6 Ես ասացի՝ Թէ աստուածք իցէք, և ամ որդիք բարձրելոյ ամենեքեան :

7 Գուռք ասաւաղիկ որպէս մարդիկ մեռանիք, և որպէս զմի յիշխանաց անկանիք :

8 Արի ասաուած, և դատես զերկիր զի դու ժառանգեսցես զամենայն հեթանոսս :

Տունք 8 : Գորդայս 56 :

## ՄԵՂՄՈՍ ԶԻ

( ) Եհնո-էէն. սատրոս յասապ :

1 Աստուած ո՞ք քզ Նմանիցէ. մի՛ լուեր և մի՛ դադարեր աստուած :

2 Օ՛հ աս՜ա Թշնամիք քո գոչեցին, և ատելքք քո համբարձին զգլու խս իւրեանց :

3 Ի վերայ ժողովրդեան քո խորամանկեցին զգիտութիւն. խորհեցան 'ի վերայ սրբոց քոց և ասացին :

4 Եկայք սատակեսցուք զնոսա յազգաց, և մի՛ յիշեսցի անուն իսրայելի և ևս :

5 Խորհեցան միաբանութեամբ 'ի միասին. վասն քո ուխտ արարին :

6 Բանակք եղովմայեցուոց և իսմայելացիք, մովար և հագարացիք :

7 Գեբաղ՝ ամովն՝ ամաղեկ, և այլազգիքն ամենայն բնակչօքն հանդերձ ծուրայ :

8 Այա և ասուր եկեալ էր ընդ նոսա. ամենեքեան սոքա զօրավիգն էին որդուցն զովտայ :

9 Արա զնոսա որպէս մաղիամ, որպէս սիսարայ, որպէս զարին 'ի ծործորն կիսովնի :

10 Սատակեցան նոքա յականս դովրայ, և եղին որպէս զաղբ երկրի :

11 Արա զիշխանս նոցա որպէս զովրէրն, զէքն, զզէբէէ, զսաղմանա, և զամենայն իշխանս նոցա :

12 Ոյք ասացին՝ ժառանգեսցուք 'ի մեզ զսըրբութիւն աստուծոյ :

13 Աստուած իմ՝ արա զնոսա որպէս զանիւ, որպէս զեղէգն առաջի հողմոյ :

14 Որպէս հուր՝ զի այրէ զանտառս, որպէս բոց՝ զի կիցու զլեւրինս :

15 Այսպէս հալածեսցես զնոսա մրկաւ քով, և բարկութեամբ քով խռովեցուցես զնոսա :

16 Ի ից գերեսս նոցա անարդանօք, և խնորեսցեն զանուն քո տէր :

17 Ամաչեսցեն և խռովեսցին յաւիտեանս յաւիտենից, և ամօթալից կորիցեն :



18 Օտանիցեն զի անուն քո տէր է, և դու միայն  
բարձրեալ ես 'ի վերայ ամենայն երկրի:

Տունք 18:

## ՍԵՂՄՈՍ ԶԿ

Ի Խարարած. լասն հնչանայն. որդոսն ի որխայ  
սողոս:

1 Ո՛րպէս սիրելի են յարկք քո տէր զօրու-  
թեանց. ցանկալ և փափագէ անձն իմ 'ի դաւիթս  
քո:

2 Սիրտ իմ և մարմին իմ ցնծացէ առ աստուած  
կենդանի:

3 Քանզի ճնճղրակ եգիտ իւր տուն. տատրակ  
զբոյն՝ ուր դիցէ զձագս իւր:

4 Սեղան քո տէր զօրութեանց, թագաւոր իմ  
և աստուած իմ:

5 Երանի ամենեցուն՝ որ բնակեալ են 'ի տան  
տեանն, յաւիտեանս յաւիտենից օրհնեսցեն  
զքեզ:

6 Երանեալ է այր՝ որոյ օգնութիւն 'ի քէն է.  
Ելք եդ 'ի մտի իւրում 'ի հովտէս տրտմութեան  
'ի տեղւոջ՝ յորում ուխտեաց:

7 Օօրհնութիւն ստացի՝ որ զօրէնս գնէ.  
գնացէ նա 'ի զօրութենէ 'ի զօրութիւն. և  
երևեսցի աստուած հրեշտակաց 'ի սիոնի:

8 Տէր աստուած զօրութեանց՝ լուր աղօթից  
իմոց. ունին զիր աստուած յակովբայ:

9 Ընդունելի ես դու մեր. տես աստուած և  
նայեա յերեսս օծելոյ քոյ:

10 Սասն զի լաւ է ինձ մի օր 'ի դաւիթս քո,  
քան զհաղարս:

11 Ընտրեցի ընդ աղբ դալ 'ի տան աստուծոյ  
առաւել քան բնականալ 'ի յարկս մեղաւորաց:

12 Օղորմութիւն և զճմարտութիւն սիրէ  
տէր աստուած մեր. զնորհս և զփառս տացէ.

13 Տէր ոչ սպակաս առնէ զողորմութիւն իւր  
յայնցանէ, որ գնան յանբժութեան:

14 Տէր աստուած զօրութեանց, երանեալ է այր՝  
որ յուսայ 'ի քեզ:

Տունք 14:

## ՍԵՂՄՈՍ ԶԿ

Ի Խարարած. որդոսն ի որխայ սողոս:

1 Հաճեցար տէր ընդ երկիր քո, և դար-  
ձուցեր զգերութիւն յակովբայ.

2 Թողեր զանիրաւութիւն ժողովրդեան քոյ.  
Ժածկեցեր զամենայն մեղս նոցա:

3 Լեցուցեր զամենայն սրտտութիւնս քո.  
դարձար 'ի բարկութենէ սրտտութեան քո:

4 Գարձ առ մեղ աստուած փրկիչ մեր, և դար-  
ձո զսրտտութիւնս քո 'ի մէնջ:

5 Մի յաւիտեան բարկանար մեզ տէր, և մի՛ ձգեր զբարկութիւն քո ազգէ մինչև յաղօ:

6 Եստուած դու դարձեալ կեցուցես զմեզ ժողովուրդ քո ուրախ եղիցի 'ի քեզ:

7 Յոյց մեզ տէր զողորմութիւնս քո, և զփրկութիւնս քո տուր մեզ:

8 Լուաք զինչ խօսի տէր աստուած մեր. խօսեսցի զխաղաղութիւն ժողովրդեան իւրոյ առ սուրբքս իւր, և առ այնոսիկ՝ որ դարձեալ են առ նա սրտիւք:

9 Սակայն մերձ է առ երկիւղածս իւր փրկութիւն նորա. բնակել փառաց նորա յերկրի մերում:

10 Ողորմութիւն և ճշմարտութիւնս պատահեսցին. արդարութիւն և խաղաղութիւն համբուրեսցին:

11 Ճշմարտութիւն յերկրէ բուսաւ. արդարութիւն յերկնից երևեցաւ:

12 Տէր տացէ զբաղըրութիւն, և երկիր մեր տացէ զպտուղ իւր. արդարութիւն առաջի նորա զնասցէ. զիցէ 'ի ճանապարհի զգնացս իւր:

Տունք 12: Գորդայս 44:

## ՍԵՂՄՈՍ ԶԵ

Սաղմոս 'ի դաւիթ. աղբի:

1 Խոնարհեցո տէր զունկն քո և լուր ինձ, զի աղքատ և տնանկ եմ ես:

2 Պահէա զանձն իմ սուրբ տէր. փրկեա զծառայս քո աստուած իմ, որ 'ի քեզ յուսացայ:

3 Ողորմեա ինձ տէր, զի առ քեզ աղաղակեցի զօրհանապագ. ուրախ արա զանձն ծառայի քո, զի առ քեզ տէր համբարձի զանձն իմ:

4 Օ, ի դու տէր քաղցր և ուղիղ ես. բազում ողորմ առ ամենեսեան, որ կարդան առ քեզ:

5 Անկն դիր տէր աղթից իմոց, և նայեա 'ի ձայն խնդրուածաց իմոց:

6 Յաւուր նեղութեան իմոյ կարդացի առ քեզ, և լուար ինձ:

7 Ոչ որ է նման քեզ յաստուածս տէր, և ոչ որ է որպէս զգործս քո:

8 Օ, ամենայն ազգս զոր արարեր՝ եկեսցեն և երկիր պագցեն առաջի քո, և փառաւոր արասցեն զանուն քո յաւիտեան:

9 Մե՛ծ ես դու տէր, և առնես սքանչելիս. և դու միայն ես աստուած:

10 Եռաջնորդեա ինձ 'ի ճանապարհի քում, և գնացից 'ի ճշմարտութեան քում, և ուրախ եղիցի սիրտ իմ յերկնչել յանուանէ քումմէ:



11 Խոստովան եղէց առ քեզ տէր աստուած իմ ըողորով սրտիւ իմնով . փառաւոր արարից զանուն քո յաւիտեան :

12 Ս'եծ եղև 'ի վերայ իմ ողորմութիւն քո . փրկեցեր զանձն իմ 'ի դժոխոց ներքնոց :

13 Մտուած , անօրէնք յարեան 'ի վերայ իմ , և ժողովք հզօրաց խնդրեցին զանձն իմ , և ոչ համարեցան զքեզ աստուած առաջի իւրեանց :

14 Այլ դու տէր աստուած իմ , գթած ես և ուղորմած , երկայնամիտ բազումողորմ և ճշմարիտ . նայեա առ իս և ողորմեա ինձ :

15 Տուր զօրութիւն ծառայի քո . կեցո զօրդի աղախնոյ քո , և արա առ իս նշան բարութեան :

16 Տեսցեն ատելիք իմ և ամաչեսցեն . զի դու տէր օգնեցեր ինձ , և մխիթարեցեր զիս :

Տունք 16 :

## ՄԱՂՄՈՍ ԶԳ

Սաղմոս օրհնութեան . որդւոցն իորիսոյ :

1 Հիմունք նորա 'ի լեռոն սուրբ նորա . սիրէ տէր զգրունս սիրմլի առաւել քան զամենայն յարկսն յակովբայ :

2 Փառաւորեալն խօսեցաւ վասն քո , ահաւաղիկ քաղաքդ աստուծոյ :

3 Յիշեցի զուհար և զբարեկովն՝ ոյք ճանաչեն

զիս . ահա այլազգիք և ծուր և ժողովուրդք հնդկաց , սոքա եղեն անդ :

4 Միտլի ասի մայր , և մարդ ծնաւ 'ի նմա . և ինքն հիմունս արկ 'ի նմա բարձրեալն :

5 Տէր պատմեցէ գրովք ժողովորդեան , իշխանացս այսոցիկ՝ որ եղեն անդ :

6 Որպէս զի ուրախ լիցին 'ի քեզ ամենեքեան , որոց բնակութիւն իւրեանց 'ի քէն է :

Տունք 6 :

## ՄԱՂՄՈՍ ԶԴ

Ի կարարած . վասն հաղաղէլայ իմաստութեան . զի էր պարասխանի էմոն իմաստութեամբ իսրայելի :

1 Տէր աստուած փրկութեան իմոյ , 'ի տուէ կարդացի և գիշերի առաջի քո :

2 Մտցեն աղօթք իմ առաջի քո տէր , խոնարհեսցի ունկն քո ի խնդրուածս իմ :

3 Օ, ի ցաւ չարչարանօք անձն իմ , և կեանք իմ 'ի դժոխս մերձեցաւ . և համարեցայ ես ընդ այնոսիկ , որք իջանն 'ի գուր :

4 Եղէ ես որպէս մարդ առանց օգնականի , և 'ի մեռեալս աղաս :

5 Որպէս վերաւորս , որ ննջեն 'ի գերեզմանս :

6 Օ, որս դու ոչ յիշեցեր , նոքա 'ի ձեռանէ քումմէ մերժեցան :

7 Եդին զիս 'ի գբի ներքնումն' 'ի խաւարի և 'ի ստուերս մահու :

8 Յիս հաստատեցաւ սրտմտութիւն .քո . զամենայն զբօսանս .քո ածեր 'ի վերայ իմ :

9 Հեռի արարեր յինէն զծանօթս իմ . և եդին զիս նշաւակ իւրեանց :

10 Սասնեցայ և ոչ ելանէի . աչք իմ տկարացան յազբատութենէ :

11 Աղաղակեցի առ տէր զօրհանապաղ , և համբարձի առ քեզ զձեռս իմ :

12 Ս'իթէ մեռելոց անիցնք սքանչելիս . կամ բժիշկք յարուցանիցն' խոտոմիան անիցին առ քեզ :

13 Ս'իթէ պատմեցէ՞ որ երբէք 'ի գերեզմանի զողորմութիւնս .քո , կամ զճշմարտութիւնս .քո 'ի կորստեան :

14 Ս'իթէ ճանաչեցի՞ն 'ի խաւարի սքանչելիք .քո , կամ արդարութիւն .քո յերկիր մոռացեալ :

15 Ես առ քեզ տէր աղաղակեցի . առաւօտու աղօթք իմ ժամանեսցին առ քեզ :

16 Ընդէր տէր մերժես զանձն իմ , կամ դարձուցանես զերեսս .քո յինէն :

7 Տնանկ և վաստակաւոր եմ ես 'ի մանկութենէ իմմէ . 'ի բարձրութենէ խոնարհեցայ և ափշեցայ :

18 Յիս հաստատեցաւ բարկութիւն .քո . արհաւիրք .քո խռովեցուցին զիս :

19 Երջեցան զինև որպէս ջուր , զօր ամենայն պաշարեցին զիս 'ի միասին :

20 Հեռի արարեր յինէն զբարեկամս իմ և զծանօթս իմ վասն թշուառութեան իմոյ :

Տունք 20 : Գորդայս 42 :

## ՍՄԴ ՄՈՍ ԶԻ

Իմաստութիւն եմանայ յեղբայրացոյ :

1 Զողորմութիւնս .քո տէր յաւիտեան օրհնեցից . ազգէ յազգ պատմեցից զճշմարտութիւնս .քո բերանով իմով :

2 Ասացեր՝ թէ աշխարհս ողորմութեամբ շինեցի . յերկինս պատրաստ եղիցի ճշմարտութիւն .քո :

3 Եդի ուխտ ընտրելոց իմոց . երդուայ դաւթի ծառայի իմոյ :

4 Յաւիտեան հաստատեցից զզաւակ .քո , և շինեցից ազգէ յազգ զաթոռ .քո :

5 Խոտոմիան եղեցին երկինք սքանչելեաց .քոց տէր , և ճշմարտութիւն .քո յեկեղեցիս սրբոց :

6 Որք է յամպս որ հաւասարէ քեզ . կամ որ նմանիցէ տեառն յորդիս աստուծոյ :

7 Աստուած փառաւորեալ է 'ի խորհուրդս



սրբոց խրոց . մեծ և ահաւոր 'ի վերայ այնոցիկ որ շուրջ են զնովաւ :

8 Տէր աստուած զօրութեանց , հոնման է քեզ . հզօր ես դու տէր , և ճշմարտութիւն քո շուրջ է քրե :

9 Ղու տիրես զօրութեանց ծովու , և զխոռվութիւն ալեաց նորա դու ցածուցանես :

10 Ղու խոնարհեցուցանես որպէս վերաւորս զամբարտաւանս . 'ի զօրութիւն բազկի քո ցրուեցեր զթշնամիս քո :

11 Վրո են երկինք և քո է երկիր . զաշխարհս լրիս իւրով դու հաստատեցեր . զհիւսիս և զհարաւ դու արարեր . թաբօր և հերմոն յանուն քո ցնծացեն :

12 Վրո է բազուկ և քո է զօրութիւն . զօրացի աջ քո , և բարձր եղիցի ձեռն քո :

13 Յարգարութիւն և յիրաւունս հաստատեալ է աթոռ քո . ողորմութիւն և ճշմարտութիւն գնացէ առաջի երեսաց քոց :

14 Երանի ժողովրդեան , որ գիտեն զօրհնութիւն քո տէր . 'ի լոյս երեսաց քոց գնացեն , և յանուն քո ցնծացեն զօրհնապաղ , և յարգարութեան քում բարձր եղիցին :

15 Պարծանք զօրութեանց մերոց դու ես տէր . և 'ի կամս քո բարձր եղիցի եղջիւր մեր :

16 Ի տեսնէ է օգնութիւն սրբոյն խրսյելի թագաւորին մերոյ :

17 Յայնժամ խօսեցար տեսեամբ ընդ որդիս քո և ասացեր . եղից զօգնութիւն իմ 'ի վերայ հզօրին , և բարձր արարից զընտրեալն 'ի ժողովրդեանէ իմնէ :

18 Ղտի զգաւիթ ծառայ իմ , իւղով սրբով իմով օծի զնա :

19 Ձեռն իմ ընկալցի զնա , և բազուկ իմ զօրացուցէ զնա :

20 Ս'ի մեղիցէ նմա թշնամի , և որդի անօրէնութեան մի չարչարեսցէ զնա :

21 Հարից առաջի նորա զթշնամիս նորա , և զատերիս նորա 'ի պարտութիւն մասնեցից :

22 Ճշմարտութիւն իմ և ողորմութիւն իմ ընդ նմա , և յանուն իմ բարձր եղիցի եղջիւր նորա :

23 Եղից 'ի ծովու զձեռն նորա , և 'ի վերայ գետոց զաջ նորա :

24 'Աս կարգացցէ առ իս՝ հայր իմ ես դու , աստուած ընդունելի փրկութեան իմոյ :

25 Ես անդրանիկ արարից զնա , և բարձր քան զամենայն թագաւորս երկրի :

26 Յաւտեան պահեցից նմա զողորմութիւն իմ , և ուխտ իմ հաւատարիմ ընդ նմա :

27 Հաստատեցից յաւտեանս յաւտեանից զաւակ նորա , և զաթոռ նորա որպէս զաւուրս երկնից :

28 Թէ թողցեն որդիք նորա զօրէնս իմ, և յիրաւունս իմ ոչ կամեսցին դնալ:

29 Թէ զարդարութիւնս իմ անարգեսցեն, և զպատուիրանս իմ ոչ պահեսցեն:

30 Հարից գաւազանաւ զանօրէնութիւնս նոցա, տանջանօք զանիրաւութիւնս նոցա:

31 Բայց զողորմութիւն իմ ոչ արգելից ՚ի նոցանէ, և ոչ նենգեցից ճշմարտութեան իմում, և ոչ անարգեցից զուստ իմ, և ինչ որ ելանէ ընդ շրթունս իմ, զայն ոչ արհամարհեցից:

32 Սի անգամ երգուայ ՚ի սրբութիւն իմ, թէ դաւթի ես ոչ ստեցից:

33 Օ՛ աւակ նորա յաւիտեան կացցէ. և աթոռ նորա որպէս արեգակն առաջն իմ, որպէս լուսին զն հաստատեալ է յաւիտեան վկայ հաւատարիմ յերկինս:

34 Իսկ արդ դու մերժեցեր և անարգեցեր, և ընդ վայր հարեր զօճեալ քո:

35 Գարձուցեր զուստ ՚ի ծառայէ քումմէ. պղծեցեր յերկրի զսրբութիւն նորա:

36 Վակեցեր զամենայն պարիսպս նորա, և եղիբ զամուրս նորա ՚ի դողումն:

37 Յափշտակեցին զնա անցաւորք ճանապարհի. եղև նա նախատ դրացեաց իւրոց:

38 Բարձր արարեր զաջ նեղջաց նորա, ուրախ արարեր զամենայն թշնամիս նորա:

39 Դարձուցեր զօրէնութիւն ՚ի սրոյ նորա, և ոչ ընկալար զնա ՚ի պատերազմի:

40 Մնարգեսցեր զսրբութիւն նորա, և զաթոռ նորա յերկիր կործանեցեր:

41 Կուազ արարեր զաւուրս ժամանակաց նորա, և հեղեր զնովաւ զամթ:

42 Սինչև յերբ դարձուցանես զերեսս քո իսպառ. բորբոքեսցի որպէս հուր բարկութիւն քո:

43 Իսկ արդ յիշեա և տես թէ իմ է իմ հանդիստ. միթէ ՚ի զուր ինչ ստեղծեր զամենայն բրդիս մարդկան:

44 Ո՞վ է մարդ՝ որ կեցցէ և ոչ տեսցէ զմահ, կամ փրկեցցէ զանձն իւր ՚ի ձեռաց դժոխոց:

45 Ո՞ւր են ողորմութիւնք քո տէր առաջինք, զոր երդուար դաւթի ճշմարտութեամբ քով:

46 Յիշեա զնախատինս ծառայի քոյ, զոր ընկալայ ՚ի ծոց իմ յազգաց բաղմաց:

47 Օ՛ որ նախատեցին թշնամիք քո տէր. նախատեցին փոխանակ օճելոյ քո:

48 ( )ըհնեալ տէր աստուած յաւիտեանս յաւիտենից. եղիցի եղիցի:

Տունք 48:

Կանոն Գորդայս 7: Սաղմոս 16: Տունս 348:



## ՄԱՂՄՈՍ ԶԹ.

Լ'ըսէ՛ք ՚ի խնայեալ յայլն աստուծոյ :

1 Տէր ապաւեն եղեր մեր ազգէ մինչև յազգ. մինչև լերինք հաստատեալ էին, մինչև ստեղծեալ զերկիր և զամենայն տիեղերս :

2 Յաւիտենից մինչև յաւիտեանս դու ես. և մի դարձուցաներ զմարդ ՚ի տառապանս. և ասացեր, դարձարուք առ իս որդիք մարդկան :

3 Հազար ամ յաչս տեառն որպէս օր երեկի՛ զի անց. որպէս պահ մի գիշերոյ. և ամք նոցա անարգութեամբ եղիցին :

4 Ընդ առաւօտս որպէս դալարի բուսցին. ընդ առաւօտս որպէս դալարի զուարճացցին և ծաղկեցցին. ընդ երեկոյս թարշամեցցին՝ չորացցին և անկցին :

5 Մուտեցաք մեք ՚ի բարկութենէ քումմէ, և ՚ի սրտմտութենէ քումմէ խոռվեցաք :

6 Եղիր զմեղս մեր առաջի քո, և զկեանս մեր ՚ի լոյս երեսաց քոց :

7 Լ'մենայն աւուրք մեր նուաղեցան. և ՚ի բարկութենէ քումմէ խոռվեցաք :

8 Եւամանակ ամաց մերոց անդադար որպէս սարդի. և թիւ աւուրց ամաց մերոց ՚ի նոսս եօթանասուն ամ :

9 Լ'պա թէ առաւել ևս՝ ութսուն ամ. որ ինչ աւելք քան զայն, ցաւօք և հեծութեամբ :

10 Եկն ՚ի վերայ մեր հեծութիւն, և խրատեցաք. իսկ արդ ո՞րդիտացէ զգօրութիւն բարկութեան քո, կամ յահէ քումմէ զսրտմտութիւն քո համարեցի :

11 Լ'յապէս ցոյց ինձ զաջ քո. և որ խոնարհ են սրտիւք, զիմաստութիւնս քո :

12 Վարձ տէր՝ մինչև յերբ. մխիթարեա ՚ի ծառայս քո :

13 Լ'ցաք առաւօտու ողորմութեամբ քո. ցնծացաք և ուրախ եղաք զամենայն աւուրս կենաց մերոց :

14 Ուրախ եղաք փոխանակ աւուրցն, որ խոնարհ արարին զմեզ, և ամացն՝ յորս տեսաք զչարչարանս :

15 Հայեա տէր ՚ի ծառայս քո և ՚ի գործս ձեռաց քոց, և առաջնորդեա որդւոց նոցա. և եղիցի լոյս տեառն աստուծոյ ՚ի վերայ մեր :

16 Օգործս ձեռաց մերոց ուղիղ արա ՚ի մեզ տէր. զգործս ձեռաց մերոց յաջողեա մեզ :

Տունք 16 :

## ՄԱՂՄՈՍ Գ.

()Եհնո-էլի-ն Գովո-էլեան ՚ի գո-էլէ.

1 Ո բնակեալն է յօգնութիւն բարձրելոյն, ընդ հովանեաւ աստուծոյ յերկինս հանգիցէ :

2 Լ'սասցէ տեառն ընդունելի իմ ես, ապաւեն իմ աստուած, և ես յուսամ ՚ի նա :

3 Մտ փրկեսցէ զիս յորոգայթէ որսողն, և  
'ի բանիցն խոռովութենէ :

4 Ի թիկնամէջս իւր ընկալցի զբեղ . 'ի հովանի  
թևոց նորա յուսասցիս :

5 Որպէս զէն շուրջ եղիցի զբև ճշմարտութի ա  
նորա :

6 Ոչ երկիցես դու յերկիւղէ գիշերի, և ոչ 'ի  
նետէ՛ որ թռչի 'ի տուէ :

7 Յիրէ որ շրջի 'ի խաւարի, 'ի գայթաղու-  
թենէ գիւի 'ի հասարակ աւուր :

8 Անկցին 'ի կողմանէ քումմէ հաղարբ, և բիւրբ  
ընդ աջմէ քումմէ, որ առ քեզ ինչ ոչ մերձեսցին :

9 Բայց միայն աչօք քով հայեսցես դու, և  
զհատուցումն մեղաւորաց տեսցես, զի՛ դու տէր  
յոյս իմես :

10 Օքարձրեալն արարեր քեզ ապաւէն . ոչ  
հասցեն առ քեզ չարք, և տանջանք մի՛ մերձեսցին  
'ի յարկս քո :

11 Հրեշտակաց իւրոց պատուիրեալ է վասն քո  
պահել զքեզ յամենայն ճանապարհս քո :

12 Ի բազուկս իւրեանց ընկալցին զքեզ, զի մի՛  
երբէք հարցես զքարի զոտն քո :

13 Ի վերայ իժից և քարբից գնասցես դու, և  
առ ոտն կոխեսցես զառիւծն և զվիշապն :

14 Վանդի յիս յուսացաւ, և փրկեցից զնա .  
հովանի եղէց նմա, զի ծանեաւ զանուն իմ :

15 Վարդասցէ առ իս, և ես լուայց նմա . և առ  
նձն եղէց 'ի նեղութեան :

16 Փրկեցից և փառաւոր արարից զնա . երկայն  
աւուրբբ լցուցից, և ցուցից նմա զփրկութիւն իմ :  
Տունք 16 :

## ՍԱԴՍՊՈՍ ԳԼ

Սադոս օրհնութեան առաջ շաբաթուոյ 'ի դառնիլ :

1 Բարի է խոստովան լինել տեսան, սաղմոս  
ասել անուան քում բարձրեալ :

2 Պատմել առաւօտու զողորմութիւնս քո, և  
զճշմարտութիւնս քո 'ի գիշերի :

3 Հասնաղեաւ սաղմոսարանաւ, 'ի ձայն օրհն-  
ութեան գովել :

4 Ուրախ արարեր զիս տէր յարարածս քո, և  
'ի գործս ձեռաց քոց ցնծացայց :

5 Ո՛րպէս զի մեծ են գործք քո տէր, և յոյժ  
խոր են խորհուրդք քո :

6 Այր անզգամ զայս ոչ ծանիցէ, և անմիտն  
զայս ոչ առնու 'ի միտ :

7 Ի բուսանել մեղաւորաց որպէս խոտ, 'ի  
ծաղկել այնոցիկ՝ որ գործեն զանօրէնութիւն :

8 Սատակեսցին յաւիտեանս յաւիտենից . և  
դու բարձրեալ ես յաւիտեանս տէր :

9 Օ, ի ահա թշնամիք քո տէր, զի ահա թըշ-



Նամբք քո կորիցեն . ցրուեսցին ամենեքեան՝ ոյք գործեն զանօրէնութիւն :

10 Բարձր եղիցի որպէս միեղջերոյ եղջիւր իմ , և ծերութիւն իմ , 'ի ձէթ պարարտութեան :

11 Ետես ակն իմ 'ի թշնամիս իմ , ոյք յարուցեալ են 'ի վերայ իմ չարութեամբ , 'ի նոսալուիցե ունին իմ :

12 Երգարքն որպէս զարմաւենիս ծաղկեսցին . որպէս մայրքն լիբանանու բազումք եղիցին :

13 Տնկեալք եղիցին 'ի տան տեառն , և 'ի գաւիթս աստուծոյ մերոյ ծաղկեսցին :

14 Եւս և բազումք եղիցին 'ի ծերութիւն պարարտութեան . գիրդք և փափուկք եղիցին 'ի պատմել . ուղիղ է տէր աստուած մեր , և ոչ գոյ 'ի նմա անիրաւութիւն :

Տունք 14 : Գորդայո 46 :

### ՍՏՂՄՈՍ ԳՂԻ

Յառաջին աստուծոյ շաբաթուոյ , յոր հասարակացաբերկեր . օրհնութիւնն գործութեան 'ի դաւիթ :

1 Տէր թագաւորեաց վայելչութիւն զգեցաւ : զգեցաւ տէր զօրութիւն , ընդ մէջ իւր ածաւ :

2 Հաստատեաց զաշխարհս՝ զի մի սասանեսցի . պատրաստ է ամբողջոք , 'ի սկզբանէ յաւիտեանս գու ես :

3 Ամբարձան գետք տէր , և համբարձին գետք զձայնս իւրեանց . յարիցեն գետք 'ի գնացս իւրեանց :

4 Ի ձայնէ ջուրց բազմաց , սքանչելի եղին զքօսանք ծոյգու :

5 Աքանչելի ես դու տէր 'ի բարձունս . վկայութեանց քոց մէք յոյժ հաւատացար :

6 Տան քում վայելէ սրբութիւն տէր ընդ երկայն աւուրս :

Տունք 6 :

### ՍՏՂՄՈՍ ԳԳԻ

Սաղմոս 'ի դաւիթ . շաբաթուոյ :

1 Աստուած վրէժխնդիր , տէր աստուած վրէժխնդիր յայտնեցար :

2 Բարձր լեր որ դատիս զերկիր . հատո զհատուցումն ամբարտաւանից :

3 Մինչև յերբ մեղաւորք տէր , մինչև յերբ մեղաւորք պարծեսցին :

4 Բարբառեալ խօսէին զանիրաւութիւն . խօսեսցին ամենեքեան՝ որ գործեն զանօրէնութիւն :

5 Օժտողութեամբք տէր խոնարհ արարին , և զժառանգութիւնք չարչարեցին :

6 Օջարին և զպանդուխտն սպանին , զօրըսըն կոտորեցին և ասացին . ոչ տեսանէ զայս տէր , և ոչ 'ի միտ անուս աստուած : յակովբայ :

7 Իմացարուք անդգամք ժողովրդոց, և անմիտք՝ մինչև յերբ ոչ առնուք ՚ի միտ :

8 Որպէս զի թէ որ տնկեաց զունկն՝ ինքն ոչ լուիցէ, կամ որ ստեղծ զակն՝ ինքն ոչ տեսանիցէ :

9 Ո խրատէ զազինս, որպէս թէ ոչ յանդիմանեսցէ. ո ուսուցանէ մարդոյ զգիտութիւն. տէր ճանաչէ զտորհուրդս մարդկան զի են ընդունայն :

10 Երանի մարդոյ՝ զոր խրատես դու տէր, և յօրինաց քոց ուսուցանես դու նմա .

11 Հածուցանես դու նմա զաւուրս չարութեան, մինչև փորեցի խորխորատ մեղաւորի :

12 Ոչ մերժէ տէր զժողովուրդ իւր, և զժառանգութիւն իւր ոչ առնէ անտես :

13 Մինչև դարձցին իրաւունք յարդարութիւն. ընկալցին զնա ամենեքեան որ ուղիղ են սրտիւք :

14 Ո՞ յարիցէ ընդ իս ՚ի վերայ չարաց. կամ ո՞ հաւասարեսցէ ինձ ՚ի վերայ այնոցիկ, որ գործեն զանօրէնութիւն :

15 Թէ ոչ տեսան օգնեալ էր ինձ, փոքր մի ևս բնակեալ էր անձն իմ ՚ի դժոխս :

16 Եթէ ասէի՝ թէ ահա սասանեցան ոտք իմ, ողորմութիւն քո տէր օգնէր ինձ :

17 Ըստ բազում ցաւոց սրտի իմոյ՝ մսիթարութիւն քո ուրախ առնէր զանձն իմ :

18 Մի՛ հաւասարեսցէ քեզ աթոռ անօրէնու

թեան, ո պատճառէ զվաստակա ընդդէմ հրամանի :

19 Որսացան զանձն արդարոյ, և զարիւն անբիծ պարտաւոր առնէին :

20 Եղև տէր ապաւէն իմ. աստուած օգնական յուսոյ իմոյ :

21 Հատուցէ նոցա տէր ըստ անօրէնութեան նոցա. ըստ չարութեան նոցա կործանեսցէ զնոսա տէր աստուած մեր :

Տունք 21 :

## ՍԵՂՄՈՍ ԳՆԻ

Օրհնութիւն գովութեան ՚ի գաւիթ :

1 Եկայք ցնձասցուք ՚ի տէր. աղաղակեսցուք առ աստուած փրկիչ մեր :

2 Կանխեսցուք առաջի նորա խոստովանութեամբ. սաղմոսիւք աղաղակեսցուք առ նա :

3 Ըստուած մեծ է, տէր թագաւոր մեծ ՚ի վերայ ամենայն երկրի :

4 Ի ձեռս նորա են ամենայն տիեզերք երկրի, և բարձրութիւնք լերանց նորա են :

5 Նորա է ծով՝ և նա արար զնա, և զցամաք ձեռք նորա ստեղծին :

6 Եկայք երկիր պագցուք նմա. անկցուք և ըսցցուք առաջի տեսան արարչին մերոյ :

7 Նա ինքն է տէր աստուած մեր. մեք ժողովուրդք ձեռին նորա, և խաշն արօտի նորա :



8 Այսօր եթէ ձայնի նորա լսիցէք, մի՛ խտաւցուցանէք զսիրտս ձեր որպէս 'ի դառնութեան:

9 Հաւուրն փորձութեան յանապատին ուր փորձեցին զլիս հարքն ձեր, քննեցին զլիս, և տեսին զգործս իմ զբառասունս ամ:

10 Չանացայ ընդ ազգին ընդ այնմիկ և ասացի՝ միշտ մոլորեալ են սրտիւք. և նորա ոչ ծանեան զճանապարհս իմ:

11 Որպէս երգուայ 'ի բարկութեան իմում, թէ մտցեն 'ի հանգիստ իմ:

Տունք 11: Գորդայս 38:

### ԱՇՂՄՈՍ ԳԵ

Առդնս 'ի դառնութեան 'ի խառնութեան զինչեպս:

1 ()րհնեցէք զտէր յօրհնութիւն նոր. օրհնեցէք զտէր ամենայն երկիր:

2 ()րհնեցէք զտէր և օրհնեցէք զանուն նորա. աւետարանեցէք օր ըստ օրէ զվրկութիւն նորա:

3 Պատմեցէք 'ի հեթանոսս զլիսոս նորա, յամենայն ժողովուրդս զսքանչելիս նորա:

4 Մեծ է տէր և օրհնեալ է յոյժ. ահարկու է նա 'ի վերայ ամենայն կողմ:

5 Ամենայն կողմք հեթանոսաց դէք են. և տէր զերկինս արար:

6 Խոստովանութիւն և վայելչութիւն է առաջի նորա. սրբութիւն և մեծվայելչութիւն 'ի սրբուրութեան նորա:

7 Մատուցէք տեսնն տոհմք ազանց. մատուցէք տեսնն զլիսոս և զպատիւ. մատուցէք տեսնն զլիսոս անուան նորա:

8 Առէք պատարագս և մտէք 'ի սրահս նորա. երկիր պագէք տեսնն 'ի դառնութեան նորա, և խոռովեսցի յերեսաց նորա ամենայն երկիր:

9 Ասացէք 'ի հեթանոսս՝ թէ տէր թագաւորեաց. հաստատեաց զաշխարհս զի մի սասանեսցի. և դատի զժողովուրդս իւր ուղղութեամբ:

10 Ուրախ եղեցին երկինք, և ցնծացէ երկիր, զուարճացի ծով լիւ իւրով. ցնծացեն դաշտք, և ամենայն որ է 'ի նոսա:

11 Հայնժամ ցնծացեն ամենայն ծառք անտառի յերեսաց տեսնն զի գայ, և գայ նա 'ի դատել զերկիր:

12 Ղատի զտիեզերս իրաւամբք, և զժողովուրդ զլս ամենայն ճշմարտութեամբ իւրով:

Տունք 12:

### ԱՇՂՄՈՍ ԳԶ

Առդնս 'ի դառնութեան 'ի խառնութեան զինչեպս:

1 Տէր թագաւորեաց՝ ցնծացէ երկիր. ուրախ եղեցին կղզիք բազումք:

2 Ամպ և մեղ շուրջ է զնովաւ. յիրաւունս և յարդարութիւն ուղղեալ է աթոռ նորա:

3 Հուր առաջին նորա գնասցէ, այրեսցէ շուրջ զԹշնամիս նորա :

4 Երևեցան փայլատակունք նորա տիեզերաց . ետես՝ և սասանեցաւ երկիր :

5 Ի երկինք որպէս մում՝ հալեսցին յերեսաց տեառն , յերեսաց տեառն ամենայն երկիր :

6 Պատմեսցեն երկինք զարդարութիւն նորա . տեսին ամենայն ժողովուրդք զփառս նորա :

7 Ամաչեսցեն ամենքեան որ երկիր պագաննն կոոց , և ոյք պարծին՝ ՚ի դրօշնալս իւրեանց :

8 Երկիր պագցեն նմա ամենայն հրեշտակք նորա , զի լուաւ և ուրախ եղև սիովն . և ցընծասցեն դստերք յուզայ վասն իրաւանց քոց տէր :

9 Օհ դու բարձրեալ ես ՚ի վերայ ամենայն երկրի . յոյժ բարձրացար ՚ի վերայ ամենայն կոոց :

10 Ոյք սիրէք զտէր , ատեցէք զչարութիւն պահէ տէր զանձինս սրբոց իւրոց , ՚ի ձեռաց մեղաւորի փրկեսցէ զնոսա :

11 Ի շյս ծագեաց արդարոց . ուղղոց սրտից եղև ուրախութիւն :

12 Ուրախ եղերուք արդարք ՚ի տէր . խոստովան եղերուք յիշատակի սրբութեան նորա :

Տունք 12 :

## ՄԵՂՄՈՍ Գ.Լ.:

Սարգիս ՚ի դաւիթ օրհնութեան :

1 Օրհնեցէք զտէր յօրհնութիւն նոր , զի սքանչելիս արար :

2 Փրկեաց զնա աջ իւր , և բազուկ սուրբ իւր :

3 Եցոյց տէր զփրկութիւն իւր , առաջին ազգաց յայտնեաց զարդարութիւն իւր :

4 Յիշեաց ողորմութեամբ իւրով զյակովք , ճշմարտութեամբ իւրով զտունն խրայելի . և տեսին ամենայն ծագք երկրի զփրկութիւն աստուծոյ մերոյ :

5 Աղաղակեցէք առ տէր ամենայն երկիր . օրհնեցէք ցնծացէք և սաղմոս ասացէք :

6 Սաղմոս ասացէք աստուծոյ մերում օրհնութեամբ , օրհնութեամբ և ՚ի ձայն սաղմոսաց :

7 Ի ձայն օրհնութեան կոածոյ փողոյ , օրհնութեամբ ցնծութեամբ և ՚ի ձայն եղջեր փողոյ . և աղաղակեցէք առաջին թագաւորին տեառն :

8 Խոռովեսցի ծով լիւ իւրով , տիեզերք և ամենայն բնակիչք նորա . և գետք ծափս հարցեն ՚ի միասին ձեռամբ :

9 Ի երկինք ցնծացեն առաջին տեառն , զի գայ և հասեալ է տէր ՚ի դատել զերկիր :

10 Պատի զաշխարհս արդարութեամբ , և զժողովուրդս ուղղութեամբ :

Տունք 10 . Գորդայս 34 :



## ՍԵՂՄՈՍ Գ,Ը

Սաղմոս 'ի դաւիթ :

1 Տէր թագաւորեաց , բարկացան ժողովուրդքք . որ նստիս 'ի բրովլէս , սասանեցաւ երկիր :

2 Տէր 'ի սիոն մեծ է , և բարձր է 'ի վերայ ամենայն ժողովրդոց :

3 Խոստովան եղիցուք անուան քնւմ մեծի , զի ահաւոր և սուրբ է . և պատիւ թագաւորի զիրաւունս սիրէ :

4 Գու պատրաստեցեր զուղղութիւն . զիրաւունս և զարդարութիւն յակովբայ դու արարեր :

5 Բարձր արարէք զտէր աստուած մեր . երկիր պագէք պատուանդանի ոտից նորա , զի սուրբ է :

6 Սովլէս և ահարոն երիցունք նորա . սամուէլ ընդ այնոսիկ , որ կարգան զանուն նորա :

7 Կարգային առ տէր , և նա լսէր նոցա , և 'ի սին ամպոյ խօսէր ընդ նոսա :

8 Պահէին զվկայութիւն նորա և զհրամանս զոր ետ նոցա :

9 Տէր աստուած մեր՝ դու լսէիր նոցա , աստուած՝ դու քաւիչ լինէիր , վրէժինդիր 'ի վերայ ամենայն գործոց նոցա :

10 Բարձր արարէք զտէր աստուած մեր՝ երկիր պագէք 'ի լեան սուրբ նորա , զի սուրբ է տէր աստուած մեր :

Տունք 10 :

## ՍԵՂՄՈՍ Գ,Թ

Սաղմոս խոստովանութեան 'ի դաւիթ :

1 Աղաղակեցէք առ տէր ամենայն երկիր . ծառայեցէք տեառն ուրախութեամբ :

2 Ստէք առաջին նորա ցնծութեամբ . ծաներուք զի նա է տէր աստուած մեր :

3 Առարար զմեզ , և ոչ մեք էաք . մեք ժողովուրդք և խաշն արօտի նորա :

4 Ստէք ընդ դրունս նորա խոստովանութեամբ , և օրհնութեամբ 'ի յարկս նորա :

5 Խոստովան եղերուք տեառն , և օրհնեցէք զանուն նորա :

6 Բաղցր է տէր , յաւիտեան է ողորմութիւն նորա . ազգէ մինչև յազգ է ճշմարտութիւն նորա :

Տունք 6 :

## ՍԵՂՄՈՍ Ծ

Սաղմոս 'ի դաւիթ :

1 Յողորմութիւն և յիրաւունս օրհնեցից զբեզ տէր . սաղմոս ասացից , և 'ի միտ առից :

2 Ղանապարհ ամբիժ մինչև եկեցոց առ իս . զի գնայի ես յամբժութեան սրտի իմոյ 'ի մեջ տան իմոյ :

3 Աչ եղի առաջի աչաց իմոց իրս անիրաւութեան . ոչք առնէին զուրացութիւն , առեցի :

4 Աչ մերձեցաւ առ իս որ թիւրն էր սրտիւ . խոտորեալ յինէն անզգամին , և ես ինչ ոչ փոյթ առնէի :

5 Որ խօսէր գաղտ զընկերէ իւրմէ , զնա բացէ 'ի բաց հալածէի :

6 Որ ամբարտաւան էր աչօք և ագահ սրտիւ , ընդ նմա և հաց ոչ ուտէի :

7 Աչք իմ 'ի հաւատացեալս երկրի , զի նստցին նորք ընդ իս :

8 Որ գնայր 'ի ճանապարհ ամբիժ , նա պաշտէր զիս :

9 Աչ բնակէր 'ի մեջ տան իմոյ՝ որ առնէր զամբարտաւանութիւն . որ խօսէր զանիրաւութիւն , էէր յաջողեալ նմա առաջի աչաց իմոց :

10 Բնդ առաւօտս սպանանէի զամենայն մեղաւորս երկրի . սատակեցից 'ի քաղաքի տեառն զամենեւեան՝ որ գործեն զանօրէնութիւն :

Տունք 10 : Գորղոյս 26 :

## ՍՇՂՄՈՍ ՂԸ

Աղբիւր ուրիշ . Եբրեյ յանյբասոյն՝ առաջի ԿԼԱՄԻ  
 «Վաւայէ զենդրոսածս իւր :

1 Տէր՝ լուր աղօթից իմոց , աղաղակ իմ առ քեզ եկեցոց , մի դարձուցաներ զերեսս քո յինէն :

2 Յաւուր նեղութեան իմոյ խոնարհեցո առ իս զունկն քո . յորում աւուր կարգամ առ քեզ վաղվաղակի լուր ինձ :

3 Սպառեցան որպէս ծուխ աւուրք իմ , և ոսկերք իմ որպէս խոխ չորացան :

4 Հարաւ որպէս խոտ՝ և ցամաքեաց սիրտ իմ . մոռացայ ուտել զհաց իմ 'ի ձայնէ հեծութեան իմոյ :

5 Ացեցաւ ոսկր իմ 'ի մարմին իմ . նմանեցայ ես հաւալսան յանապատի :

6 Եղէ ես որպէս բու յաւերակի . տքնեցայ և եղէ ես որպէս ճնճողակ միայն 'ի տանիս :

7 Նախատեցին զիս թշնամիք իմ զօրհանապաղ , և գովիւք իմ ինև երդնուին :

8 Օճոխիր որպէս հաց կերայ , և զըմպելի իմ արտասուօք խառնեցի :

9 Յերեսաց բարկութեան սրտմտութեան քո . զի դու բարձրացուցեր , և խոնարհեցուցեր զիս :

10 Աւուրք իմ որպէս հովանի անցին . և ես որպէս խոտ ցամաքեցայ :



11 Ղու տէր յաւիտեան կաս, և յիշատակ քո ազգէ մինչև յազգ:

12 Ղու յարուցեալ գթասցիս ՚ի վերայ սիննի. ժամանակ գթալոյ նորա հասեալ է ժամ:

13 Հաճեցան ծառայք քո ընդ քարինս նորա, և ՚ի հողս նորա գթասցին:

14 Երկիցեն հեթանոսք յանուանէ քումմէ, և ամենայն թագաւորք երկրի ՚ի փառաց քոց:

15 Ելինէ տէր զսիովն, և երևեսցի փառօք իւրովք ՚ի նմա:

16 Հայեցաւ նա յաղօթս խոնարհաց, և ոչ արհամարհեաց զխնդրուածս նոցա:

17 Ղրեացի այս յազգ յայլ. ժողովուրդ զոր ստացեալ է, օրհնեսցէ զտէր:

18 Հայեցաւ նա ՚ի բարձանց ՚ի սրբութենէ իւրմէ. տէր յերկնից յերկիր հայեցաւ:

19 Ասել զհեծութիւն կապելոց, և արձակել զորդիս մահապարտաց:

20 Պատմել ՚ի սիովն զանուն տուան. և զօրհնութիւնս նորա յերուսաղէմ:

21 Ժողովել ժողովրդոց ՚ի միասին, և թագաւորաց ծառայել տեանս:

22 Պատասխանի ետ նմա ՚ի ճանապարհի զօրութեան իւրոյ. զնուազութիւն աւուրց իմոց ասա ինձ, և մի հաներ զիս ՚ի կէս աւուրց իմոց. զի ազգէ յազգ են ամք քո

23 Ի սկզբանէ տէր զհիմունս երկրի հաստատեցեր. և գործք ձեռաց քոց երկինք են:

24 Կռքա անցանն, և դու կաս և մնաս յաւիտեան:

25 Ամենեքեան որպէս ձորձս մաշեսցին. որպէս վերարկուս փոխեսցես զնոսա, և փոխեսցին:

26 Իայց դու նոյն իսկ ես, և ամք քո ոչ անցանն. որդիք ծառայից քոց բնակեսցեն ՚ի նմա. և զաւակի նոցա յաւիտեան յաջողեսցի:

Տունք 26:

## ՍՆՎԱՍՈՍ Ա՛Բ

Սողոմոն ՚ի գաւելի:

1 Օրհնեա անձն իմ զտէր, և ամենայն ոսկերք իմ զանուն սուրբ նորա:

2 Օրհնեա անձն իմ զտէր, և մի մոռանար զամենայն տուրս նորա:

3 Ոքաւէ զմեղս քո, բժշկէ զամենայն հիւանդութիւնս քո:

4 Ո փրկէ յապականութենէ զկեանս քո, պսակէ զքեզ ողորմութեամբ և գթութեամբ:

5 Ո ընտ ՚ի բարութենէ զցանկութիւն քո. նորոգեսցի որպէս արծուոյ մանկութիւն քո:

6 Ընէ ողորմութիւնս տէր, և իրաւունս ամենայն զրկելոց:

7 Եցոյց տէր զճանապարհս իւր մովսեսի ,  
որդուոցն խորայելի զկամս իւր :

8 Գլթած ողորմած է տէր , երկայնամիտ  
բազումօղորմ :

9 Ոչ իսպառ բարկանայ մեղ տէր , և ոչ յաւի-  
տեան պահէ ռխս :

10 Ոչ ըստ մեղաց մերոց արար մեղ , և ոչ ըստ  
անօրէնութեան մերում հատոյց մեղ :

11 Այլ որպէս բարձր են երկինք յերկրէ ,  
այնպէս զօրացոյց տէր զողորմութիւն իւր 'ի  
վերայ երկիւղածաց իւրոց :

12 Որչափ հեռի են արեւելք յարեւմտից  
այնպէս հեռի արար 'ի մէնջ զանօրէնութիւնս մեր :

13 Որպէս գլթայ հայր 'ի վերայ որդւոց իւրոց ,  
այնպէս գլթացի տէր յերկիւղածս իւր :

14 Օրի նա գիտաց զստեղծուածս մեր . և  
յիշեաց թէ հող եմք :

15 Մարդոյ որպէս խոտոյ են աւուրք իւր .  
որպէս ծաղիկ վայրի այնպէս ծաղկէ :

16 Շ նչէ 'ի նմա հողմ , և ոչ է և ոչ ևս երեւի  
տեղի նորա :

17 Բայց ողորմութիւն տեսուն յաւիտեանս  
յաւիտենից 'ի վերայ երկիւղածաց իւրոց . և  
արդարութիւն նորա յորդոց մինչև յորդիս :

18 Ոյք պահեն զուխտս նորա , յիշեն զպա-  
տուիրանս նորա և առնեն զնա :

9 Տէր յերկինս պատրաստեաց զաթոռ իւր .  
արքայութիւն նորա ամենեցուն տիրէ :

20 ()րհնեցէք զտէր ամենայն հրեշտակք նորա՝  
հզօրք զօրութեամբ , որ առնէք զբան նորա 'ի  
լսել ձայնի պատգամաց նորա :

21 ()րհնեցէք զտէր ամենայն զօրութիւնք  
նորա , պաշտօնեայք և արարողք կամաց նորա :

22 ()րհնեցէք զտէր ամենայն գործք նորա . ընդ  
ամենայն տեղիս է տէրութիւն նորա . օրհնեա  
անձն իմ զտէր :

Տունք 22 : Գորդայս 48 :

## ՍՆՂ ՄՈՍ ԱՊԻ

Սաղմոս 'ի գառնի . 'ի վերայ աշխարհագործ  
արարածոց :

1 ()րհնեա անձն իմ զտէր . տէր աստուած  
իմ մեծ եղեր յոյժ :

2 Խոստովանութիւն և մեծ վայելչութիւն զգե-  
ցար . արկար զլոյս որպէս զօթոց . ձգեցեր զեր-  
կինս որպէս խորան , և յարկար 'ի վերայ ջուրց  
զվերնայարկս նորա :

3 Ո զնէ յամպս զնացս իւր , և շրջի նա 'ի  
վերայ թեւոց հողմոց :

4 Ո արար զհրեշտակս իւր հոգիս , և զպաշ-  
տօնեայս իւր 'ի հուր կիզելս :



5 Հաստատեաց զերկիր 'ի վերայ Հաստատու  
թեան իւրոյ, զի մի սասանեսցի յաւիտեան :

6 Խորք որպէս գգեստ վերարկու է նորա . 'ի  
վերայ լերանց կացցեն ջուրք :

7 Ի սաստէ քումմէ փախիցեն , և 'ի ձայնէ  
որտալոյ քումմէ սարսիցեն :

8 Ելաննն լեռնանան՝ և իջաննն դաշտանան ,  
'ի տեղի յոր Հաստատեցեր զնոսա :

9 Սահման եղիր՝ և ոչ անցաննն , և ոչ ևս  
դառնան 'ի ծածկել զերկիր :

10 Առաքեցեր զաղբիւրս ընդ ծործորս . 'ի մէջ  
լերանց գնացցեն ջուրք :

11 Արբուցանել զամենայն գաղանս վայրի .  
յագեցցին ցիւք 'ի ծարաւս իւրեանց :

12 Անդ թռչունք երկնից բոյնս զիցեն . և 'ի  
միջոյ վիմաց տացեն զձայնս իւրեանց :

13 Արբուցանէ զլերինս 'ի շտեմարանաց իւրոց .  
'ի պտղոյ գործոց իւրոց լցցի երկիր :

14 Բուսուցեր զխոտ 'ի լերինս , զդալարի 'ի  
ծառայուածիւն մարդկան :

15 Հաներ զՀաց յերկրէ . գինի ուրախ առնէ .  
իւզ դուարթ , և Հաց Հաստատէ զփրտ մարդոյ :

16 Հարեցցին ծառքն տեառն , և մայրքն լիւրա  
նանու՝ զորս դու տնկեցեր :

17 Անդ թռչունք երկնից ձագս Հանցեն . և բոյն  
արագլի ապաւեն է նոցա :

18 Ի երինք բարձունք են եղջերուաց , և վէմք  
ապաւենք նապաստակաց :

19 Արարեր զլուսին վասն ժամանակի . արե  
գակն ծանեաւ զժամ մտանելոյ իւրոյ :

20 Արարեր զխաւար՝ և եղև գիշեր . 'ի նմա  
գնան ամենայն գազանք անտառի :

21 Կորիւնք առիւծուց մնչն և յախշտակն  
և խնդրեն յաստուծոյ զկերակուրս իւրեանց :

22 Ի ծագել արևու ժողովին , և 'ի մորիս  
իւրեանց դադարեն :

23 Ելանէ մարդ 'ի գործս իւր , և 'ի վաստակս  
ձեռաց իւրոց մինչև յերեկոյ :

24 Ո՛րպէս զի մեծ են գործք քո տէր . զամենայն  
ինչ իմաստութեամբ արարեր . և լցաւ երկիր  
ստեղծուածովք քովք :

25 Այս ծով մեծ և անդորր . 'ի սմա են  
սողունք , որ ոչ գոյ թիւ . գազանք մեծամեծք և  
մանտունք . 'ի սմա և նաւք գնան . վիշապն զոր

ստեղծեր խաղալ նովաւ :

26 Ամենեքեան քեղսպասն . և դու տաս կերա  
կուր նոցա 'ի ժամու :

27 Տաս դու նոցա՝ և կերակրին . բանաս զձեռն  
քո , կերակրես զամենեկեան կամօք քովք :

28 Վարձուցանես զերեսս քո 'ի նոցանէ՝ և  
խողովն , Հանես զոգի 'ի նոցանէ , պակասին և 'ի  
Հող դառնան :

29 Առաքես զողի քո և ստանաս զնոսա, և նորոգես զերեսս երկրի:

30 Եղիցին փառք տեառն՝ յաւիտեան. տէր ուրախ եղիցի յարարածս իւր:

31 Ո՛հայի յերկիր, և տայ գողալ սմա. մերձի՛ ՚ի լերինս, և ծխեսցին:

32 ()ըհնեցից զտէր ՚ի կեանս իմ. սաղմոս ասացից աստուծոյ իմոյ մինչև եմ ես:

33 Վաղցր եղիցի նմա օրհնութիւն իմ. և ես ուրախ եղէց ՚ի տէր:

34 Պակասեսցին մեղաւորք յերկրէ, և ամբարիշտ մի՛ ևս գտցի ՚ի նմա. օրհնեա անձն իմ գտէր:

Տուէր 34:

## ՍԵՂՄՈՍ ԸԳ

ԼԷԼ՝Խ:

1 Խոստովան եղերուք տեառն և կարգացէք զանուն նորա. պատմեցէք ՚ի հեթանոսս զգործս նորա:

2 ()ըհնեցէք և սաղմոս ասացէք նմա. պատմեցէք զամենայն սքանչելիս նորա. գովեցարուք յանուն սուրբ նորա:

3 Ուրախ եղիցին սիրտք այնոցիկ՝ որ ինդրեն զտէր. ինդրեցէք զտէր՝ և հղօրք եղերուք. խընդեցէք զերեսս նորա յամենայն ժամ:

4 Յիշեցէք զքանչելիս նորա զոր արար. զառուեստս և զիրաւունս բերանոյ նորա:

5 Օլաւակն արբահամեան ծառայք նորա. որդիք յակորայ ընտրեալք նորա:

6 Վա ինքն է տէր աստուած մեր. յամենայն երկրի են իրաւունք նորա:

7 Յիշեաց յաւիտենից զուխտ իւր, և զբանն՝ զոր պատուիրեաց մինչև ՚ի հազար ամ:

8 Օլուխտն զոր եդ ընդ արբահամու. և զերգումն իւր ընդ սահակայ:

9 Հաստատեաց առ յակոր զհրաման իւր, և առ իսրայէլ զուխտ իւր յաւիտենից:

10 Մե՛, ձեզ տաց զերկիրն քանանու, զվիճակ ժառանգութեան ձերոյ:

11 Օ՛ի էին նորա թուով սակաւք՝ նուազք և պանդուխտք ՚ի նմա:

12 Ընցին նորա ազգէ յազգ, ՚ի թագաւորութենէ ՚ի ժողովուրդ յալլ:

13 Ոչ եթող մարդկան մեղանչել նոցա. կշտամբեաց զթագաւորս վասն նոցա:

4 Ս՛ի մերձենայք ասէ՛ յօժեալս իմ, և ՚ի մարգարէս իմ մի՛ մեղանչէք:

15 Կոչեաց սով յերկիր նոցա. զամենայն զօրութիւն հացի երեկ:

16 Մռաքեաց առաջի նոցա այր. ի ծառայութիւն վաճառեցաւ յովսէփ:



17 Խոնարհ արարին 'ի կապանս զոտս նորա .  
և անց ընդ երկաթս անձն նորա :

18 Մինչև եկեսցէ բան նորա . և բան տեառն  
փորձեաց զնա :

19 Առաքեաց թագաւորն և ելոյծ զնա . իշխան  
ժողովորդեան եթող զնա :

20 Կացոյց զնա տէր տան իւրոյ . իշխան 'ի  
վերայ ամենայն ստացուածոց իւրոց :

21 Խրատել զիշխանս նոցա որպէս զինքն . և  
զճերս նոցա իմաստունս արասցէ :

22 Եմուտ խրայել յերկիպոսոս . յակովբ պան-  
դրխտեցաւ յերկիր քամայ :

23 Աճեցոյց զժողովուրդ իւր յոյժ , և զօրա-  
ցոյց զնոսա քան զթշնամիս իւր :

24 Գարձոյց զսիրտս նոցա ատել զժողովուրդ  
իւր , և 'ի նենգել զճառայս իւր :

25 Առաքեաց զմովսէս ծառայ իւր , և զահա-  
րովն ընտրեալ իւր :

26 Ետ նոցա զբան նշանաց իւրոց , և զա-  
րուեստս իւր յերկիր քամայ :

27 Առաքեաց խաւար և խաւարեցոյց զնոսա , զի  
դառնացուցին զբան նորա :

28 Գարձոյց յարիւն զգետս նոցա , և սպան  
զամենայն ձկունս նոցա :

29 Եռաց յերկիր նոցա գորտ , և 'ի շտեմա-  
րանս թագաւորաց նոցա :

30 Ասաց՝ և եկն շանաճանճ և մթեխ ընդ  
ամենայն սահմանս նոցա :

31 Գարձոյց զանձրևս նոցա 'ի կարկուտ . և  
հուր յերկիր նոցա բորբոքեցաւ :

32 Եհար զայդիս և զթղենիս նոցա , և փրշ-  
րեաց զամենայն ծառս սահմանաց նոցա :

33 Ասաց՝ և եկն մարախ , և խառնիճ՝ զի ոչ  
գոյր թիւ :

34 Եկեր զամենայն խոտ երկրի նոցա . սպա-  
ռեաց զամենայն պտուղ անդոյ նոցա :

35 Եհար զամենայն անդրանիկս եգիպտացուց ,  
զսկիզբն ամենայն վաստակոյ նոցա :

36 Եհան զնոսա ոսկուով և արծաթով . և ոչ  
գոյր յազգի նոցա հիւանդ :

37 Ուրախ եղև եգիպտոս ընդ ելանել նոցա .  
զի անկաւ ահ տեառն 'ի վերայ նոցա :

38 Սիսեաց ամպ՝ հովանի առնել նոցա 'ի  
տուէ , և հրով լոյս տայր նոցա 'ի գիշերի :

39 Խնդրեցին՝ և եկն լորամարդի . և հացիւ-  
երկնից լցոյց զնոսա :

40 Եհար զվէմն՝ և բղխեցին ջուրք , և գնացին  
գետք ընդ անջրդիս :

41 Տիշեաց զբան իւր սուրբ , որ ընդ աբրա-  
համու ծառայի իւրում :

42 Եհան զժողովուրդ իւր ցնծութեամբ ,  
զընտրեալս իւր ուրախութեամբ :

43 Ետ նոցա զբաւառս Հեթանոսաց . 'ի վաստակս ժողովրդոց ժառանգեցոյց զնոսա :

44 Օրի պահեսցեն զվկայութիւնս նորա , և ջորէնս նորա խնդրեսցեն :

Տունք 44 : Գորդայս 78 :

## ՄՆՂՄՈՍ ՆԵ

### ԱԼԷԼԷԻՄ :

1 Խոստովան եղերուք տեառն զի քաղցր է . զի յաւիտեան է ողորմութիւն նորա :

2 Ո՞ր խօսեսցի զգորութիւնս տեառն . լսելի արասցէ զամենայն օրհնութիւնս նորա :

3 Երանի ոյք պահեն զիրաւունս , և առնեն զարդարութիւն յամենայն ժամ :

4 Յիշեա զմեզ տէր ընդ Հաճոյս ժողովրդեան քոյ , և սյց արա մեզ 'ի փրկութեան քում :

5 Տեսցուք մէք զքաղցրութիւն ընտրելոց քոց . ուրախ եղիցուք յուրախութիւն աղբի քոյ , և գովեսցուք մէք 'ի ժառանգութեան քում :

6 Սեղաք մէք ընդ Հարսն մեր , անօրինեցաք և յանցեաք :

7 Հաւքն մեր յեղիպտոս ոչ իմացան զքանչելիս քո , և ոչ յիշեցին զբազում ողորմութիւնս քո :

8 Բարկացուցին զքեզ յանցանքն իւրեանց ընդ ծով կարմիր . փրկեաց զնոսա վասն անուան իւրոյ , զի ծանիցեն զգորութիւնս նորա :

9 Սաստեաց 'ի ծով կարմիր՝ և ցամաքեցաւ .

առաջնորդեաց նոցա ընդ անդունդս որպէս ընդ անապատ :

10 Կեցոյց զնոսա 'ի ձեռաց ատերեաց նոցա , և փրկեաց զնոսա 'ի ձեռաց թշնամեաց նոցա :

11 Ծածկեաց ծով զնեղիչս նոցա . և մի 'ի նոցանէ ոչ ապրեցաւ :

12 Հաւատացին 'ի բան նորա , և օրհնեցին ջորհնութիւնս նորա :

13 Այլ չարվաղեցին և մոռացան զգործս նորա , և ոչ անսացին խորհրդոց նորա :

14 Հանկացան զցանկութիւն յանապատի , և փորձեցին զաստուած յանջրդի :

15 Ետ նոցա զխնդրուածս նոցա . առաքեաց լիութիւն յանձինս նոցա :

16 Բարկացուցին զմովսէս 'ի բանակի , և զահարովն սուրբ տեառն :

17 Բացաւ երկիր և եկուլ զղաղան , և ծածկեաց զբանական զարիւրովի :

18 Հուր վառեցաւ 'ի ժողովս նոցա , և բոց մաշեաց զմեղաւորս :

19 Ըրարին զորթ 'ի բորեր . երկիր պագին պատկերի , և փոխեցին զփառս իւրեանց 'ի նմանութիւն որթու խոտակերի :

20 Սոռացան զաստուած կենարար իւրեանց , որ արար զմեծամեծս իւր յեղիպտոս , զքանչելիս իւր յերկիր քամայ , և զահ իւր 'ի վերայ կարմիր ծովուն :



21 Լսաց սատակել զնոսա, եթէ ոչ մովսէս  
ընտրեալ կայր առաջն նորա :

22 Պարձաւ առ տէր և անցոյց զբարկութիւն  
նորա, զի մի սատակեցին նոքա :

23 Ընարգեցին զերկիրն ցանկալի, և ոչ հաւա-  
տացին բանի նորա :

24 Տրտնջեցին ՚ի բանակս իւրեանց, և ոչ լուան  
ձայնի տեանն :

25 Համբարձ զձեռն իւր ՚ի վերայ նոցա, հար-  
կանել զնոսա յանապատի :

26 Յրուեսցի զաւակ նոցա ընդ հեթանոսս .  
ցրուեսցի զաւակ նոցա ընդ գաւառս :

27 Պղծեցան նոքա ՚ի բէլիեգովր, զի կերան  
զոհեալ և զմեռելոտի :

28 Բարկացուցին զնա ՚ի գործս իւրեանց .  
յաճախեաց ՚ի վերայ նոցա բեկումն :

29 Լսպ եկաց ՚ի մէջ փենեհէս, քաւեաց և  
արգելաւ մահ . համարեցաւ նմա յարդարու-  
թիւն ազգէ յազգ մինչև յաւիտեան :

30 Բարկացուցին զնա ՚ի ջուրսն հակառակու-  
թեան . չարչարեցաւ մովսէս վասն նոցա, զի  
դառնացուցին զողի նորա :

31 Հրամայեաց շրթամբք իւրովք, և ոչ սա-  
տակեցին զազգսն՝ զոր ասաց նոցա տէր :

32 Խոստակեցան ընդ հեթանոսս, և ուսան  
զգործս նոցա . ծառայեցին կռոց նոցա, և եղև  
նոցա ՚ի գայթազողութիւն :

33 Օռհեցին զուստերս և զդատերս իւրեանց  
զիւաց, և հեղին արիւն ամբիծ :

34 Ըրին ուստերաց և դատերաց իւրեանց՝ զոր  
զոհեցին կռոցն քանանու :

35 Հաղախեցաւ երկիր յարնէ նոցա, և  
պղծեցաւ ՚ի գործոց նոցա, զի պոռնկեցան ՚ի  
գնացս իւրեանց :

36 Բարկացաւ սրտմտութեամբ տէր ՚ի վերայ  
ժողովրդեան իւրոյ, և գարշեցոյց զժառանգու-  
թիւն իւր յըժ :

37 Մասնեաց զնոսա ՚ի ձեռս հեթանոսաց,  
տիրեցին նոցա ատելիք իւրեանց, և թշնամբք  
իւրեանց ներդեցին զնոսա, և խոնարհ եղևն ՚ի  
ներքոյ ձեռաց նոցա :

38 Բաղում անգամ փրկեաց զնոսա, և նոքա  
դառնացուցին զնա ՚ի խորհուրդս իւրեանց, և  
կորացան յանօրէնութեան իւրեանց :

39 Հայեցաւ տէր ՚ի ներդութիւնս նոցա ՚ի լսել  
ձայնի աղօթից նոցա :

40 Յիշեաց զուստ իւր, և զղջացաւ ըստ  
բազում ողորմութեան իւրում . ետ զնոսա ՚ի  
գթութիւնս առաջի ամենայն գերչաց նոցա :

41 Փրկեա զմեզ տէր աստուած մեր . և ժողովեա  
զմեզ ՚ի հեթանոսաց :

42 Խոստովան եղիցուք անուան քում սրբոյ,  
և պարծեսցուք յօրհնութիւնս քո :

43 ()ըհնեալ տէր աստուած խորայելի յաւիտեանս յաւիտենից :

44 Եւ ասացե՛տ ամենայն ժողովուրդն եղիցի եղիցի :

Տուրք 44 :

## ՍԵՂՄՈՍ Ա՛Օ.

Եւէլը-իտ :

1 Խոստովան եղերուք տեառն զի քաղցր է, զի յաւիտեան է ողորմութիւն նորա :

2 Եսացեն փրկեալք տեառն, զորս փրկեաց ՚ի ձեռաց թշնամւոյն :

3 Յամենայն գաւառաց ժողովեաց զնոսա, յարեելից և յարեմտից, ՚ի հիւսիսոյ և ՚ի ծովէ :

4 Մոլորեցան նորա յանապատի յանջողի ճանապարհի, քաղաք բնակութեան ոչ գտին :

5 Քաղցեան և ծարաւեցան, և անձինք նոցա ՚ի նոսին նուաղեցան :

6 Եղաղակեցին առ տէր ՚ի նեղութեան իւրեանց . ՚ի վշտաց նոցա փրկեաց զնոսա :

7 Եռաջնորդեաց նոցա ՚ի ճանապարհ ուղիղ, զի երթիցեն ՚ի քաղաք բնակութեան իւրեանց .

8 Խոստովան եղիցին տեառն ողորմութեանց նորա, սքանչելեաց նորա որդիք մարդկան :

9 Օ՛ի յագեցոյց զանձինս քաղցեալս, և զանձինս կարօտեալս լի արար բարութեամբ :

10 Ո՛ք նստէին ՚ի խաւարի և ՚ի ստուերս մահու, կապեալ էին յաղքատութեան որպէս յերկաթս :

11 Օ՛ի դառնացուցին զբանն աստուծոյ, և զնորհուրդս բարձրելոյն բարկացուցին :

12 Խոնարհ եղեն ՚ի ցաւոց սիրտք նոցա . տկարացան, և ոչ որ էր՝ որ օրնէր նոցա :

13 Եղաղակեցին առ տէր ՚ի նեղութեան իւրեանց, ՚ի վշտաց նոցա եհան զնոսա :

14 Փրկեաց զնոսա ՚ի խաւարէ և ՚ի ստուերաց մահու, և խղեաց զկապանս նոցա :

15 Խոստովան եղիցին տեառն ողորմութեանց նորա, սքանչելեաց նորա որդիք մարդկան :

16 Օ՛ի փշրեաց զբրունս պղնձիս, և զնիգս երկաթիս խորտակեաց :

17 ()գնեաց նոցա ՚ի ճանապարհի անօրէնութեան իւրեանց . զի վասն մեղաց իւրեանց խոնարհ եղեն յոյժ :

18 Յամենայն կերակրոց գարշէին սիրտք նոցա . մերձեցան մինչև ՚ի դրունս մահու :

19 Եղաղակեցին առ տէր ՚ի նեղութեան իւրեանց, ՚ի վշտաց նոցա արեցոյց զնոսա :

20 Եռաքեաց զբան իւր և բժշկեաց զնոսա, և փրկեաց զնոսա յապականութենէ իւրեանց :

21 Խոստովան եղիցին տեառն ողորմութեանց նորա, սքանչելեաց նորա որդիք մարդկան :



22 Մատուցեն նմա պատարագ օրհնութեան  
և պատմեցեն զգործս նորա ցնծութեամբ :

23 Ոյք իջանէին 'ի ծով նաւովք , և առնէին  
զգործս 'ի ջուրս բազումս :

24 'Կորա տեսին զգործս տեառն և զսքանչելիս  
նորա 'ի խորս անդնդոց :

25 'Եսաց՝ և յարեաւ հողմ և միրիկ , և բարձ-  
րացան ալիք նորա :

26 Ելանէին յերկինս և իջանէին յանդունդս .  
և անձինք նոցա յանձինս իւրեանց մաշեցան :

27 Խռովեցան սասանեցան որպէս արբեալք , և  
ամենայն իմաստութիւն նոցա ընկլաւ :

28 'Աղաղակեցին առ տէր 'ի նեղութեան իւր-  
եանց . 'ի վշտաց նոցա կեցոյց զնոսա :

29 'Կարձոյց զմիրիկն յօգ՝ և դադարեցին ալիք  
նորա . ուրախ եղեն զի դադարեցին . և առաջ  
նորդեաց նոցա 'ի նաւահանգիստ կամաց իւր-  
եանց :

30 Խոստովան եղիցին տեառն ողորմութեանց  
նորա , սքանչելեաց նորա որդիք մարդկան :

31 'Կարձր արասցեն զնա 'ի ժողովս ժողովորոց ,  
և յաթոռս ծերոց օրհնեցեն զնա :

32 Օյ դարձոյց զզետս 'ի ցամաք , և զգնացս  
ջուրց յերկիր ծարաւուտ :

33 'Արար զերկիրն պողաբեր յաղտաղտուկս՝  
վասն չարութեան բնակչաց նոցա :

34 'Արար զանապատն 'ի ճահիճս ջուրց , և  
զերկիրն ծարաւուտ 'ի գնացս ջուրց :

35 'Նակեցոյց 'ի նմա քաղցեալս . և շինեցին  
քաղաք բնակութեան իւրեանց :

36 Սարեցին արտս և տնկեցին այգիս , և  
արարին պտուղ արմտեաց իւրեանց :

37 () րհնեաց զնոսա՝ և բազմացան յոյժ . և  
անասունք նոցա ոչ նուազեցան :

38 'Կուաղեցան նոքա և չարչարեցան 'ի նեղու-  
թենէ չարեաց և 'ի վշտաց :

39 Եկն անարգութիւն 'ի վերայ իշխանաց  
նոցա . մոլորեցոյց զնոսա յանապատի և ոչ 'ի  
ճանապարհի :

40 () գնեաց տնանկին յաղքատութեան . ա-  
ռաջնորդեաց որպէս խաշին աղբի նոցա :

41 Տեսցեն ուղիղք և ուրախ եղիցին . և ամենայն  
անօրէն խցցէ զբերան իւր :

42 Ո՞վ է իմաստուն՝ որ պահեցէ զայս , և 'ի  
միտ առցէ զողորմութիւնս տեառն :

Տունք 42 :

## ՍՆՂՄՈՍ ՆԴ :

() րնաւ-էկն սողնոսայ 'ի գաւ-էլն :

1 Պատրաստ է սիրտ իմ աստուած , պատ-  
րաստ է սիրտ իմ օրհնել և սաղմոս ասելքեղ  
փառօք իմովք :

2 Օտարութիւնք փառք իմ, զարթիւք սաղմոսիւք  
և օրհնութեամբ, և ես զարթեայց առաւօ-  
տուց :

3 Խոստովան եղէց քեզ 'ի ժողովուրդս տէր, և  
սաղմոս ասացից քեզ յաղինս :

4 Մեծ եղև մինչև յերկինս ողորմութիւն  
քո, մինչև յամպս ճշմարտութիւն քո :

5 Բարձրեալ ես դու յերկինս աստուած, և  
յամենայն երկրի են փառք քո :

6 Որպէս փրկեցան սիրելիք քո . կեցո աջով  
քով և լուր մեզ :

7 Աստուած խօսեցաւ 'ի սրբութենէ իւրմէ .  
բարձր եղէց բաժանեցայց զսիւքէմ, և զհովիտսն  
յարկաց չափեցից :

8 Իմ է գաղաադ և իմ է մանասէ . եփրեմ  
հզօրիչ գլխոյ իմոյ :

9 Յուդայ թագաւոր իմ . մովաբ աւազան  
յուսոյ իմոյ :

10 Յեղովմէ ուղղեցից զգնացս իմ . և ինձ  
այլազգիք հնազանդ եղին :

11 Ո՞ տարցէ զիս 'ի քաղաք ամուր, կամ ո՞  
առաջնորդեսցէ ինձ մինչև յեղովմէ :

12 Թէ ոչ դու աստուած, որ մերժեցեր զմեզ .  
և ոչ ելեր աստուած ընդ զօրս մեր :

13 Տուր մեզ օգնութիւն 'ի նեղութեան, զի  
սուտ է փրկութիւն մարդոյ :

14 Աստուծով արասցուք զօրութիւն . և նա  
յամսթ արասցէ զժնամիս մեր :

Տունք 14 :

## ՍՆՂ ՍՈՍ ՆՐ

Ի Կապուրած . սուրնս 'ի գաւելլ :

1 Աստուած օրհնութեան իմոյ մի՛ լուր, զի  
բերան մեղաւորի՛ բերան նենգաւորի բացաւ 'ի  
վերայ իմ :

2 Խօսեցան զինէն լեղուաւ նենգաւորաւ, և  
բանիւ ատելութեամբ պաշարեցին զիս :

3 Մարտեան ընդ իս 'ի տարապարտուց . փոխա-  
նակ սիրոյ իմոյ մատնէին զիս, սյլ ես յաղթս  
կայի :

4 Հատուցին ինձ չար փոխանակ ընդ բարւոյ,  
ատելութիւն փոխանակ սիրոյ իմոյ :

5 Կացո 'ի վերայ նորա մեղաւոր . սատանայ  
կացցէ ընդ աջմ նորա :

6 Ի դատաստանէ իւրմէ ելցէ դատապարտեալ,  
և աղօթք նորա 'ի մեղա դարձցին :

7 Եղիցին առուրք նորա նուազ, և զայցելու-  
թիւն նորա զայն սյլ տարցի :

8 Եղեցին որդիք նորա որբ, և կին նորա այրի-  
սահեսցին փոփոխեցոյին . որդիք նորա մուրդք  
եղիցին, և ելցին 'ի բնակութենէ իւրեանց :



9 Քննեսցէ փոխատու զամենայն ինչս նորա .  
յափշտակեսցնն օտարք զվաստակս նորա :

10 Մի գտցի օգնական նմա . և մի ոք ողոր-  
մեսցի ՚ի վերայ որբոց նորա :

11 Եղիցին որդիք նորա ՚ի սատակումն , և  
յազգէ ջնջեսցի անուն նորա :

12 Յիշեսցին մեղք հօր նորա առաջի տեառն .  
և մեղք մօր նորա մի ջնջեսցին , և եղիցին առաջի  
տեառն յամենայն ժամ :

13 Սատակեսցի յերկրէ յիշատակ նորա , փո-  
խանակ զի ոչ յիշեաց առնել զողորմութիւն :

14 Հալածեաց զայր աղքատ և զտնանկ . սպա-  
նանել զայն , որ խոնարհ է սրտի :

15 Սիրեաց զանէծս՝ և ելցէ նմա . ոչ կամեցաւ  
զօրհնութիւն , հեռի եղիցի ՚ի նմանէ :

16 Օգեցաւ զանէծս որպէս հանդերձ . մտցէ  
որպէս ջուր ՚ի փոր նորա . որպէս ձէթ ընդ ոսկերս  
նորա :

17 Եղիցի նմա որպէս հանդերձ՝ զի ագանի  
որպէս դօտի՝ որ ածի հանապազ ընդ մէջ :

18 Եյս դործ է այնոցիկ , որ չարախօս կային  
զինէն առ տէր , և ոյք խօսէին չար զանձնէ  
իմիկ :

19 Ելլ գու տէր տէր՝ արա ընդ իս ըստ անուան  
քում , զի քաղցր է ողորմութիւն քո . և փրկեա  
ղիս , զի աղքատ և տնանկ եմ ես :

20 Սիրտ իմ խռովեցաւ ՚ի փորի իմում . և ես  
որպէս ստուեր ՚ի խոստափել իմում պակասեցայ ,  
և թօթափեցայ որպէս մարախ :

21 Ծուռնկք իմ տկարացան ՚ի պահոց , և մար-  
մին իմ այլագունեաց յիւղոյ :

22 Եղէ ես նախատ նոցա . տեսին զիս՝ և շար-  
ժեցին զգլուխս իւրեանց :

23 Օղնեա ինձ տէր աստուած իմ , և փրկեա  
ղիս ըստ ողորմութեան քում :

24 Ծանիցեն զի ձեռն քո այս է , և դու տէր  
արարեր զայս :

25 Նոքա անիծանիցեն , և դու օրհնեսցես .  
ոյք յարուցեալ են ՚ի վերայ իմ , ամօթ կրեսցեն .  
այլ ծառայ քո ուրախ եղիցի ՚ի քեզ :

26 Օգեցցին զամօթ՝ որ չարախօս կային զանձ-  
նէ իմիկ . և արկցնն որպէս կրկնոց զամօթ  
իւրեանց զիւրեամբք :

27 Ելլ ես խոստովան եղէց առ տէր յոյժ  
բերանով իմով . ՚ի մէջ բազմաց օրհնեցից  
զքեզ :

28 Օ՛ի եկաց նա ընդ աջմէ տնանկին , փրկել  
ղիս յայնցանէ՝ ոյք հալածեն զանձն իմ :

Տունք 18 .

## ՍԵՂՄՈՍ Ա՛Ժ

Ի Խորարած . ստղիս 'ի դաւ-իլն :

1 Ասաց տէր ցտէր իմ , նիստ ընդ աջմէ իմմէ , մինչև եղից զթշնամիս քո պատուանդան ոտից քոց :

2 Գաւազան զօրութեան առաքեսցէ քեզ տէր 'ի սիովնէ , և տիրեսցես դու 'ի մէջ թշնամեաց քոց :

3 Ընդ քեզ է ինձ սկիզբն աւուրց զօրութեան . 'ի վայելչութիւն սրբոց քոց յարգանդէ յառաջ քան զարուսեակ ծնայ զքեզ :

4 Երդուաւ տէր և ոչ ևս զղջացի , թէ դու ես քահանայ յաւիտեան ըստ կարգին մելքիսեդեկի , և տէր ընդ աջմէ քումմէ :

5 Խորտակեսցէ յաւուր բարկութեան զթա- գաւորս , դատի զՏեթանսս , և բազում առնէ զՏարուածս , և խորտակեսցէ զգլուխս բազմաց յերկրի :

6 Օւղիս 'ի ճանապարհի արբուսցէ . վասն այտորիկ և բարձր արասցէ զգլուխս :

Տունք 6 : Գորդայս 48 :

## ՍԵՂՄՈՍ Ա՛Ժ

Եւէլ-իս :

1 Խոստովան եղէց քեզ տէր բոլորով սրտիւ իմով , 'ի խորհուրդս ուղղոց 'ի ժողովուրդս մեծ են գործք տեսուն , և քննեալ են յամենայնի կամք նորա :

2 Խոստովանութիւն և վայելչութիւն են գործք նորա . արդարութիւն նորա մնայ յաւիտեանս յաւիտենից :

3 Յիշատակ արար սքանչելեաց իւրոց ուղղոց . ողորմած գթած է տէր , կերակուր տայ երկիւղա- ծաց իւրոց :

4 Յիշեաց յաւիտենից զուխտ իւր . զզօրութիւն գործոց իւրոց պատուիրեաց ժողովողեան իւրում :

5 Տալ նոցա ժառանգութիւն Տեթանոսաց . և գործք ձեռաց նորա արդարութիւն և իրաւունք են :

6 Հաւատարիմ են յամենայնի պատուիրանք նորա . հաստատեալ են յաւիտեանս յաւիտենից . արարեալ են ճշմարտութեամբ և ուղղութեամբ :

7 Փրկութիւն առաքեաց տէր ժողովողեան իւ- րում . պատուիրեաց յաւիտենից զուխտ իւր . սուրբ և ահեղ է անուն նորա :

8 Սկիզբն զգծնութեան երկիւղ տեսուն . խմաս-



տուժիւն բարի ամենեցուն՝ որ առնեն զնա . և օրհնութիւն նորա մնայ յաւիտեանս յաւիտեանից :

Տունք 8 :

## ՍԵՂՍՈՍ ՆՃԻՆ

Եւէլո՛ւս . 'ի վերայ ապաշխարո՞ւթեան անգլեայ եւ աւստրիայ :

1 Երանեալ է այր՝ որ երկնչի 'ի տեառնէ , զպատուիրանս նորա նա կամի յոյժ :

2 Հզօր եղիցի յերկրի զաւակ նորա , և ազօր ուղղոց օրհնեացի :

3 Փառք և մեծութիւն են 'ի տան նորա . արդարութիւն նորա մնայ յաւիտեանս յաւիտեանից :

4 Ծաղեաց 'ի խաւարի լոյս ուղղոց . ողորմած գթած և արդար է տէր :

5 Քաղցր այր ողորմի և տայ փոխ . յօրինէ զբան իւր 'ի դատաստանի , զի յաւիտեան նա մի՞ սասանեցի :

6 Յիշատակ յաւիտենից եղիցի արդարն . 'ի համբաւէ չարէ նա մի՞ երկիցէ :

7 Պատրաստ է սիրտ նորա յուսայ առ աստուած :

8 Հաստատեալ է սիրտ նորա . և նա մի՞ երկիցէ մինչև տեսցէ 'ի թշնամիս իւր :

9 Սիռեաց՝ և ետ աղքատաց . արդարութիւն նորա մնայ յաւիտեանս յաւիտենից , և եղջիւր նորա բարձր եղիցի փառք :

10 Սեղաւորն տեսցէ և բարկացի . զատամունս իւր կրճտեսցէ և հալեսցի . և ցանկութիւն մեղաւորաց կորիցէ :

Տունք 10 :

## ՍԵՂՍՈՍ ՆՃԻՐ

Եւէլո՛ւս :

1 Օրհնեցէք մանկունք զտէր . և օրհնեցէք զանուն տեառն :

2 Եղիցի անուն տեառն օրհնեալ յայսմ՝ հետ մինչև յաւիտեան :

3 Յարևելից մինչև 'ի մուտս արևու օրհնեալ է անուն տեառն :

4 Բարձր է 'ի վերայ ամենայն ազգաց տէր , և յերկինս են փառք նորա :

5 Ո՛րք է որպէս տէր աստուած մեր 'ի բարձունս բնակեալ , և զխոնարհս տեսանէ յերկինս և յերկրի :

6 Յարուցանէ զաղքատս յերկրէ , և բարձր առնէ զտառապեալս յաղբեաց :

7 Ղստուցանէ զնոսա իշխանս ընդ իշխանս ժողովրդեան իւրոյ :

8 Բնակեցուցանէ զամուշն ՚ի փան ուրախամիտ որպէս մայր որդւոց բերկրեալ :

Տունք 8 :

## ՍԵՂՄՈՍ ՆԺԳ

Աւելուիա :

1 Յերանկն խորայելի յերկպտոսէ . տանն յակովբայ ՚ի ժողովրդենէ այլազգեաց :

2 Եղև հրէաստան սրբու թիւն նորա , և խորայէլ իշխանութիւն նորա :

3 Օտով ետես և փախուաւ , և յորդանան անդրէն դարձաւ :

4 Լերինք ցնծացին որպէս խոյք , և բլուրք որպէս գառինք մաքեաց :

5 Օր է քեզ ծով . զո՞ տեսեր և փախեար . կամ դու յորդանան զլ՞ դարձար անդրէն :

6 Լերինք՝ ցնծացէք որպէս խոյք , և բլուրք որպէս գառինք մաքեաց :

7 Յերեսաց տեսան սասանեցաւ երկիր , յերեսաց աստուծոյ յակովբայ :

8 Ո դարձոյց զվէմն ՚ի վտակս ջուրց , և զապառածն յաղբերակունս :

9 Ս՚ի մեզ տէր՝ մի՞ մեզ , այլ անուան բումտուր զփառս վասն ողորմութեան և ճշմարտութեան քշ :

10 Ս՚ի երբէք ասացեն ՚ի հեթանոսս , թէ ուր է աստուած նոցա :

11 Ըստուած մեր յերկինս և յերկրի՝ զամենայն զոր ինչ կամեցաւ՝ և արար :

12 Կուռք հեթանոսաց ոսկի և արծաթ են , ձեռագործ են որդւոց մարդկան :

13 Բերան ունին , և ոչ խօսին . աչս ունին , և ոչ տեսանեն :

14 Ըկանջս ունին և ոչ լսեն . ունչս ունին , և ոչ հոտոտին :

15 Չեսս ունին , և ոչ շօշախեն . օտս ունին , և ոչ գնան . և ոչ գոյ բարբառ ՚ի կովորդս նոցա :

16 Վման նոցա եղիցին՝ ոյք արարին զնոսս , ամենեքեան որ յուսացեալ են ՚ի նոսս :

17 Տուն խորայելի յուսացաւ ՚ի տէր . օգնական ընդունելի է նոցա :

18 Տուն ահարոնի յուսացաւ ՚ի տէր . օգնական ընկերելի է նոցա :

19 Երկիւղածք տեսան յուսացան ՚ի տէր , օգնական և փրկիչ է նոցա :

20 Յիշեաց զմեզ տէր և օրհնեաց զմեզ . օրհնեաց տէր զտունն խորայելի . օրհնեաց տէր զտունն ահարոնի :

21 Օրհնեաց տէր զերկիւղածս իւր , զփորկունս և զմեծամեծս :



22 Յաւելցէ 'ի ձեզ տէր , 'ի ձեզ և յորդիս ձեր :

23 () րհնեալ էք դուք 'ի տեառնէ , որ արար զերկինս և զերկիր :

24 Երկինք երկնից տեառն են . և զերկիրս ետ որդւոց մարդկան :

25 Ոչ թէ մեռեալք օրհնեսցեն զքեզ , և ոչ ամենեքեան՝ որ իջանն 'ի գոփս :

26 Ե՛յլ կենդանիք օրհնեսցուք զտէր յայսմ՝ Տէտէ մինչև յաւիտեան :

Տունք 26 : Գորզայս 52 :

## ՄԱՂՄՈՍ ՆՃԻՒ

### Եւէլ-իւ :

1 Սիրեցի զի լուիցէ տէր զձայն աղօթից իմոց . խոնարհեցոյց զունկն իւր առ իս , և ես յառուրս իմ կարգացի առ նա :

2 Ըջեցան զինև երկունք մահու , և վիշտք գոփոսոց գտին զիս :

3 Օնեղութիւն և զանձկութիւն գտի , և զանուն տեառն կարգացի :

4 Ո՛ տէր՝ փրկեա զանձն իմ . ողորմած և արդար է տէր աստուած մեր . ողորմի և պահէ զտղայս տէր :

5 Ես խոնարհ եղէ՝ և տէր կեցոյց զիս . դարձանձն իմ 'ի հանդիսս քո , զի տէր օրհնեաց քեզ :

6 Փրկեաց զանձն իմ 'ի մահուանէ , զաչս իմ

յարտասուաց , և զոտս իմ 'ի դայթագղուծենէ . հաճոյ եղէց առաջի տեառն յերկրին կենդանեաց :

Տունք 6 :

## ՄԱՂՄՈՍ ՆՃԻՒ

### Եւէլ-իւ :

1 Հաւատացի զոր և խօսեցայ , և ես խոնարհ եղէ յոյժ :

2 Ես ասացի 'ի զարմանալ իմում , թէ ամենայն մարդ սուտ է :

3 Օ՛րհնէ տաց տրիտուր տեառն ընդ ամենայնի՝ զոր և ետ ինձ :

4 Բաժակ փրկութեան ընկալայց , և զանուն տեառն կարգացից :

5 Օ՛ աղօթս իմ տեառն տաց առաջի ամենայն ժողովրդեան նորա :

6 Պատուական է առաջի տեառն մահ սրբոց իւրոց . ո՛ տէր ես ծառայ քո եմ , ծառայ և որդի աղախնոյ քո :

7 Հատեր զկապանս իմ . քեզ մատուցից պատարագ օրհնութեան , և զանուն տեառն կարգացից .

8 Օ՛ աղօթս իմ տեառն տաց առաջի ամենայն ժողովրդեան նորա , 'ի գաւիթս տան տեառն , և 'ի մէջ քո երուսաղէմ :

Տունք 8 :

## ՍԵՂՄՈՍ ԱՃԻՉ

## Աւելուիւս :

1 Օրհնեցէք զտէր ամենայն ազինք . գովեցէք զնա ամենայն ժողովուրդք :

2 Օգորացի ողորմութիւն նորա 'ի վերայ մեր . ճշմարտութիւն տեսան մնացէ յաւիտեան :

Տունք 2 :

## ՍԵՂՄՈՍ ԱՃԻԷ

## Աւելուիւս :

1 Խոստովան եղերուք տեսան , զի բարի է , զի յաւիտեան է ողորմութիւն նորա :

2 Ասացէ տուն իսրայելի՛ զի բարի է . զի յաւիտեան է ողորմութիւն նորա :

2 Ասացէ տուն ահարոնի՛ զի յաւիտեան է ողորմութիւն նորա :

4 Ասացեն երկիւզածք տեսան՝ զի բարի է , զի յաւիտեան է ողորմութիւն նորա :

5 Ի ներութեան կարգացի առ տէր , և լուաինձ յանդորր :

6 Տէր է իմ օգնական , և ես ոչ երկեայց , զի՛ արացէ ինձ մարդ :

7 Տէր է իմ օգնական , և ես տեսից 'ի թշնամիս իմ :

8 Բարի է յուսալ 'ի տէր՝ քան յուսալ 'ի մարդիկ . բարի է յուսալ 'ի տէր՝ քան յուսալ յիշխանս :

9 Ամենայն ազինք շրջեցան զինև , և անուամբ տեսան յաղթեցի նոցա :

10 Շրջելով շրջեցան զինև , պաշարեցին զիս 'ի միասին . և անուամբ տեսան վանեցի զնոսա :

11 Շուրջ եղեն զինև որպէս մեղուք , վառեցան բորբոքեցան որպէս փուշք 'ի հուր . և անուամբ տեսան մերժեցի զնոսա :

12 Ի մերժելն դրդուեցայ , և եղէ մերձ 'ի գլորել . և տէր ընկալաւ զիս :

13 Օգորութիւն իմ և օգնութիւն իմ տէր , և եղև ինձ 'ի փրկութիւն :

14 Ձայն ցնծութեան փրկութեան 'ի յարկս արդարոց :

15 Աջ տեսան արար զօրութիւն , աջ տեսան բարձր արար զիս , և աջ տեսան արար զօրութիւն :

16 Ոչ մեռայց , այլ կեցից և պատմեցից զգործս տեսան :

17 Խրատելով խրատեաց զիս տէր , և 'ի մահ ոչ մատնեաց :

18 Բացէք ինձ զգորունս արդարութեան , զի մտից ընդ այն , և խոստովան եղէց տեսան :



19 Այս դուռն տեառն է, և արդարք մտանեն ընդ սա :

20 Խոստովան եղէց քեզ տէր, զի լուար ինձ, և եղեր ինձ 'ի փրկութիւն :

21 Ա էմն զոր անարգեցին շինողքն, նա եղև գրուխ անկեան :

22 Ի տեառնէ եղև այս, և է սքանչելի առաջի աչաց մերոց :

23 Այս օր է զոր արար տէր . եկայք ջըն-ծասցուք և ուրախ եղիցուք 'ի սմա :

24 Ո՛ տէր փրկեա, ո՛ տէր առաջնորդեա . օրհնեալ որ գալոցդ ես յանուն տեառն, և օրհնեցար զքեզ 'ի տանէ տեառն :

25 Տէր աստուած մեր երևեցաւ մեզ . արարէր տօնս ուրախութեան՝ կանխաւ, մինչև յանկիւնս սեղանոյ :

26 Աստուած իմ ես դու՝ խոստովան եղէց քեզ . աստուած իմ ես դու՝ և բարձր արարից զքեզ :

27 Խոստովան եղէց քեզ տէր՝ զի լուար ինձ, և եղեր ինձ 'ի փրկութիւն :

28 Խոստովան եղերուք տեառն զի բարի է, զի յաւիտեան է ողորմութիւն նորա :

Տունք 28 : Գործայս 44 :

## ՍԵՂՄՈՍ ԱՃԻՐ

Աւելուիս :

1 Երանեալ են անբիժք 'ի ճանապարհի, և ոյք դնան յօրէնս տեառն :

2 Երանի ոյք քննեն զվկայութիւն նորա, բոլորով սրտիւ իւրեանց ինդրեացն զնա :

3 Ոչ թէ զք գործեն զանօրէնութիւն, 'ի ճանապարհս նորա դնացնն :

4 Գու պատուիրեցեր զպատուիրանս քո 'ի պահել ինձ յոյժ :

5 Երանի թէ յաջողեալ էին ինձ ճանապարհք իմ 'ի պահել ինձ զարդարութիւնս քո :

6 Յայնժամ ես ոչ ամաչէի 'ի զգուշանալ ինձ 'ի պատուիրանս քո :

7 Խոստովան եղէց քեզ տէր յուզողութիւն սրտի իմոյ . որպէս ուսայց զիւրաւունս արդարութեան քո :

8 Օխրաւունս քո պահեցի, մի՛ թողուր զիս մինչ իսպառ :

9 Ի՞նչ ուզողեցէ երիտասարդ զճանապարհս իւր, այլ 'ի պահել զքանս քո :

10 Թողրով սրտիւ իմով ինդրեցի զքեզ, մի՛ մերժեր զիս 'ի պատուիրանաց քոց :

11 Ի սրտի իմում թագուցի զքանս քո, որպէս զի մի՛ մեղայց քեզ :

12 Օրհնեալ ես դու տէր, ուստ ինձ զարդարու թիւնս քո :

13 Հրթամբք իմովք պատմեցից զամենայն իրաւունս բերանոյ քո :

14 Ի ճանապարհս վկայութեանց քոց զուարճացայ, որպէս յամենայն ՚ի մեծութեան :

15 Ի պատուիրանս քո հոգացայ, և զգուշացայ ՚ի ճանապարհս քո :

16 Օ, իրաւունս քո խօսեցայ, և ոչ մոռացայ զբանս քո :

17 Հատո ծառայի քում, և կեցից և պահեցից զբանս քո :

18 Օ, արթո զաչս իմ, և նայեցայց ՚ի սքանչելիս օրինաց քոց :

19 Պանդուխտ եմ ես յերկրի, մի թագուցաներ յինէն զպատուիրանս քո :

20 Փափագեաց անձն իմ ՚ի ցանկալ ինձ յիռաւունս քո յամենայն ժամ :

21 Սաստեցեր ամբարտաւանից . անիծեալ՝ ոյք խոտորեցան ՚ի պատուիրանաց քոց :

22 Ի բաց արա յինէն զնախատինս և զարհամարհանս, զի զվկայութիւնս քո խնդրեցի :

23 Բանղի նստան իշխանք և չարախօսէին զինէն . այլ ծառայ քո խորհէր յիրաւունս քո :

24 Օ, ի վկայութիւնք քո խօսք իմ էին, և խորհուրդք իմ արդարութիւն քո :

25 Մերձեցաւ անձն իմ ՚ի հող, տէր կեցո զիս ըստ բանի քում :

26 Օ, ճանապարհս իմ պատմեցի քեզ՝ և լուար ինձ, ուստ ինձ զարդարութիւնս քո :

27 Ի ճանապարհս արդարութեանց քոց իմաստուն արա զիս, և քննեցից զսքանչելիս քո :

28 Տքնեցաւ անձն իմ առ ՚ի ճանձրանալ . հաստատեա զիս ՚ի բանս քո :

29 Օ, ճանապարհս մեղաց ՚ի բաց արա յինէն, և յօրէնս քո ողորմեա ինձ :

30 Օ, ճանապարհս ճշմարտութեան քո ընտրեցի, և զիրաւունս քո ես ոչ մոռացայ :

31 Մերձեցայ ես ՚ի վկայութիւնս քո, տէր մի յամօթ առներ զիս :

32 Ի ճանապարհս պատուիրանաց քոց ընթացայ, զի անդորր արարեր սրտի իմոյ :

33 Օրէնսպետ արա զիս տէր ՚ի ճանապարհս իրաւանց քոց, և խնդրեցից զնա յամենայն ժամ :

34 Իմաստուն արա զիս . և քննեցից զօրէնս քո, և պահեցից զնա բոլորով սրտի իմով :

35 Լուսնորդեա ինձ ՚ի շաւիղս պատուիրանաց քոց, զի ընդ նոսա հաճեցայ :

36 Խոնարհեցո զսիրտ իմ ՚ի վկայութիւնս քո, և մի յաղահաւթիւնս :

37 Գարձո զաչս իմ, զի մի տեսից զնանրութիւն . ՚ի ճանապարհս քո կեցո զիս :



38 Հաստատեա ծառայի քում զբան քո յերկիւղ քո :

39 Հան յինէն զնախատինս , զոր և կարծեցի . զի դատաստանք քո քաղցր են :

40 Ահա ցանկացայ պատուիրանաց քոց . յարդարութեան քում կեցո զիս :

41 Եկեսցէ 'ի վերայ իմ ողորմութիւն քո տէր , և փրկութիւն քո ըստ բանի քում :

42 Տաց պատասխանի ոյք նախատեն զիս բաւիւք . զի ես 'ի բանս քո յուսացայ :

43 Ա'ի 'ի բացէ առներ 'ի բերանոյ իմմէ զբան ճշմարտութեան մինչև յոյժ , զի յիրաւունս քո յուսացայ :

44 Պահչեցի զօրէնս քո յամենայն ժամ , յաւիտեան և յաւիտեանս յաւիտենից :

45 Գնայի ես յանդորրու , զի զպատուիրանս քո խնդրեցի :

46 Խօսէի զվկայութիւնս քո առաջի թագաւորաց , և ոչ ամաչէի :

47 Խորհէի 'ի պատուիրանս քո , զոր սիրեցի :

48 Համբարձի զձեռս իմ 'ի պատուիրանս քո զոր սիրեցի , և խորհէի յարդարութեան քում :

49 Հիշեա զբան ծառայի քո , յոր և յուսացուցեր զիս :

50 Աս մտիթարեսցէ զիս 'ի խոնարհութեան իմում . զի բան քո կեցոյց զիս :

51 Ամբարտաւանք անիրաւեցան յիս յոյժ . այլ յօրինաց քոց ես ոչ խոտորեցայ :

52 Հիշեցի զիրաւունս քո յաւիտենից տէր , և մտիթարեցայ :

53 Տրտմութիւն կալաւ զիս 'ի մեղաւորաց , և ոյք թողին զօրէնս քո :

54 Գովելի են ինձ իրաւունք քո 'ի տեղով պանդխտութեան իմոյ :

55 Հիշեցի 'ի գիշերի զանուն քո տէր , և պահչեցի զօրէնս քո :

56 Աս եղև ինձ ճանապարհ 'ի կեանս , զի զարդարութիւնս քո խնդրեցի :

Տունք 56 :

57 Բաժին իմ ես դու տէր , ասացի պահչեի ինձ զօրէնս քո :

58 Աղաչեցի զերեսս քո բոլորով սրտիւ իմով . ողորմեա ինձ ըստ բանի քում :

59 Խորհեցայ 'ի ճանապարհս իմ , և դարձուցի զոտս իմ 'ի վկայութիւնս քո :

60 Պատրաստեցայ և ոչ խռովեցայ , զի պահչեցի զպատուիրանս քո :

61 Տոռունք մեղաց պատեցան զինև . այլ զօրէնս քո ես ոչ մոռացայ :

62 Ի մէջ գիշերի յառնէի խոստովան լինել առ քեզ վասն իրաւանց և արդարութեան քո :

63 Հաղորդ էի ես ամենայն երկկեղածաց քոց , որոց պահեալ է զպատուիրանս քո :

64 Ողորմութեամբ տեսան լի եղև երկիր . զարդարութիւնս քո ուսո ինձ :

65 Վաղցրութիւն արարեր ընդ ծառայի քում տէր ըստ բանի քում :

66 Վաղցրութիւն , զխրատ և զգիտութիւն ուսո ինձ , զի 'ի պատուիրանս քո ես հաւատացի :

67 Մինչև խոնարհեալ էի ես՝ մեղայ . վասն այսորիկ զբանս քո պահեցի յոյժ :

68 Վաղցր ես դու տէր , և քաղցրութեամբ քով ուսո ինձ զարդարութիւնս քո :

69 Ռազմացան յիս անիրաւութիւնք ամբարտաւանից . այլ ես բողբոջ սրտիւ իմով քննեցի զպատուիրանս քո :

70 Ս՝ածեաւ որպէս կաթն սիրտք նոցա . այլ ես զօրէնս քո խօսեցայ :

71 Ռարի է ինձ զի խոնարհ արարեր զիս , որպէս ուսայց զարդարութիւնս քո :

72 Ռարի են ինձ օրէնք բերանոյ քո , բան զհաղարս ոսկւոյ և արծաթոյ :

73 Չեռք քո արարին և ստեղծին զիս , իմաստուն արա զիս , և ուսայց զպատուիրանս քո :

74 Երկկեղածք քո տեսցեն զիս և ուրախ եղիցին , զի ես 'ի բանս քո յուսացայ :

75 Օճանեայ տէր զի արդարութեամբ են դատաստանք քո . յիրաւի խոնարհեցուցեր զիս :

76 Եղիցի ողորմութիւն քո 'ի մխիթարել զիս , ըստ բանի քում զճառայս քո :

77 Եկեսցեն յիս գթութիւնք քո՝ և կիցից , զի օրէնք քո խօսք իմ էին :

78 Մանչեսցեն ամբարտաւանք՝ որ 'ի տարապարտուց անիրաւեցան յիս . այլ ես հոգացայ 'ի պատուիրանս քո :

79 Խրատեսցեն զիս երկկեղածք քո , և ոյք ճանաչեն զվկայութիւնս քո :

80 Եղիցի սիրտ իմ անբիժ յարդարութեան քում , զի մի՛ ամաչեցից :

81 Կարօտացաւ անձն իմ 'ի փրկութիւնս քո , զի ես 'ի բանս քո յուսացայ :

82 Սպասեցին աչք իմ բանի քում . ասացի՛ երբ մխիթարեսցէ զիս :

83 Եղէ ես որպէս տիկ 'ի պարլի , զի զարդարութիւնս քո ես ոչ մոռացայ :

84 Վճանի՛ ինչ են աւուրք ծառայի քո . երբ արասցես ինձ իրաւունս 'ի հալածչաց իմոց :

85 Պատմեցին ինձ անօրէնք զխորհուրդս , այլ ոչ որպէս զօրէնս քո :

86 Մանայն պատուիրանք քո ճշմարիտ են . 'ի սանիր հալածեցին զիս , օգնեա ինձ :



87 Վոքը մի ևս և կորուսանէին զիս յերկրի . այլ ես ոչ թողի զպատուիրանս քո :

88 Բստ ողորմութեան քում կեցո զիս , և պահեցից զվկայութիւնս բերանոյ քո :

89 Հաւիտեան տէր բան քո կայ յերկինս , ազգէ մինչև յազգէ ճշմարտութիւն քո :

90 Հաստատեցեր զերկիր՝ և կայ :

91 Հրամանի քում մնայ տիւ , զի ամենայն ծառայ քո է :

92 Եթէ ոչ օրէնք քո խօսք իմ էին , կանխաւ ևս արգեօք կորուսեալ էի 'ի խոնարհութեան իմում :

93 Հաւիտեան ոչ մոռացայց զարդարութիւնս քո , զի նոքօք կեցուցեր զիս .

94 Վրո եմ ես և կեցո զիս , զի զարդարութիւնս քո խնդրեցի :

95 Ինձ սպասեցին մեղաւորք 'ի կորուսանել , զի զվկայութիւնս քո ես 'ի միտ առի :

96 Համենայն կատարածի տեսի զվախճան . յոյժ անդորր էին ինձ պատուիրանք քո :

97 Որպէս սիրեցի զօրէնս քո , զօրհանապաղ խօսք իմ էին :

98 Վրան զթշնամիս իմ իմաստուն արարեր զիս 'ի պատուիրանս քո , զի յաւիտեան իմ էին :

99 Վրան զամենայն ուսուցիչս իմ իմաստունս եղէ , զի վկայութիւնք քո խօսք իմ էին :

100 Վրան զծերս իմաստուն եղէ , զի զպատուիրանս քո քննեցի :

101 Համենայն ճանապարհաց չարաց արգելի զոտս իմ , որպէս զի պահեցից զբանս քո :

102 Հիրաւանց քոց ես ոչ խոտորեցայ , զի դու օրէնսդէտ արարեր զիս :

103 Որպէս զի քաղցր են 'ի քիմն իմ բանք քո՝ քան զմեղք բերանոյ իմոյ :

104 Ի պատուիրանաց քոց իմացեալ ատեցի զամենայն ճանապարհս չարաց , զի դու օրէնսդէտ արարեր զիս :

105 Ղրագ է բան քո ոտից իմոց , և լոյս տայ շաւղաց իմոց :

106 Երգուայ և հաստատեցի , զի պահեցից զամենայն իրաւունս արդարութեան քո :

107 Խոնարհ եղէ մինչև յոյժ . տէր կեցո՞ զիս ըստ բանի քում :

108 Բնդ կամս բերանոյ իմոյ հաճեա տէր , և զիրաւունս քո ուստ ինձ :

109 Ընձն իմ 'ի ձեռս քո յամենայն ժամ , և զօրէնս քո ես ոչ մոռացայ :

110 Եղին ինձ մեղաւորք որոգայթ . 'ի պատուիրանաց քոց ես ոչ մոլորեցայ :

111 Աւառանգեցի զվկայութիւնս քո յաւտեան , զի ցնծութիւն է սրտի իմոյ :

112 Խոնարհեցուցի զսիրտ իմ առնել զար-

զարու թիւնս քո յաւիտեան վասն հատուցման :

113 Օւանօրէնս ատեցի , և զօրէնս քո սիրեցի :

114 () գնական և փրկիչ իմ ես դու , և ես 'ի բանս քո յուսացայ :

115 Ի բաց եղերուք յինէն չարք , և քննեցից զպատուիրանս աստուծոյ իմոյ :

116 () գնեա ինձ ըստ բանի քում և կեցո զիս , և մի՛ յսոճթ առներ զիս 'ի յուսոյ իմմէ :

117 () գնեա ինձ և ապրեցո զիս , և խորհեցայց յիրաւունս քո յամենայն ժամ :

118 Անարգեցեր զամենեսեան՝ որ աոյստամբ եղին յարդարութեանց քոց . զի անիրաւութեամբ էին խորհուրդք նոցա :

119 Յանցաւորս համարեցայ զամենայն մեղաւորս երկրի . վասն այսորիկ սիրեցի զպատուիրանս քո :

120 Բեւեա ընդ երկիւղ քո զմարմին իմ , զի 'ի դատաստանայ քոց երկեայց յոյժ :

Տունք 64 :

121 Արարի իրաւունս և արդարութիւն . մի՛ մատներ զիս 'ի ձեռս նեղչաց իմոց :

122 Բնկալ զճառայս քո՞ 'ի բարի , զի մի՛ ամբարտաւանք զզուեսցեն զիս :

123 Ապասեցին աչք իմ փրկութեան քում տէր , և բանից արդարութեան քո :

124 Արա ընդ ճառայի քում տէր ըստ ողորմութեան քում . զարդարութիւնս քո ուսո ինձ :

125 Մառայ քո եմ ես , իմաստուն արա զիս և ճանեայց զվկայութիւնս քո :

126 Դամ է պաշտել զտէր . խափանեցին զօրէնս քո :

127 Ասն այսորիկ սիրեցի զպատուիրանս քո քան զամենայն ոսկի և զտպաղեոն :

128 Ամենայն պատուիրանք քո յաջողեցան ինձ , զի ատեցի ես զճանապարհս չարաց :

129 Աբանչելի են վկայութիւնք քո , վասն այսորիկ սիրեաց զնոսս անձն իմ :

130 Յայտնութիւն բանից քոց լուսաւոր և իմաստուն առնէ զտղայս :

131 Օքերան իմ բացի , և առի զհոգի . 'ի պատուիրանս քո փափագեաց անձն իմ :

132 Այեա առ իս և ողորմեա ինձ ըստ իրաւունս սիրողաց անուան քո :

133 Օճանապարհս իմ ուղիղ արա ինձ ըստ բանի քում , և մի՛ տիրեսցեն ինձ ամենայն մեղք :

134 Փրկեա զիս 'ի զպարտութենէ մարդկան , և պահեցից զպատուիրանս քո :

136 Ատակք ջուրց իջին յաչաց իմոց , զի ոչ պահեցին զօրէնս քո :

137 Արդար ես դու տէր , և ուղիղ են գատաստանք քո :



138 Պատուիրեցեր զարդարութիւն վկայու-  
թեանց քոց, և ճշմարիտ են յոյժ:

139 Սաշեաց զիս նախանձ քո, զի մոռացան  
զբանս քո թշնամիք իմ:

140 Բնորեալ է բան քո յոյժ, և ծառայ քո  
սիրեաց զսա:

141 Սանուկ եմ ես և արհամարհեալ, և զար-  
դարութիւնս քո ես ոչ մոռացայ:

142 Երդարութիւն քո արդարութիւն յաւի-  
տենից, և օրէնք քո ճշմարիտ են:

143 Կեղութիւն և վիշտք գտին զիս, և պա-  
տուիրանք քո խօսք իմ էին:

144 Երդարութեամբ են վկայութիւնք քո  
յաւիտեան. իմաստուն արա և կեցո զիս:

145 Կարդացի առ քեզ բողոքով սրտիւ իմով-  
լուր ինձ տէր, զի զարդարութիւնս քո խնդրեցի:

146 Եղաղակեցի առ քեզ՝ և փրկեա զիս, և  
պահեցից զվկայութիւնս քո:

147 Կանխեցի տարաժամու, աղաղակեցի, և  
ես 'ի բանս քո յուսացայ:

148 Կանխեցին աչք իմ՝ առաւօտու 'ի խօսել  
ինձ զբանս քո:

149 Չայնի իմում լուր տէր ըստ ողորմութեան  
քում. տէր յիրաւունս քո կեցո զիս:

150 Սերձեցուցին յիս հալածիչք իմ զանօ-  
րէնութիւն, զի յօրինաց քոց հեռի եղեն:

151 Սերձ ես դու տէր, և ամենայն պատուի-  
րանք քո ճշմարիտ են:

152 Իսկզբանէ ծանեայ 'ի վկայութեանց քոց,  
զի յաւիտեան հաստատեցեր զնոսս:

153 Տես զխոնարհութիւն իմ և փրկեա զիս,  
զի զօրէնս քո ես ոչ մոռացայ:

154 Պատեա զըատաստան իմ և փրկեա զիս, և  
ըստ բանի քում կեցո զիս:

155 Հեռի է 'ի մեղաւորաց փրկութիւն, զի  
զիրաւունս քո ոչ պահեցին:

156 Վթութիւնք քո բազում են տէր, և ըստ  
իրաւանց քոց կեցո զիս:

57 Բազում են, որ հալածեն և նեղեն զիս. 'ի  
վկայութեանց քոց ես ոչ խտորեցայ:

158 Հայէի յանագորոյնս և մաշէի, զի ըզ-  
պատուիրանս քո ոչ պահեցին:

159 Տես զի զպատուիրանս քո սիրեցի. տէր՝  
ողորմութեամբ քո կեցո զիս:

160 Սկիզբն բանից քոց ճշմարտութիւն է.  
յաւիտեան են ամենայն իրաւունք արդարու-  
թեան քո:

161 Իշխանք հալածեցին զիս 'ի նանիր, և 'ի  
բանից քոց երկեաւ սիրա իմ:

162 Հնծացայ ես 'ի բանս քո՝ որպէս այն որ  
գտանէ աւար բազում:

163 Օմեղս ատեցի և անարգեցի, և զօրէնս  
քո սիրեցի :

164 Եօթն անգամ յաւուր օրհնեցից զքեզ  
վասն իրաւանց և արդարութեան քո :

165 Խաղաղութիւն բազում է այնոցիկ որ  
սիրեն զօրէնս քո, և ոչ գոյ 'ի նոսա գայթաղ-  
ղութիւն :

166 Ապասեցի փրկութեան քում տէր, և զպա-  
տուիրանս քո սիրեցի :

167 Պահեաց անձն իմ զվկայութիւնս քո, և  
սիրեաց զնոսա յոյժ :

168 Պահեցից զպատուիրանս և զվկայութիւնս  
քո, զի ամենայն ճանապարհք իմ առաջի քո  
են :

169 Մերձեցցին խնդրուածք իմ առաջի քո  
տէր, ըստ բանի քում իմաստուն արա զիս :

170 Մտցեն աղօթք իմ առաջի քո տէր, և  
բանիւ քով փրկեա զիս :

171 Բղխեսցեն շրթունք իմ զօրհնութիւնս քո,  
յորժամ ուսուցես ինձ զարդարութիւնս քո :

172 Խօսեսցի լեզու իմ զբանս քո, զի ամենայն  
պատուիրանք քո արդարութեամբ են :

173 Եղիցի ձեռն քո 'ի կեցոցանել զիս, զի  
զպատուիրանս քո ընտրեցի :

174 Յանկացայ փրկութեան քում տէր, և  
օրէնք քո խօսք իմ էին :

175 Կեցցէ անձն իմ, օրհնեսցէ զքեզ . և  
իրաւունք քո օգնեսցեն ինձ :

176 Մոլորեցայ ես որպէս զոչխար կորուսեալ .  
խնդրեա զծառայս քո, զի զպատուիրանս քո ես  
ոչ մոռացայ :

Տունք 56 :

Կանոնս Գորղոսոս 7 : Սաղմոս 13 : Տունս 362 :

## ՍԵՂՄՈՍ ՆՃԻԹ

(Օրհնութիւնք Աշտիճանաց :

1 Ի նեղութեան իմում ես առ տէր կար-  
դացի, և լուաւ ինձ տէր . փրկեաց զանձն իմ 'ի  
շրթանց նենդաւորաց և 'ի լեզուէ չարէ :

2 Օլբ տացի քեզ կամ զի՛նչ յաւելցի, լեզու  
նենդաւոր :

3 Որպէս նետք հզօրի, զի մխեալ են կայծա-  
կամբք կաղնեղ :

4 Այ ինձ զի ընդ երկար եղև պանդխտու-  
թիւն իմ . զի բնակեցայ ես 'ի վրանս կեդարու :

5 Բազում անգամ բնակեաց անձն իմ ընդ  
այնոսիկ, ոյք ատէին զողջոյն :

6 Ես էի խաղաղարար . յորժամ խօսէի, մար-  
տընչէին ընդ իս :

Տունք 6 :



## ՍԵՂՍՌՈՍ ՆԻՒ

(Օրհնութիւնս Եշրիճանայ :

1 Համբարձի զաչս իմ՝ ՚ի լերինս, ուստի եկեսցէ  
ինձ օգնութիւն :

2 Օգնութիւն ինձ ՚ի տեառնէ եկեսցէ, որ  
արար զերկինս և զերկիր :

3 Մի՛ տար ՚ի սասանութիւն զոտն քո, և մի՛  
ննջեսցէ պահպան քո :

4 Որպէս ոչ ննջէ և ոչ ՚ի քուն երթայ պահա-  
պան իսրայելի :

5 Տէր պահեսցէ զքեզ, և տէր ընկալցի աջով  
ձեռամբն իւրով :

6 Երեզակն ՚ի տուէ քեզ մի՛ մեղիցէ, և մի՛  
լուսին ՚ի գիշերի :

7 Տէր պահեսցէ զքեզ յամենայն չարէ, պա-  
հեսցէ տէր զանձն քո :

8 Տէր պահեսցէ զմուտ և զել քո՝ յայսմ հետէ  
մինչև յաւիտեան :

Տունք 8 :

## ՍԵՂՍՌՈՍ ՆԻՒ

(Օրհնութիւնս Եշրիճանայ :

1 Ուրախ եղէ ես՝ ոչք ասէին ցիս, ՚ի տուն  
տեառն երթիցուք մէք :

2 Հասեալ կային ոտք մեր առ դրունս քո՝ երու-  
սաղէմ :

3 Օգնութեամբ շինեալ որպէս քաղաք, և  
ընակու թիւն իւր շուրջ զնովաւ :

4 Ենդ ելին աղօ աղօ տեառն. վկայութիւն իս-  
րայելի խոստովան լինել անուան տեառն :

5 Ենդ արկեալ էր աթոռս դատաստանի, աթոռս  
արկեալ ՚ի տան դաւթի :

6 Հարցէք զողջունէ զերուսաղեմի, և զշինու-  
թիւնէ՝ ոչք սիրէք զնա :

7 Եղիցի խաղաղութիւն ՚ի զօրութեան քում,  
և զինութիւն յաշտարակս յամուրս քո :

8 Սասն եղբարց և ընկերաց իմոց խօսեցայ  
զխաղաղութիւն. վասն քո և վասն տան տեառն  
աստուծոյ մերոյ խնդրեցաք զբարութիւն ՚ի  
քէն :

Տունք 8 :

## ՍԵՂՍՌՈՍ ՆԻՒ

(Օրհնութիւնս Եշրիճանայ :

1 Եւ քեզ տէր համբարձի զաչս իմ, որ  
ընակեալդ ես յերկինս :

2 Որպէս աչք ծառայի ՚ի ձեռն տեառն իւրոյ,  
որպէս աչք աղախնոյ ՚ի ձեռն տիկնոջ իւրոյ :

3 Եյնպէս են աչք մեր առ քեզ տէր աստուած  
մեր, մինչև ողորմեսցիս ՚ի վերայ մեր :

4 Ողորմեա մեզ տէր ողորմեա մեզ, զի բազում լցաք արհամարհանօք :

5 Եւս առաւել լցան անձինք մեր նախատանօք, որ նախատէին զմեզ, և արհամարհանօք ամբարտաւանից :

Տունք 5 :

## ՄԱՂՄՈՍ ԱՒԿ

(Օբհնո-լէ-նիւշ Լշրիճանայ :

1 Եթէ ոչ տէր էր առ մեզ, ասասցէ իսրայէլ, եթէ ոչ տէր էր առ մեզ :

2 Ընդ յառնել մարդկան ՚ի վերայ մեր, կենդանւոյն կամեցան կլանել զմեզ :

3 Ի բարկանալ սրտամուլթեամբ նոցա ՚ի վերայ մեր, ապա և ջուրք ուրեմն ընկղմեցին զմեզ :

4 Ընդ ուղիս անցին անձինք մեր. անցին անձինք մեր ընդ ուղիս անդադարս :

5 (Օրհնեալ է տէր, որ ոչ ետ զմեզ յորս ատամանդ նոցա :

6 Ընձինք մեր ապրեցան որպէս ճնճղուկ յորոգայթէ որսողաց :

7 Որոգայթք նոցա փշրեցան, և մեք ապրեցար :

8 (Չնութիւն է մեզ յանուանէ տեառն, որ արար զերկինս և զերկիր :

Տունք 8 :

## ՄԱՂՄՈՍ ԱՒԿ

(Օբհնո-լէ-նիւշ Լշրիճանայ :

1 Ոյուսայ ՚ի տէր, որպէս լեառն սիոնի, մի' սասանեցի յաւիտեան՝ որ ընակեալն է յերուսաղէմ :

2 Լերինք շուրջ են զնովա. տէր շուրջ է զժողովրդեամբ իւրով յայսմ՝ հետէ մինչև յաւիտեան :

3 Ոչ թողու տէր զգաւազան մեղաւորաց ՚ի վիճակս արդարոց. և արդարք մի' ձգեցցեն զձեռս իւրեանց յանօրէնութիւն :

4 Բարի աննէ տէր բարեաց, և այնոցիկ՝ ոյք ուղիղ են սրտիւք :

5 Խսկ զթիւրեալսն յափշտակութեամբ, տանի զնոսա տէր ընդ այնոսիկ ոյք գործեն զանօրէնութիւն. խաղաղութիւն ՚ի վերայ իսրայելի :

Տունք 5 : Գորդայս 40 :

## ՄԱՂՄՈՍ ԱՒԵ

(Օբհնո-լէ-նիւշ Լշրիճանայ :

1 Բզարձուցանել տեառն զգերութիւն սիոնի. և եղաք մեք մխիթարեալք :

2 Յայնժամ լցան բերանք մեր խնդութեամբ, և լեզուք մեր ցնծութեամբ :

Յայնժամ ասասցեն ՚ի հեթանոսս, մեծ արա



տէր զաննել իւր ընդ նոսա . մեծ արար տէր զաննել իւր ընդ մեզ . և մէք եղաք բերկրեալք :

4 Վարձո տէր զգերուծիւնս մեր որպէս զուղին ՚ի հարաւոյ . ոյք վարէին արտասուօք , ցնծութեամբ հնձեսցեն :

5 Երթալով երթային և լային , ոյք բարձեալ տանէին զերմանս իւրեանց :

6 Վալով եկեսցեն և ցնծասցեն , ոյք առեալ բերիցեն զորայս իւրեանց :

Տունք 6 :

## ՍԵՂՄՈՍ ԱՒԸ

(Օրհնութիւնք Աշտիճանայ :

1 Եթէ ոչ տէր շինէ զտուն , ՚ի նանիր վաստակին շինողք նորա :

2 Եթէ ոչ տէր պահէ զքաղաք , ընդունայն տքնին պահպանք նորա :

3 Ի նանիր է ձեզ յաննել կանխաւ . արգ արիք մինչև էք ննջեցեալ , ոյք ուտէք զՏաց ցաւոց :

4 Ի ժամանակի որպէս տացի քուն սիրելաց իւրոց . ժառանգութիւն անն որդիք են , որոյ վարձք իւր են , այն է պտուղ որովայնի իւրոյ :

5 Որպէս նետք ՚ի ձեռս հզորի , այնպէս են և որդիքն թօթափելոց :

6 Երանի որ ելից զցանկութիւն իւր ՚ի նոցանէ . մի՛ ամաչեսցեն յորժամ խոսեսցին թշնամիք նոցա ընդ նոսա առ զրանն :

Տունք 6

## ՍԵՂՄՈՍ ԱՒԹ

(Օրհնութիւնք Աշտիճանայ :

1 Երանի ամենեցուն՝ ոյք երկնչին ՚ի տեառնէ , և գնան ՚ի ճանապարհս նորա :

2 Օվաստակս ձեռաց քոց կերիցես . երանի է քեզ , և բարի եղիցի :

3 Կին քո որպէս այգի վայելուչ յանկիւնս տան քո . որդիք քո որպէս նորատունկ ձիթենոյ շուրջ զսեղանով քո :

4 Այսպէս օրհնեսցի ամենայն մարդ , որ երկնչի ՚ի տեառնէ . օրհնեսցէ քեզ տէր ՚ի սիրովնէ :

5 Եւ տեսցես դու զբարութիւն յերուսաղէմ զամենայն աւուրս կենաց քոց :

6 Տեսցես դու զորդիս որդւոց քոց , խաղաղութիւն ՚ի վերայ խրայելի :

Տունք 8 :

## ՍԵՂՄՈՍ ԱՒԸ

(Օրհնութիւնք Աշտիճանայ :

1 Բազում անգամ մարտեան ընդ իս ՚ի մանկութենէ իմմէ , ասացէ խրայել :

2 Բազում անգամ մարտեան ընդ իս ՚ի մանկութենէ իմմէ , և ինձ ոչ յաղթեցին :

3 Օթիկունս իմ հարին մեղաւորք . ընդ երկար արարին զանորենութիւնս իւրեանց :

4 Տէր արդար է, խորտակէ զուն մեղաւորաց :

5 Ամաչեցցեն և յետս դարձցին ամենբեան՝ ոյք ատեան զսիօն :

6 Եղիցին նորա որպէս խոտ տանեաց, որ մինչև ՚ի բուռն եկեալ՝ չորացաւ :

7 Ուստի ոչ ելից զբուռն իւր հնձողն և ոչ զգիրկս իւր՝ որ զորայն ժողովէր :

8 Ոչ ասացին ամենբեան՝ ոյք անցանէին առ նորօք, թէ օրհնութիւն տեսան ընդ ձեզ է, և օրհնեցաք զձեզ յանուանէ տեսան :

Տունք 8 :

## ՍԵՂՄՈՍ Ա՛ԻԹ

Օբնո-լիւն, Աշխիճանոց :

1 Ի խորոց կարգացի առ քեզ տէր, տէր՝ լուր ձայնի իմում :

2 Եղիցին ականջք քո ՚ի լսել զձայն աղօթից իմոց :

3 Թէ զանօրէնութիւնս քննես տէր տէր, իսկ <sup>ո</sup> կարէ կալ առաջի քո . զի ՚ի քէն է քաւութիւն :

4 Այսն անուան քո համբերի տէր, համբեր անձն իմ բանի քում . յուսացաւ անձն իմ ՚ի տէր :

5 Ի պահէ առաւօտու մինչև յերեկոյ, ՚ի պահէ առաւօտու յուսացաւ իսրայէլ ՚ի տէր :

6 Ի տեսունէ է ողորմութիւն բազում . ՚ի նմանէ է փրկութիւն . և նա փրկեաց զիսրայէլ յամենայն նեղութեանց նորա :

Տունք 6 :

## ՍԵՂՄՈՍ Ա՛Լ

Օբնո-լիւն, Աշխիճանոց :

1 Տէր ոչ բարձրացաւ սիրտ իմ, և ոչ զբօսան աչք իմ :

2 Ոչ գնացի ես ընդ մեծամեծս, և ոչ ընդ այնոսիկ որ սքանչելի եղին քան զիս :

3 Իայց թէ խոնարհեցայ ես որպէս մանուկ սարտուցեալ ՚ի ստնէ մօր իւրոյ, և դարձ նորա անդրէն ՚ի նոյն :

4 Այլ թէ հպարտացուցի արդեօք զանձն իմ, այսպէս եղիցի հատուցումն անձին իմոյ . յուսացաւ իսրայէլ ՚ի տէր յայսմ հետէ մինչև յաւիտեան :

Տունք 4 : Գորղայս 44

## ՍԵՂՄՈՍ Ա՛ԼԸ

Երէ չո-ոց :

1 Յիշեա տէր զաւաիթ, և զամենայն հեղութիւն նորա :



2 Որպէս երգուաւ տեառն, և ուխտս եդ աստուծոյ յակովբայ :

3 Թէ ոչ մտից 'ի յարկս տան իմոյ, թէ ելից յանկողինս մահճաց իմոց :

4 Թէ տաց քուն աչաց իմոց, կամ նինջ արտեանաց իմոց, կամ հանգիստ իրանաց իմոց . մինչև գտից զտեղի յարկի տեառն աստուծոյ յակովբայ :

5 Ահա լուաք զնմանէ յեփրաթայ, և գտաք զնա 'ի դաշտս մայրեաց :

6 Ստցուք 'ի յարկս նորա, երկիր պագցուք 'ի տեղուջ՝ ուր կացեալ են ոտք նորա :

7 Արի տէր 'ի հանգիստ քո, դու և տապանակ կտակի սրբութեան քո :

8 Երիցունք քո զգեցցին զարդարութիւն, և սուրբք քո ցնծալով ցնծասցեն :

9 Այն դաւթի սիրելոյ քո, մի՛ դարձուցաներ զերեսս քո յօծելոյ քումմէ :

10 Երգուաւ տէր. դաւթի ճշմարտութեամբ՝ և ոչ ստեաց նմա . 'ի պողոյ որովայնէ քումմէ նստուցից յաթող քո :

11 Թէ պահեսցեն որդիք քո զօրէնս իմ, և զվիպութիւնս իմ զոր ուսուցից նոցա :

12 Որդիք նոցա նստցին յաւիտեանս յաւիտենից յաթող քո :

13 Հաճեցաւ տէր ընդ սիրվն, և ընտրեաց

ընակել 'ի նմա . ասէ՛ այս է հանգիստ իմ յաւիտեանս յաւիտենից, 'ի սմա ընակեցայց՝ զի հաճեցայ ընդ սա :

14 Օգրս սորա օրհնելով օրհնեցից, և զաղբատս սորա լցուցից հացիւ :

15 Երիցանց սորա զգեցուցից զիբկութիւն, և սուրբք սորա ցնծալով ցնծասցեն :

16 Անդ ծագեցից զեղջիւր 'ի դաւթի . պատրաստ արարից զճրագ օծելոյ իմոյ :

17 Թռնամեաց նորա զգեցուցից զամօթ . սյլ 'ի վերայ նորա ծաղկեցի սրբութիւն իմ :

Տունք 17 :

## ՍԵՂՄՈՍ ՆԼԻՒ

Երգ չորրորդ :

1 Օրհնարի կամ զի՛ վայելուչ, զի ընակեն եղբարք 'ի միասին :

2 Որպէս իւղ զի իջանէ 'ի դլուխ և 'ի մօրուսն ահարովնի . 'ի մօրուացն իջանէ 'ի գրասպանս զգեստու նորա :

3 Որպէս ցօղ զի ցօղէ 'ի հերմոնէ 'ի վերայ լերին սիրվնի :

4 Տէր անդ պատրաստեաց զօրհնութիւն և զկեանս յաւիտենից :

Տունք 4 :

## ՄԱՂՍՐԱՍ ՇՂԻ

Երբ շո-ոց :

1 Եստ օրհնեցէք ամենայն ծառայք տեառն զտէր . ո՛ր կայք 'ի տուն տեառն և 'ի գաւիթս աստուծոյ մերոյ :

2 Ի գիշերի համբարձէք զձեռս ձեր 'ի սրբու թիւն , և օրհնեցէք զտէր :

3 Օրհնեցէ զմեզ տէր 'ի սիրովնէ , որ արար զերկինս և զերկիր :

Տունք 3

## ՄԱՂՍՐԱՍ ՇՂԻ

Եւէլ-իս :

1 Օրհնեցէք զանուն տեառն . օրհնեցէք ծառայք տեառն զտէր , ո՛ր կայք 'ի տուն տեառն , 'ի գաւիթս աստուծոյ մերոյ :

Օրհնեցէք զտէր , զի բարի է . սաղմոս աւսացէք անուան նորա , զի քաղցր է :

3 Օյակովք ընտրեաց իւր տեր , և զխարայել ժառանգութիւն իւր :

4 Ես ծանեայ՝ զի մեծ է տէր , և տէր մեծ է քան զամենայն կուռս :

5 Օամենայն զոր ինչ կամեցաւ և արար տէր , յերկինս և յերկրի , 'ի ծով և յամենայն խորս :

6 Հանէ զամպս 'ի ծագաց երկրէ . զխայրատա-

կունս իւր յանձրես արար . և հանէ զհողմն շտեմարանաց իւրոց :

7 Եհար զամենայն անդրանիկս եգիպտացւոց 'ի մարդոյ մինչև յանասուն :

8 Եռաբեաց զնշանս և զարուեստս իւր 'ի մէջ քո եգիպտոս , 'ի փարաւովն և յամենայն զօրս իւր :

9 Եհար զաղգս բազումս , և սպան զթագաւորս հզօրս :

10 Օսեհովն թագաւոր ամուրհացւոց , զովք թագաւոր բասանու , և զամենայն թագաւորու թիւնս քանանացւոց :

11 Ետ զերկիր նոցա 'ի ժառանգութիւն , ժառանգութիւն իսրայելի ժողովրդեան իւրոյ :

12 Տէր անուն քո յախտեան , տէր յիշատակ քո աղգէ մինչև յաղգ :

13 Ղատի տէր զժողովուրդ իւր . և 'ի ծառայս իւր մխիթարի :

14 Կուռք հեթանոսաց ոսկի և արծաթ են , ձեռագործք են որդւոց մարդկան :

15 Ինրան գոյ՝ և ոչ խօսին , աչք են՝ և ոչ տեսանեն :

16 Իկանջք են՝ և ոչ լսեն , և ոչ գոյ շունչ 'ի բերանս նոցա :

17 Եման նոցա եղիցին ոյք արարին զնոսա . ամենեքեան ոյք յուսացեալ են 'ի նոսա :



18 Տուն խրայելի օրհնեցէք զտէր . տուն ահա-  
րոնի օրհնեցէք զտէր :

19 Տուն զևեայ օրհնեցէք զտէր . երկիւզածք  
տեառն օրհնեցէք զտէր :

20 ( ) րհնեալ տէր 'ի սիովնէ , որ բնակեալն է  
յերուսաղէմ :

Տունք 20 : Գորդայս 44 :

## ԱՆՊՍՈՍ ԱՂԵ

### ԱՆԷԼ-ԷՄ :

1 Խոստովան եղերուք տեառն , զի բարի է .  
զի յաւիտեան է ողորմութիւն նորա :

2 Խոստովան եղերուք աստուծոյն աստուծոց .  
զի յաւիտեան է ողորմութիւն նորա :

3 Խոստովան եղերուք տեառն տերանց . զի  
յաւիտեան է ողորմութիւն նորա :

4 Արար զքրանչիլիս մեծամեծս միայն . զի  
յաւիտեան է ողորմ :

5 Օտրկինս արար իմաստութեամբ իւրով .  
զի յաւիտեան է ողորմ :

6 Հաստատեաց զերկիր 'ի վերայ ջուրց . զի  
յաւիտեան է ողորմ :

7 Արար զլուսաւորս մեծամեծս միայն . զի  
յաւիտեան է ողորմ :

8 Օարեգակն արար իշխանական տունջեան .  
զի յաւիտեան է ողորմ :

9 Օլուսին և զաստեղս իշխանական գիշերոյ .  
զի յաւիտեան է ողորմ :

10 Եհար զերկիրն եգիպտացւոց անդրանկօք  
իւրովք հանդերձ զի յաւիտեան է ողորմ :

11 Եւ եհան զխրայել 'ի միջոյ նորա . զի յաւի-  
տեան է ողորմ :

12 Ի ձեռն բարձր և 'ի բազուկ հզօր . զի յաւի-  
տեան է ողորմ :

13 Եհերձ զծովն մեծ , և բաժանեաց յերկուս  
մասունս . զի յաւիտեան է ողորմ :

14 Եւ անցոյց զխրայել ընդ մէջ նորա . զի  
յաւիտեան է ողորմ :

15 Բնկղմեաց զհարաւովն և զզօրս իւր 'ի ծով  
կարմիր . զի յաւիտեան է ողորմ :

16 Եւ եհան զժողովուրդ իւր յանապատ . զի  
յաւիտեան է ողորմ :

17 Եհար զազգս մեծամեծս միայն . զի յաւի-  
տեան է ողորմ :

18 Եւ սպան զթագաւորս հզօրս . զի յաւի-  
տեան է ողորմ :

19 Օսեհովն թագաւոր ամուրհացւոց . զի  
յաւիտեան է ողորմ :

20 Օուլգ թագաւոր բասանու . զի յաւիտեան  
է ողորմ :

21 Ետ զերկիր նոցա 'ի ժառանգութիւն . զի  
յաւիտեան է ողորմ :

22 Ետ յանդուրութիւն խրայելի ծառայի իւրոյ .  
զի յաւիտեան է ողորմ :

23 Զիշեաց զմեղ տէր 'ի խոնարհութեան  
մերում . զի յաւիտեան է ողորմ :

21 Եւ փրկեաց զմեզ 'ի ձեռաց թշնամեաց մե-  
րոց . զի յաւիտեան է ողոր :

25 Ո սոյ կերակուր ամենայն կենդանեաց . զի  
յաւիտեան է ողոր :

26 Խոստովան եղերուք աստուծոյ երկնաւորի .  
զի յաւիտեան է ողորմութիւն նորա :

Տունք 26 :

## ՍԵՂՄՈՍ ՇՂԶ

Ի դաւիթ . 'ի յեռն երեմիայի . անշահ  
յեֆթայեցոցն :

1 Ըռ գետս բարելացուց , անդ նստեաք և  
լայաք . որպէս յիշեցաք մէք անդ զսիրովն :

2 Ի մէջ ուռեաց նոցա կախեցաք զկտակարանս  
մեր :

3 Ընդ հարցանէին գերիչք մեր զբանս օրհնու-  
թեան . գերեզմարք մեր ստիպէին զմեզ և ասէին :

4 () րհնեցէք մեզ յօրհնութենէ սիրովի . իսկ  
զինուրդ օրհնեսցուք զօրհնութիւնս տեառն յերկիր  
օտար :

5 Թէ մոռացայց զբեզ երուսաղէմ , մոռացի  
զիս աջ իմ :

6 Ացեսցի լեզու իմ 'ի քիմս իմ , թէ ոչ յիշեցից  
զքնզ , թէ ոչ նախ նուագեցից զբեզ երուսաղէմ ,  
սկիզբն ուրախութեան իմոյ :

7 Յիշեա տէր զորդին եղովմայ յաւուրս  
երուսաղէմի :

8 Ոյք ասէին՝ քակեցէք քակեցէք , մինչև 'ի  
հիմն հասուցէք :

9 Գուստր բարելացուց թշուառական , երանի  
որ հատոյց զհասուցումն քո , զոր դու մեզ հա-  
սուցեր :

10 Երանի որ կալաւ զմանկունս քո , և եհար  
զքարի :

Տունք 10 :

## ՍԵՂՄՈՍ ՇՂԷ

Սաղմոս 'ի դաւիթ :

1 Խոստովան եղէք բեզ տէր՝ բոլորով սրտիւ  
իմով . առաջի հրեշտակաց սաղմոս ասացից քեզ :

2 Չի լուար զբանս բերանոյ իմոյ . երկիր  
պագից 'ի սաճար սուրբ քո , և խոստովան եղէց  
անուան քում վասն ողորմութեան և ճշմարտու-  
թեան քոյ :

3 Ա՛նձ արարեր յամենայնի զանուն սուրբ քո .  
յորում աւուր կարդամ առ քեզ , վաղվաղակի  
լուր ինձ , և բազում արասցես զօրութիւնս յանձն  
իմ :

4 Խոստովան եղեցին առ քեզ ամենայն թա-  
գաւորք երկրի . զի լուան զբանս բերանոյ քո , և  
օրհնեսցեն զձանապարհս քո :



5 Մեծ են փառք տեսան . բարձր է տէր ,  
զխոնարհս տեսանէ , և զբարձունս 'ի հեռաստանէ  
ճանաչէ :

6 Թէ գնացից ես 'ի մէջ նեղութեանց , կե-  
ցուցես զիս 'ի բարկութենէ թշնամոյն :

7 Չգեցեր զձեռն .քո , և փրկեաց զիս աջ .քո . և  
տէր հատուցէ ընդ իմ :

8 Տէր ողորմութիւն .քո յաւիտեան . զգործս  
ձեռաց .քոց մի անտես առներ :

Տունք 8 : Գորդայս 44 :

## ՍԵՂՄՈՍ ՆԼԸ

Ի կարարած . սողնոս 'ի դաւիլ :

1 Տէր փորձեցեր զիս և ծանեար զիս . դու  
ծանեար զնստել իմ և զյառնել իմ :

2 Ի միտ առեր զխորհուրդս իմ 'ի հեռաստանէ .  
զշաւիղս իմ և զփիճակս իմ դու . քննեցեր , և զա-  
մենայն ճանապարհս իմ յառաջագոյն տեսեր , զի  
ոչ գոյ նենգութիւն 'ի լեզուի իմում :

3 Ե՛հա դու տէր՝ ծանեար զլետփն իմ և զառաջին  
իմ . դու ստեղծեր զիս , և եղիր զձեռն .քո 'ի վերայ  
իմ :

4 Աքանչելի եղև գիտութիւն .քո յինէն , և  
զօրացաւ , և ոչ հանդարտեմ սմա :

5 Հն երթայց ես յոգույ .քումմէ , կամ յե-  
րեսաց .քոց ես յո՛ փախեայց :

6 Թէ ելանեմ յերկինս , դու անդ ես . և թէ  
իջանեմ 'ի դժոխս , և անդր մօտ ես :

7 Թէ առից զթևս իմ ընդ առաւօտս , և բնա-  
կեցայց յեզերս ծովու :

8 Սակայն և անդ ձեռն .քո առաջնորդեսցէ ինձ ,  
և աջ .քո ընկալցի զիս :

9 Եսացի թէ խաւար ուրեմն արդեօք ծածկեաց  
զիս , կամ գիշեր փոխանակ լուսոյ փափկութեան  
իմոյ :

10 Խաւարն 'ի .քէն ոչ խաւարեսցի , և գիշերն  
որպէս տիւ լուսաւոր եղիցի . և խաւար նորա  
որպէս զլոյս նորա :

11 Դու ստացար զերիկամունս իմ , և ընկալար  
զիս յորովայնէ մօր իմոյ :

12 Խոստովան եղէց .քեզ տէր , զի ահեղ և  
սքանչելի ես . սքանչելի են գործ .քո , և անձն  
իմ սիրեաց յոյժ :

13 Ոչ թագեաւ ոսկր իմ 'ի .քէն՝ զոր արարեր  
'ի ծածուկ . և կար զօրութեան իմոյ ընդ ստորինս  
երկրի :

14 Օ՛անգործս իմ տեսին աչք .քո , և 'ի գիրս  
քո ամենեքեան գրեցան :

15 Ի տուէ մոլորեցան , և ոչ ոք էր որ առաջ-  
նորդէր նոցա :

16 Ինձ յոյժ մեծարոյ եղին բարեկամք .քո  
աստուած , և յոյժ զօրացան իշխանք նոցա :

17 Թուուեցի զնոսա , և քան զաւաղ բազմացան .  
զարթեայ , և արդ ընդ քեզ եմ :

18 Եթէ սպանանես զմեղաւորս աստուած , արք  
արեան 'ի բաց եղբրուք յինէն :

19 Ի հակառակութիւն և 'ի նախանձ , առցեն  
'ի նանիր զքաղաքս քո :

20 Օտտելիս քո տէր ատեցի , և 'ի վերայ  
Թշնամեաց քոց մաշեցայ :

21 Ատերութիւն կատարեալ ատեցի զնոսա , և  
եղին ինձ Թշնամիք :

22 Փորձեա զիս աստուած և ծանիր զսիրտ իմ ,  
քննեա զիս և ծանիր զչաւիղս իմ . և տես թէ  
իցեն անօրէնութիւնք 'ի ճանապարհս իմ , և  
առաջնորդեա ինձ 'ի ճանապարհս քո յաւի-  
տենից :

Տունք 22 :

## ՄԵՂՄՈՍ ՆՂԹ

Ի Խորտրոթ . ստղլոս 'ի դաւել :

1 Ազրեցո զիս տէր 'ի մարդոյ չարէ , յառնէ  
անիրաւէ փրկեա զիս :

2 Խորհեցան զանօրէնութիւն 'ի սիրտս իւ-  
րեանց . զօր ամենայն պատրաստեցան 'ի պա-  
տերազմ :

3 Արեցին զլեղուս իւրեանց որպէս զօձի ,  
Թոյնք իժից 'ի ներքոյ ջրթանց նոցա :

4 Պահեա զիս տէր 'ի ձեռաց մեղաւորի , և 'ի  
մարդոյ չարէ փրկեա զիս :

5 Խորհեցան խափանել զգնացս իմ . թագուցին  
ամբարտաւանք որոգայթ ինձ :

6 Լարս ձգեցին որոգայթ ոտից իմոց . շուրջ  
զշաւջօք իմովք եդին ինձ գայթագղութիւն :

7 Ասացի' տէր աստուած իմ ես դու , ունկն դիր  
տէր ձայնի աղօթից իմոց :

8 Տէր տէր զօրութիւն փրկութեան իմոյ , հո-  
վանի գլխոյ յաւուր պատերազմի :

9 Սի' մասներ զիս տէր 'ի ցանկութիւն մեղա-  
ւորաց , ոյք խորհեցան վասն իմ . մի' ընդ վայր  
հարկաներ զիս :

10 Օհ մի' երբէք բարձրացին , և խորհուրդք  
նոցա մի' կատարեսցին . վասխան կատարածի  
նոցա վաստակ ջրթանց իւրեանց ծածկեսցէ զնոսա :

11 Արկցես 'ի վերայ նոցա կայծակունս հոյ , և  
կործանեսցես զնոսա . 'ի տառապանաց մի' կարաս-  
ցեն կեալ :

12 Մարդոյ լեզուանւոյ մի' յաջողեսցի 'ի  
վերայ երկրի . զայր մեղաւոր չարիք իւր որսաս-  
ցեն 'ի կորուստ :

13 Ծանեայ զի առնես տէր դատաստան աղ-  
քատի և իրաւունս տնանկի :

14 Արդարք գոհացին զանուանէ քումմէ , և  
բնակեսցեն ուղիղք առաջի երեսաց քոց :

Տունք 14 :



## ՍԵՂՄՈՍ ԱՆՈ

Ստղիտ 'ի Կոմիլէ :

1 Տէր կարդացի առ քեզ՝ և լուր ինձ, նայեա  
'ի ձայն աղօթից իմոց 'ի կարդալ իմում առ քեզ :

2 Ուղիղ եղիցին աղօթք իմ որպէս խոնկ առաջի  
քո տէր . համբարձունն ծեռաց իմոց պատարագ  
երեկոյի :

3 Ղիր տէր պահապան բերանոյ իմոյ . և դուն  
ամուր շրթանց իմոց, զի մի խոտորեսցի սիրտ  
իմ բանիւ չարութեան :

4 Պատճառել զպատճառս մեղաց ընդ մարդս,  
որ գործեն զանօրէնութիւն . և ոչ եղէց կցորդ  
ընտրելեաց նոցա :

5 Խրատեսցէ զիս արդարն ողորմութեամբ և  
յանդիման արասցէ . իւր մեղաւորի մի օծցէ զգլուխ  
իմ, և աղօթք իմ 'ի կամս նորա :

6 Երգելան մերձ առ վիմին դատաւորք նոցա .  
լուիցեն բանից իմոց, և քաղցրասցին :

7 Որպէս թանձրութիւն հողոյ զի սփռեալ է 'ի  
վերայ երկրի . ցրուեսցին ոսկերք նոցա մերձ 'ի  
դժոխս :

8 Եւ քեզ տէր տէր են աչք իմ, 'ի քեզ յու-  
սացայ, մի հաներ զհոգի յինէն :

9 Պահեա զիս յորոգայթէ որ թագուցաւ ինձ,  
'ի գայթաղութենէ գործողն զանօրէնութիւն :

10 Ընկցին 'ի ցանցս նորա մեղաւորք, միայն  
եմ ես մինչև անցից :

Տունք 10 :

## ՍԵՂՄՈՍ ԱՆՈ

Խասարոմիլէն 'ի Կոմիլէ . տղօք, 'ի ժամանակն զի  
էր նա յայրէ անդ :

1 Չայնիւ իմով ես առ տէր կարդացի, ձայնիւ  
իմով զտէր աղաչեցի :

2 Սիռեցից առաջի տեառն զաղօթս իմ, և  
զնեղութիւնս իմ առաջի նորա պատմեցից :

3 Ի նուազել յինէն հոգւոյ իմոյ, դու տէր  
ծանեար զաւելոյս իմ . 'ի ճանապարհ յոր և  
գնայի, թագուցաւ ինձ որոգայթ :

4 Հայէի յաջմէ տեսանէի, և ոչ որ ճանաչէր  
զիս . կորեաւ յինէն փախուստ իմ, և ոչ գտաւ  
ինդրող անձին իմոյ :

5 Եղաղակեցի առ քեզ տէր և ասացի, դու ես  
յոյս և բաժին իմ յերկրին կենդանեաց :

6 Ղայեա տէր յաղօթս իմ, զի ես խոնարհ եղէ  
յոյժ . ապրեցո զիս 'ի հալածչաց իմոց, զի հզոր  
եղեն քան զիս :

7 Տէր հան 'ի բանտէ զանձն իմ . գոհանամ  
զանուանէ քումմէ :

8 Ինձ սպասն արդարք մինչև հատուցես ինձ :  
Տունք 8 : Կորդայս 54 :

## ՄԵՂՍՈՍ ՆԴԻՐ

Սուղիս 'ի Կառնիլ, 'ի Ժամանակն զէ հալածէր զնա  
աբխողոյս որդի շորս :

1 Տէր լուր աղօթից իմոց, ունկն զիր խընդ-  
րուածաց իմոց ճշմարտութեամբ քով :

2 Լուր ինձ արդարութեամբ քով, և մի  
մտաներ 'ի դատաստան ընդ ծառայի քում. զի ոչ  
արդարանայ առաջի քո ամենայն կենդանի :

3 Հալածեաց թշնամին զանձն իմ, խոնարհ  
արար յերկիր զկեանս իմ. նստոյց զես 'ի խա-  
ւարի որպէս մեռեալ յաւիտենից :

4 Չանձրացաւ յիս հոգի իմ, և սիրտ իմ խռո-  
վեցաւ յիս :

5 Յիշեցի զաւուրսն զառաջինս, խորհեցայ  
յամենայն գործս քո. յարարածս ձեռաց քոց  
խորհեցայ, և համբարձի առ քեզ զձեռս իմ :

6 Ընձն իմ որպէս երկիր ծարաւի է առ քեզ.  
վաղվաղակի լուր ինձ տէր, զի նուաղեաց յինէն  
հոգի իմ :

7 Ս'ի դարձուցաններ զերեսս քո յինէն, նմա-  
նիցեմ այնոցիկ, որ իջանեն 'ի դուբ :

8 Ի սելի արա ինձ առաւօտու զողորմութիւնս  
քո, զի ես 'ի քեզ տէր յուսացայ :

9 Հոյց ինձ ճանապարհ յոր գնացից, զի առ  
քեզ տէր համբարձի զանձն իմ :

10 Փրկեա զես 'ի թշնամեաց իմոց տէր, զի  
զքեզ ապաւէն ինձ արարի :

11 Ուտո ինձ առնել զկամս քո, զի դու ես աստ-  
ուած իմ :

12 Հոգի քո բարի առաջնորդեսցէ ինձ յերկիր  
ուղիղ :

13 Ս շան անուան քո տէր կեցուցես զես,  
արդարութեամբ քով հանցես 'ի նեղութենէ  
զանձն իմ :

14 Ողորմութեամբ քով սատակեսցես զթշնա-  
միս իմ. կորուցես զամենայն նեղիչս անձին իմոյ,  
զի ես ծառայ քո եմ :

ՏՆՆՔ 14 :

## ՄԵՂՍՈՍ ՆԴԻՐ

Ի Կառնիլ. առ Գողեալի :

1 ( ) րհնեալ տէր աստուած իմ, որ ուսոյց  
զձեռս իմ 'ի պատերազմ, և զմատունս իմ 'ի  
ճակատամարտ :

2 Ողորմութիւն իմ և ապաւէն իմ, օգնական իմ  
և փրկիչ իմ. ապաւէն իմ, և ես յուսամ 'ի նա :

3 Ո հնազանդ առնէ զժողովուրդս ընդ ինե.  
տէր՝ իջ է մարդ զի յայտնեցար դու նմա, կամ  
որդի մարդոյ թէ համարիս ինչ զնա :

4 Ս'արդ նանրութեան նմանեաց, և աւուրք  
նորա որպէս հովանի անցին :



օ Տէր խոնարհեցո զերկինս և էջ, մերձեա ՚ի լերինս՝ և ծխեսցին :

6 Փայլատակեա զփայլատակունս քո, և խոփեա զնոսս . առաքեա զնետս քո, և ցրուեա զնոսս :

7 Առաքեա զձեռն քո ՚ի բարձանց, և փրկեա զլիս ՚ի ջուրց բազմաց, և ՚ի ձեռաց որդւոց օտարաց :

8 Որոց բերանք իւրեանց խօսեցան զնանրու թիւն, և աջ նոցա աջ է մեղաց :

9 Աստուած յօրհնութիւն նոր օրհնեցից զքեզ, տասնադեաւ սաղմոսարանաւ սաղմոս ասացից քեզ :

10 Ո՞տացէ զփրկութիւն թագաւորաց մերոց, որ փրկելոցն իցէ զգաւթ ծառայ իւր ՚ի սրոյ չարէ :

11 Փրկեա զլիս և ապրեցո զլիս ՚ի ձեռաց որդւոց օտարաց :

12 Որոց բերանք իւրեանց խօսեցան զնանրութիւն . և աջ նոցա աջ է մեղաց :

13 Որոց ուստերք իւրեանց որպէս նորատունկ հաստատուն են ՚ի մանկութենէ իւրեանց . զըստերք նոցա զարդարեալ և պաճուճեալ ՚ի նմանութիւն տաճարի :

14 Ետեմարանք նոցա լի են և բղխեն ՚ի միմեանս . խաչինք նոցա բազմածինք են, և բազ-

մանան ՚ի գնացս իւրեանց . և անդեսյք նոցս պարարտք են :

15 Ոչ գոյ խրամատու թիւն ցանկոյ նոցա, և ոչ աղաղակ ՚ի հրապարակս նոցա :

16 Արդ երանեցից ժողովրդեան, որոց այս այսպէս է . նա երանի ժողովրդեան, որոյ տէր աստուած է նոցա :

Տուէք 16 :

## ՍԵՂՄՈՍ ՆՆՆՆ

( ) Եննութեանց ստղոս ՚ի դասիլէ :

1 Եարձր անեմ զքեզ աստուած իմ և թագաւոր իմ, և օրհնեմ զանուն քո յաւիտեան և յաւիտեանս յաւիտենից :

2 Օրհնանապազ օրհնեցից քեզ, և գովեցից զանուն քո յաւիտեան և յաւիտեանս յաւիտենից :

3 Մեծ է տէր և օրհնեալ է յոյժ, և մեծութեան նորա ոչ գոյ չափ :

4 Ազգք և ազգք գովեցեն զգործս քո, և ըզգորութիւնս քո պատմեսցեն :

5 Օմեծփայլելութիւն փառաց սրբութեան քո խօսեսցին, և զքանչեղիս քո պատմեսցեն :

6 Օզգորութիւն ահի քո ասացեն, և զմեծութիւնս քո պատմեսցեն :

7 Օյիշատակ բազում քաղցրութեան քո բղխեսցեն, և արդարութեամբ քո ցնծասցեն:

8 Գթած ողորմած է տէր, երկայնամիտ և բազումողորմ:

9 Վաղցր է տէր առ ամենեսեան, և գթութիւն նորա ՚ի վերայ ամենայն արարածոց իւրոց:

10 Խոստովան եղիցին առ քեզ տէր ամենայն գործք քո, և սուրբք քո օրհնեսցեն զքեզ:

11 Օփառս արքայութեան քո ասասցեն, և զգօրութիւնս քո պատմեսցեն:

12 Ղանաչել որդւոց մարդկան զգօրութիւնս քո, և զփառս մեծվայելչութեան արքայութեան քո:

13 Երբայութիւն քո արքայութիւն ամենայն յաւիտենից, և տէրութիւն քո ազգէ մինչև յազգ:

14 Հաւատարիմ է տէր յամենայն ՚ի բանս իւր, և արդար է յամենայն ՚ի գործս իւր:

15 Հաստատէ տէր զամենայն դայթափեալք, և կանգնէ զամենայն գլորեալք:

16 Եչք ամենեցուն ՚ի քեզ յուսան, և դու տաս կերակուր նոցա ՚ի ժամու:

17 Տաս դու նոցա և կերակրին. բանաս զձեռն քո, և լցուցանես զամենեսեան քաղցրութեամբ կամօք քովք:

18 Երդար է տէր յամենայն ճանապարհս իւր, և սուրբ է յամենայն ՚ի գործս իւր:

19 Սերձէ տէր առ ամենեսեան որ կարդան առ նա, առ ամենեսեան որ կարդան առ նա ճշմարտութեամբ:

20 Օկամս երկիւղածաց իւրոց առնէ տէր. աղօթից նոցա լսէ, և կեցուցանէ զնոսա:

21 Պահէ տէր զամենեսեան ոյք սիրեն զնա, և զամենայն մեղաւորս սատակէ տէր:

22 Օօրհնութիւնս տեսան խօսեսցի բերան իմ. օրհնեսցէ ամենայն կենդանի զանուն սուրբ նորա յաւիտեան և յաւիտեանս յաւիտենից:

Տունք 22: Գորդայս 52:

## ՍԵՂԱՍՈՍ ԱՒԵ

Եւէլուիտ. անգէայ և զարարիայ:

1 Օրհնեա անձն իմ զտէր. օրհնեցից զտէր ՚ի կեանս իմ, սաղմոս ասացից աստուծոյ իմոյ մինչև եմ ես:

2 Մի յուսայք յիշխանս յորդիս մարդկան, զի ոչ գոյ փրկութիւն ՚ի նոսա:

3 Ելցէ հոգի ՚ի նոցանէ՛ և դարձցին անդրէն ՚ի հող, և յայնմ աւուր կորիցեն ամենայն խորհուրդք նոցա:

4 Երանի աղբի՛ որում տէր աստուած յակոբայ օգնական է նմա, և յոյս նորա ՚ի տէր աստուած է:



5 Որ արար զերկինս և զերկիր, զծով և զամենայն որ է ՚ի նոսա :

6 Ո պահէ զճշմարտութիւն յաւիտեան, և առնէ իրաւունս զոկելոց :

7 Տայ հաց քաղցելոց, և արձակէ զկապեալս տէր :

8 Տէր բանայ զաչս կուրաց, և կանգնէ զգլուխս տէր :

9 Տէր սիրէ զարդարս, տէր պահէ զպանդուխտս . զորքս և զայրիս ընդունի տէր, և զճանապարհս ամբարշտաց կորուսանէ :

10 Թագաւորեսցէ տէր յաւիտեան, աստուածքո սիրին աղգէ մինչև յաղգ :

Տունք 10 :

## ՄՆԱՄՈՍ ՆՂԵՕ

Աւելլուիս . անգեւոյ ե զաբարեւոյ :

1 Օրհնեցէք զտէր՝ զի բարի են սաղմոսք . աստուծոյ մերում քաղցր եղիցի օրհնութիւն :

2 Ելինէ զերուսաղէմ տէր, և զցրուեալն իսրայելի ժողովէ :

3 Իժշկէ զբեկեալ սիրտս, և պատէ զամենայն վէրս նոցա :

4 Ո թուէ զբազմութիւն աստեղաց, և զամենեսեան զնոսա յանուանէ կոչէ :

5 Սնծ է տէր և մեծ է զօրութիւն նորա, իմաստութեան նորա ոչ գոյ բաւ :

6 Ընդունի զհեզս տէր, և խոնարհ առնէ զամբարտաւանս մինչև յերկիր :

7 Օրհնեցէք զտէր խոստովանութեամբ, սաղմոս ասացէք նմա օրհնութեամբ :

8 Ո զգեցոյց զերկինս ամպովք, պատրաստ արար զանձրև իւր յերկիր :

9 Խուսոյց զխոտ ՚ի լերինս, զդալար ՚ի ծառայութիւն մարդկան :

10 Ո տայ անասնոց կերակուր, ձադուց ադաւուց՝ որ կարգան առ նա :

11 Ոչ թէ ընդ զօրութիւնս ձիոյ կամեցաւ տէր, և ոչ ընդ իրանս առն սկայի հաճեցաւ :

12 Այլ հաճեցաւ տէր ընդ երկիւղածս իւր, և ընդ այնոսիկ՝ ոյք յուսան յողորմութիւն նորա :

Տոնք 12 :

## ՄՆԱՄՈՍ ՆՂԵԶ

Աւելլուիս . անգեւոյ ե զաբարեւոյ :

1 Գովեա երուսաղէմ զտէր :

2 Եւ օրհնեա զաստուածքո սիրին :

3 Օվ զօրացոյց գնիգս դրանց քոց, և օրհնեաց զորդիս քո ՚ի քեզ :

4 Ո եղ զսահմանս քո ՚ի խաղաղութիւն . պարտութեամբ ցորենոյ լոյց զքեզ :

5 Առաքէ զբան իւր յերկիր . վաղվաղ ընթանան պատգամք նորա :

6 Վնէ զծին որպ զսար, և զմեզ որպէս  
փոշի ցանեաց:

7 Արկանէ զսառն որպէս պատաս. առաջի  
ցրոտյ նորա ո՞ կարէ կեալ:

8 Առաքէ զբան իւր և հալէ զնոսա. շնչեցեն  
հողմք, և գնասցեն ջուրք:

9 Պատմէ զբան իւր յակովբայ, զարդարու-  
թիւն և զիրաւունս խրայելի:

10 Ոչ այսպէս արար ամենայն ազգաց տէր, և  
զգատաստանս իւր ոչ յայտնեաց նոցա:

Տու.ք 10: Գորդլայ 32:

## ԱՄՈՒՍ ԱՂԻՆ

Աւելւ-իս. անգեայ և զաբարիայ:

1 Օրհնեցէք զտէր յերկնից, օրհնեցէք  
զնա ՚ի բարձանց:

2 Օրհնեցէք զնա ամենայն հրեշտակք նորա.  
օրհնեցէք զնա ամենայն զօրութիւնք նորա:

3 Օրհնեցէք զնա արեգակն և լուսին. օրհ-  
նեցէք զնա ամենայն աստեղք և լոյսք:

4 Օրհնեցէք զնա երկինք երկնից. ջուրք որ ՚ի  
վերոյ քան զերկինս, օրհնեցէք զանուն տեառն:

5 Օ, ի նա ասաց՝ և եղևն, հրամայեաց՝ և հաս-  
տատեցան:

6 Ապոյց զնոսա յաւիտեանս յաւիտենից. սահ-  
ման եղ, և ոչ անցաննն:

7 Օրհնեցէք զտէր յերկրէ վիշապք և ամենայն  
խորք:

8 Հուր և կարկուտ, ձիւն և սառն, հողմ և  
ճրրիկ, որ առնէք զբան նորա:

9 Երինք և ամենայն բարձունք, ծառք պտղա-  
բերք և ամենայն մայրք:

10 Վազանք և ամենայն անասունք, սողունք և  
ամենայն թռչունք թևաւորք:

11 Թագաւորք երկրի և զօրք իւրեանց, իշխանք  
և ամենայն դատաւորք երկրի:

12 Երիտասարդք և կուսանք, ծերք և տղայք  
օրհնեցէք զանուն տեառն:

13 Բարձրացաւ անուն նորա միայն. խոստո-  
վանութիւն նմա յերկինս և յերկրի:

14 Բարձր առնէ տէր զեղջիւր ժողովրդեան  
իւրոյ. օրհնութիւն յամենայն սրբոց նմա, յոր-  
դուցն իսրայելի՝ ժողովուրդ որ մերձ է առ տէր:

Տու.քն 14:

## ԱՄՈՒՍ ԱՂԻԹ

Աւելւ-իս. անգեայ և զաբարիայ:

1 Օրհնեցէք զտէր յօրհնութիւն ՚ի նոր,  
օրհնութիւն նմա յեկեղեցիս սրբոց:

2 Ուրախացի իսրայել յարարիչ իւր. որգիք  
սիովնի ցնծացնն ՚ի թագաւորն իւրեանց:

3 Օրհնեցեն զանուն նորա օրհնութեամբ,  
սաղմոսիւք և օրհնութեամբ սաղմոս ասացնն նմա:



4 Հաճի տէր ընդ ժողովուրդ սուրբ իւր , և բարձր առնէ զՏեղս 'ի փրկութեան :

5 Պարծեսցին սուրբքն փառօք , և ցնծասցեն 'ի Հանգիստս իւրեանց , և բարձր արասցեն զաստուած բերանօք իւրեանց :

6 Սուր երկասյրի ետ 'ի ձեռս նոցա , առնուլ Հատուցումն 'ի հեթանոսաց , յանդիմանութիւն ամենայն ժողովրդոց :

7 Ի կապել զթագաւորս նոցա կապանօք , զզօրաւարս նոցա ձեռնակապօք երկաթեօք :

8 Ըննել նոցա դասաստանս 'ի գրոց . փառք այս են ամենայն սրբոց նորա :

Տունք 8 :

## ՍԵՂԱՄԱՍ ՆՕՕ

Ընկուի . անգեայ ե զառարկայ :

1 Օրհնեցէք զաստուած 'ի սրբութեան նորա , օրհնեցէք զնա 'ի հաստատութեան 'ի զօրութեան նորա :

2 Օրհնեցէք զնա 'ի զօրութեան նորա , օրհնեցէք զնա 'ի բազում մեծութեան նորա :

3 Օրհնեցէք զնա 'ի ձայն օրհնութեան , օրհնեցէք զնա սաղմոսիւք և օրհնութեամբ :

4 Օրհնեցէք զնա ցնծութեամբ , գովեցէք զնա ուրախութեամբ :

5 Օրհնեցէք զնա 'ի բանս քաղցր , գովեցէք զնա 'ի բարբառ լսելի :

6 Օրհնեցէք զնա 'ի ձայն գոհութեան . ամենայն հոգիք օրհնեցէք զսէր :

Տունք 6 : Գորդայս 26 :

Առարկայս . գեղար Սաղմոսաց  
Գաւթի :







40P

U

*[Handwritten signature]*

2508

24 \$.

« Ազգային գրադարան



NL0029569

*[Small handwritten scribble]*

